

К'АРЕД ШАНДИЙА

Пешготын

К'этеба «К'аред Шандийа» думаййа «Мьзгинийа^ф Луца» йэ, йа кө бь дэсте Луца натийэ нъвисаре. Мэрэме к'этебе эw э, кө шьровэкэ пэйчуйед Мэси^ф чава бь р'эбэрийа Р'öh'е^ф Пироз ль Оршэлиме^ф, Шьһустане^ф, Самэрайае^ф у wэлатед майинда бунэ шэ'дед Wi (1:8). Öса жи дьдэ к'ьфше, кө шьвина^ф ну бь чь зэлулийе у тэ'ли-тэнгийе һ'име хwэ гьрт у бь алик'арийа Р'öh'е Пироз чава нава ван охьрмед гьранда пешда дьчу. Алики дьнва жи гава һе к'ур дьби, дьбини кө эва к'этеба т'ариха мэсиһийе^ф йэ, кө жь Фьльстине нава шьһуйа^ф дэстпебу у паше бу бawэрикэ^ф т'эмамийа дьһийае.

Эм дькарьн К'аре Шандийа сэр се п'ара п'арэwэкьн:

1. Бэлабуна мэсиһийе Оршэлимеда, пэй жорһьлатьна Исар'а (1:1–8:3)
2. Бэлабуна мэсиһийе жь Оршэлиме у Шьһустанеда гьрти һ'эта Самэрайае, Шаме у шийед дьнэ дор-бэред Фьльстине (8:4–12:25)
3. Бэлабуна мэсиһийе нава wэлатед дор-бэре Бэ'ра Сьпи (Бэ'ра Навбэре), һ'эта Р'омайе^ф (13:1–28:31)

Жь ван қэwьмандьнед ве к'этебеда йэкэ һэрэ бэрбьч'э'в бона кьред Р'öh'е Пироз нъвисар э, кө Р'ожа^ф Пенцийэ һ'эсабда ль Оршэлиме сэр бawэрмэндада чава қэwат бари у р'эбэрийа шьвине кьр, шьвин у сэрwеред we нав хэбата wанда қэwат кьрын. Ёинкьрьнед мэсиһийед пешьн нава даннасинкьрьнада хойа дьбэ. Аwa мэсэлэ, нава даннасинийа Пэтрусе^ф шандида^ф пэй стандьна Р'öh'е Пирозр'а (2:14–36), нава даннасинийа п'арьстгэһеда^ф пэй қэншбуна йе ньгсэқэтр'а (3:11–26), шабдайна Стэйфанда бэр шьвина гьрэгьред Оршэлиме (7:1–53) у готьнед Павлосда (13:16–41; 17:22–31; 20:18–35; 22:1–21; 24:10–21; 26:2–23). Эw қэwьмандьнед

к'ьтебеда кӧ тенӧ биранине дьдӧнӧ к'ьфше, кӧ чава даннасин-кьрӧн у хинкьрӧнед шандийа бь we қӧдрӧте тенӧ кьрӧне, йа кӧ бь қәwата Р'ӧh'е Пироз шьвинеда нава э'мьре бавӧрмӧндада те к'ьфше у бь шьвине Мьзгинийа Иса Мӧсӧн дьнийайеда бӧла дьбӧ.

Сӧрӧщӧма фькьра к'ьтебе

Назьркьрӧна шӧ'дӧтийа шандийа (1:1-26)

1. Соз у т'ӧмийа Исайӧ хьлазийе (1:1-14)
2. Бьжартьна Матийо дӧwса Щьхудаие^ф Исхӧрийот (1:15-26)

Шӧ'дӧтийа Оршӧлимеда (2:1-8:3)

Шӧ'дӧтийа wӧлатед Щьхустане у Самӧрийаеда (8:4-12:25)

Қӧльхе Павлос (13:1-28:31)

1. Р'еwитийа Павлосе шандийӧ пешьн (13:1-14:28)
2. Шӧwьра шьвина Оршӧлимеда (15:1-35)
3. Р'еwитийа Павлосе шандийӧ дӧда (15:36-18:22)
4. Р'еwитийа Павлосе шандийӧ сьсийа (18:23-21:16)
5. Павлосе гьрти Оршӧлимеда, Қӧйсӧрийеда у р'еwитийа wийӧ h'ӧта Р'омайе у ахьри (21:17-28:31)

Бона Р'ӧh'е^ф Пирози соз-дайи
(Луқа 24:49)

1 Т'ейофилоие хwӧйиқӧдър, мьн к'ьтеба хwӧйӧ пешьнда* дӧрhӧқа wан h'ӧму тьштада ньвиси, чь кӧ Иса кьр у хин кьр, жь серида ²h'ӧта we р'ожа кӧ бӧрбь э'змен hatӧ hьлатьне. Ле he бӧри э'змен hьлатьне Эwi бь Р'ӧh'е^ф Пироз т'ӧми

ль шандийед^ф Хwӧйӧ бьжарти кьр. ³ Пӧй wан щӧфайед Хwӧр'а Эwi гӧлӧк шара Хwӧнишани wан дьда, р'аст дьда избаткьрӧне кӧ Эw сах э. Навбӧра чьл р'ожида wанва хӧйа дьбу у дӧрhӧқа П'адшатийа^ф Хwӧдеда wанар'а хӧбӧр дьда. ⁴ Щарӧке гава Эwi т'ӧви wан нан дьхwар, т'ӧми да wан у гот: «Жь Оршӧлиме^ф дӧрнӧк'ӧwьн, ле бӧле нивийа созе Баве^ф

* ^{1:1} Луқа 1:1-4.

бьсэкьнын, бона к'ижани вә жь Мьн бьхист*. ⁵ Йун'әнна^ф бь аве ньхөманд, ле हुне чэнд р'ожа шунда бь Р'өһ'е Пироз бенә ньхөмандьне^ф»*.

Жорһьлатьна Иса

(Марқос 16:19-20;

Луқа 24:50-53)

⁶ Гава шагьрт^ф һәвр'а щики бун, жь Иса пьрсин у готьне: «Хөдан^ф, ви зәманида Те П'адшатийа Израеле^ф ль ван вәгәр'ини?» ⁷ Әви ль ван вәгәр'анд у гот: «Әв нә ише вә йә кө हुн ван вәхт у зәмана бьзаньбьн йед кө Баве бь һ'өкөме Хвә к'ьфш кьрьнә. ⁸ Ле гава Р'өһ'е Пироз бе сәр вә, हुне қәвате бьстиньн у жь Оршәлимеда гьрти т'әмамия Щьһустане^ф, Самәрийае^ф у һ'әта сәре дьне жи бьбьнә шә'дед Мьн»*. ⁹ Гава әв йәк гот, бәр ч'ә'ве ван бәрбь ә'змен һатә һьлатьне у ә'врәки жь бәр ч'ә'ве ван Әв вәшарт*.

¹⁰ Әв һе зур' бьбун ль чуйина Вийә ә'змен дьньһер'ин, ва дө мәрьвед^ф к'ьнщсыпи щәм ван сәкьнин ¹¹ у готьн: «Гәли щәлилийа^ф! हुн чьма өса сәкьни нә у ль ә'змен дьньһер'ьн? Әв Исайе кө жь нав вә һатә һьлатьне, ве өса жи бе, чава вә дит Әв чу ә'змен».

Бьжартьна Матийо

дәвса Щьһудайе^ф Исхәрйоти

(Мәтта 27:3-10)

¹² Һьнге әвана жь ч'ийае^ф Зәйт'уне вәгәр'ийанә Оршәлиме, кө р'ийа р'ожәкә шәмийе* дури Оршәлиме бу. ¹³ Гава һатьнә бажер, чунә ода мәзьнә жорьн, әв щийе кө Пәтрус^ф у Йун'әнна^ф, Ақуб^ф, Әндрауьс, Филипо, Т'ума, Бәртоломәйо, Мәтта, Ақубе^ф һалфаво, Шьм-һ'уне вәлатп'арьст^ф у Щьһудайе^ф Ақуб теда дьман*. ¹⁴ Ван һ'әмуйа һәр гав һәвр'а т'әви к'өлфәта^ф у Мәрийәма^ф дийа Иса у бьрайед Ви дөа дькьрьн.

* ^{1:4} Луқа 24:49.

* ^{1:5} Мәтта 3:11; Марқос 1:8; Луқа 3:16; Йун'әнна 1:33.

* ^{1:8} Мәтта 28:19; Марқос 16:15; Луқа 24:47-48.

* ^{1:9} Марқос 16:19; Луқа 24:50-51.

* ^{1:12} Бь готьнәкә дьн: «Километьрәке».

* ^{1:13} Мәтта 10:2-4; Марқос 3:16-19; Луқа 6:14-16.

¹⁵ Ван р'ожада Пэтрус нава бавэрмэндада р'абу, (кө ль вьр қаси сэд бист мөрви бун) у гот: ¹⁶ «Гэли бьра! Гэрэке эв ньвисара бьната сери, чава кө бэри ве йэке Р'өһ'е Пироз бь дэве Давьд^ф бона Щьһуда^ф готьбу, кө эв бу р'ебэре ван, йед кө Иса гьртън. ¹⁷ Эв т'эви мэ нав һ'эсабе мэда бу у п'ара ви жи нава ви қольхида^ф бу».

¹⁸ (Эви бь һэде кьре хвэйи нәһэқ э'рдэк станд у ль вьр сэр сери к'эт, зьк ле қэльши дьл-һ'ь-наве ви һ'эму р'ьжийан. ¹⁹ Эва йэка һ'эму бьнэлийед^ф Оршэ-лимева э'йан бу, һ'эта бь зьмане хвэ жи ви э'рдир'а һэқьлдьма готън, ава готи «Э'рде хуне».)*

²⁰ Пэтрус думайи кьр гот: «Чава к'ьтеба Зэбурада^ф жи ньвисар э:

⟨Дэ бьра мала ви хьрабэ бэ, кэсэк теда нэминэ⟩*

у:

⟨Дэ бьра қольхе вийи сэрвер-тийе йэки дьн бьстинэ⟩**.

²¹ Ава гэрэке йэк жь ван мера бэ, к'ижан кө т'эмаийа ви

вэхти т'эви мэ бунэ гава Хөдан Иса т'эви мэ дьчу дьһат, ²² жь ньхөмандьна Йуһ'эннада гьрти һ'эта we р'ожа кө Эв жь нав мэ бэрбь э'змен һатэ һьлатьне. Эв гэрэке т'эви мэ бьбэ шэ'де р'абуна Вийэ жь мьрьне».

²³ Дө мэри данэ сэкьнандьне, йэк Усьве^ф кө жер'а Барсабо дьготън (кө наве ви данибун Йусто) у ие дьн Матийо. ²⁴ Дөа кьрън у готън: «Хөдан, Тө кө дьле^ф һэр кэси зани, жь ван һэр дөйа к'ижани кө Тө дьбь-жери бьдэ к'ьфше, ²⁵ вэки эви қольхе шандитийе бьстинэ, жь к'ижани Щьһуда^ф же к'эт кө һэр'э щийе хвэ». ²⁶ П'эшк сэр ван авитън, п'ара Матийо к'эт у эв сэр һ'эсабе йанздәһ шандийада зедэ бу.

Һатьна Р'өһ'е Пироз Р'ожа^ф Пенцийэ һ'эсабда

2 ¹ Гава Р'ожа Пенцийэ һ'э-саб һат*, һ'эму жи һэвр'а щики бун. ² Ньшкева жь э'змен мина дэнге байе қайим дэнгэк һат у т'эмаийа we мала кө

* ^{1:19} Мэтта 27:3-8.

* ^{1:20} Зэбур 69:25.

** ^{1:20} Зэбур 109:8.

* ^{2:1} Қануна К'аһинтийе 23:15-21; Қануна Дөщари 16:9-11.

теда р'уньшт'бун т'ъжи кър.
³ Ынге зьманед мина алава
 егър ванва х'ойа бун у ль сэр
 һәр йәки жь ван данин. ⁴ Һ'э-
 му бь Р'өһ'е Пироз т'ъжи бун
 у дэстпекърьн зьманед майин
 хэбэр дан, чава кө Р'өһ'е Пироз
 әв дыданә хэбәрдане.

⁵ Ви чахи Оршәлимеда щь-
 хуйед^ф хвәдехоф дьман, әв жь
 нав һ'әму мьләтед бьн п'әр'е
 әзменда һат'бун. ⁶ Гава әв
 дэнг һат, щьмә'тәкә гьран
 щьвийа у т'әвиһәв бу, чьмки
 дьбьһистьн кө әвана бь зьманед
 ван һәр йәки хэбәр дыдан ⁷ у
 һ'әйр-һ'өжмәк'ар, зэндәгьрти^ф
 майи дьготьн: «Әв һ'әмуийед кө
 хэбәр дьдьн нә жь Щәлиле^ф
 нә? ⁸ Ле чава жь мә һәр йәк ви
 зьмани дьбьһе, йе кө әм навда
 дьне к'әтьнә? ⁹ Партоийи, мәди,
 ә'лами, бьнәлийед Мәсопотам-
 йае, Щьһустане, Кәпәдокийае,
 Понтосе, Асийае*, ¹⁰ Фьригйае,
 Памфилйае, Мьсьре^ф у йед ль
 алийе Либйаа незики Курене
 у өса жи йед хәрибә жь Р'оме^ф
 һати, ¹¹ щьһу^ф у нәщьһуйед^ф кө
 һатьнә сәр бавәрийа^ф щьһу-

йа, өса жи кьрети у ә'рәб. Әм
 дьбьһен кө әвана бь зьмане мә
 кьред Хвәдейә мэзын дьбежьн».
¹² Һ'әмуийа һ'әйр-һ'өжмәк'ар
 шашмайи һәвдөр'адьготьн: «Әв
 чь һ'әвал ә?» ¹³ Ле һьнәка жи
 қәрфе хвә дькьрьн у дьготьн:
 «Пе шәрава ну сәрхвәш бунә».

**Даннасинийа Пәтрусә
 пәй һатьна Р'өһ'е Пирозр'а**

¹⁴ Ынге Пәтрус т'әви һәр
 йанздәһа р'абу дэнге хвә һьлда
 у щьмә'тер'а гот: «Гәли щьһу-
 йа у һ'әмуийед кө Оршәлимеда
 дьминьн! Бьра әв йәка вәва
 ә'йан бә у гөһ бьдьнә хэбә-
 ред мьн. ¹⁵ Әвана нә сәрхвәш
 ьн, чава кө һун дьфькьрьн,
 һе сьбәһ зу сьһ'әт нәһә йә*.
¹⁶ Ле әва әв йәк ә, чь кө Йеел
 п'ехәмбәр^ф готийә:

¹⁷ <Р'ожед ахьрийеда Хвәде
 дьбежә we аһа бә:
 Әзе жь Р'өһ'е Хвә сәр һ'әму
 мәрьвада бьбариньм,
 көр' у қизед вәйе п'ехәм-
 бәртийе^ф бькьн,
 шаһьлед вәйе дитьнока
 бьбиньн

* 2:9 Ви чахи «Асия» кем у зедә вәкә Т'ьркйа иройин нас дькьрьн.

* 2:15 Щьһуйа ль гора ә'дәте хвә сәре сьбе нан нәдьхварьн һ'әта сь-
 һ'әта нәһа пәй дбар'а.

- у кал-пиред вәйе жи хәвна.
- 18 Бәле, Эзе ван р'ожада Р'öh'e
Хвә сәр хөлам у шарийед
Хвәда жи бьбариньм
у we п'ехәмбәртийе бькьн.
- 19 Жор ль э'змен
тыштед э'шебмайи бьдьмә
к'ьфше
у жер сәр э'рде жи нишана,
хун у агьр, ду у духан.
- 20 Р'ойе бьқарә
у ниве жи сор бә мина хуне,
he бәри һатьна Р'ожа^ф Хө-
данә мэзын у навә нишан.
- 21 У we öса бә, һәр кәсе кә гази
навә Хөдан кә we хьлаз^ф
бә>*.
- 22 Гәли исраелийа, ван хәбәра
бьбьһен! Исайте Ньсрәте, мәр-
рвәки кә жь алийе Хвәдеда
к'ьфшкьри бу, Хвәде пе Wi
нава вәда нишан, к'эрәмәт
у кьред қәват кьрын, чава кә
һун хвәха жи заньн. 23 Бо-
на Wi Хвәде he пешда қьрар
кьрбу у бь занәбуна Wi Эw
к'этә дәсте вә, вә жи бь дәсте
нәр'аста дармьхе хьст кәшт*.
- 24 Ле Хвәде қәйдед мьрнейә
щәфе вәкьрын, Эw жь мьрне
р'акьр, чьмки мьрне нькарьбу
һ'өкөми сәр Wi бькьра*. 25 Да-
вьд бона Wi дьбежә:
«Мьн т'ьме Хөдан пешийа
хвә дьдит,
чьмки Эw ль алийе мьни
р'асте йә, кә эз нәльк'өммь.
26 Бона we йәке дьле мьн ша
бу,
зьмане мьн жи жь әшқа
нәсәкьни,
бәдәна мьнә мьри жи we бь
гөман бьжи,
27 чьмки Тө мьн дийаре^ф мь-
рийада һәһели,
нә жи Те бьһели кә Пирозе
Тә бьр'ьзә.
28 Тә р'ийед ә'мьр мьнва ә'йан
кьрын
у Те шабуна диндара Хвәва
мьн т'ьжи ки*.
29 Гәли бьра! Һ'әwщә йә кә эз
ашкәрә бона Давьде бавә'шир
вәр'а бежьм, кә әw мьр дәфьн
кьрын, т'ьрба wi һ'әта р'ожа
иро жи нава мәда йә. 30 Ле әw
кә п'ехәмбәр бу, wi заньбу кә
Хвәде бь сонд вьр'а соз дайә,

* 2:21 Йоел 2:28-32.

* 2:23 Мәтта 27:35; Марқос 15:24; Луқа 23:33; Йуһ'әнна 19:18.

* 2:24 Мәтта 28:5-6; Марқос 16:6; Луқа 24:5.

* 2:28 Зәбур 16:8-11.

we жь бэдэна wi Йэки дайнэ сэр т'эхте wi*. ³¹ Эwi эв йэк he пешда дит у бона р'абуна Мэсиһ^ф гот, кӧ Эwe дийаре мьрийада нэминэ, нэ жи бэдэна Вийе бър'ызэ*. ³² Эва эw Иса бу, йе кӧ Хwэде Эw жь мьрьне р'акър, кӧ эм h'эму жи шэ'дэ нэ. ³³ Хwэде Эw һьлк'ышанд да к'елэка^ф Хwэйэ р'асте, Эwi жи Р'öh'e Пирози создайи жь Баве станд у жорда баранд, чава кӧ хун ньһа дьбиньн у дьбьһен. ³⁴ Р'аст э Даьд нэчубу э'змана, ле wi хwэха эв йэк гот:

«Хӧдан готэ Хӧдане мьн,
к'елэка Мьнэ р'асте р'уне,
³⁵ h'эта кӧ Эз дьжмьнед Тэ
бькьмэ бьне п'ийед Тэ»*.

³⁶ Ньһа бьра т'эмамийа мала Исраел р'ьнд заньбэ эw Исайе кӧ wэ хач^ф кьр, Хwэде Эw һьн кьрэ Хӧдан, һьн жи Мэсиһ».

³⁷ Щьмэ'те эв йэк кӧ бьһист, мина тирэке дьле ван к'эт, Пэтрус у шандийед майин-р'а готьн: «Эм чь бькьн, гэли бьра?» ³⁸ Пэтрус ванр'а гот:

«Т'обэ^ф кьн у бьра жь wэ һэр йэк бь наве Иса Мэсиһ бона бахшандьна гӧна бе ньхӧман-дьне^ф у һуне Р'öh'e^ф Пироз п'ешк'еш^ф бьстиньн. ³⁹ Эв соз бона wэ у зар'ед wэ йэ, ӧса жи бона h'эмуйед дур э кӧ Хӧдан Хwэде мэйе гази ван кэ».

⁴⁰ Пэтрус бь гэлэк хэбӧред майин бь мэ'рифэти т'эми да у һиви жь ван кьр у гот: «Хwэ жь ви ньсьле^ф нэһэқ хьлаз кьн».

⁴¹ Эwed кӧ хэбӧред wi қэбул кьр-ьн, пе аве һатьнэ ньхӧмандьне^ф у we р'оже wэкэ се h'эзара ль һэв зедэ бун. ⁴² Ван т'ьме хwэ ль һинкьрьна шандийа дьгьрт, ль һэв дьщвьийан, нан кәрдь-кьрьн* у дӧа дькьрьн.

Э'мьре бawэрмэнда

⁴³ Хоф у тьрс дьк'этэ сэр һэр кэси у бь дэсте шандийа гэлэк к'эрэмэт у нишан дьбун. ⁴⁴ H'э-му бawэрмэнд һэвр'а бун у һэр тыштед ван йэк бу. ⁴⁵ Hэбук^ф у мьлк'е хwэ жи дьфьротьн у бэ-лайи h'эмуйед h'эwщэ дькьрьн.

* 2:30 П'адшати IV, 7:12-13; Зэбур 132:11.

* 2:31 Зэбур 16:10.

* 2:35 Зэбур 110:1.

* 2:42 Ль ве дэре те фэ'мкьрьне, кӧ бawэрмэнда пешийе нан дьхвар, паше Шива Хӧдан дэрбаз дькьрьн.

46 Һәр р'ож бь т'ьфақ^ф дьчунә п'арьстгәһе^ф, малада нан кәр-дыкьрын у әшқ-ша бь дьле сах хварьн дьхварьн, 47 шыкьрийа хвә Хвәде данин у т'әмамия шьмә'те ль ван хвәш бу. Хөдан жи р'ож бь р'ож һ'әсабе хьлаз-буйийа^ф зедә дькьр.

**Қәншбуна йе ньгада сәқәт
п'арьстгәһеда**

3 1 Шарәке Пәтрус у Йуһ'әнна вәхте дөайе сьһ'әта сьсийа һьлдк'ьшийанә п'арьстгәһе. 2 Мәрвьәки жь зькмакийеда ньгада сәқәт һәбу, кә һәр р'ож данин бәр дәргәһе п'арьстгәһейи кә Бәдәв дьһатә готьне даданин, кә жь йед дьһатьнә п'арьстгәһе п'арс кьра. 3 Әви кә дит Пәтрус у Йуһ'әнна дьк'әвьнә п'арьстгәһе, лава ван кьр кә п'арсе бьдьне. 4 Пәтрус т'әви Йуһ'әнна ль ви ньһер'и у готе: «Ль мә бьньһер'ә!» 5 Әви жи ль ван ньһер'и у ч'ә'ве ви ле бу, кә we тыштәки жь ван бьстинә. 6 Һьнге Пәтрус готе: «Зер' у зиве мьн т'өнә, ле чи мьн һәйә өзе Ви бьдьмә тә. Бь наве Иса Мәсиһе Ньсрәте р'абә бьгәр'ә». 7 Дәсте вийи р'асте

гьрт р'акьр, пер'а-пер'а қөдуме чока у гузәкед ви шыдийан. 8 Әви банзда сәр хвә сәкьни, дәстпекьр гәр'ийа у т'әви ван к'әтә п'арьстгәһе дьгәр'ийа, банздьда у шыкьри дьда Хвәде. 9 Гава т'әмамия шьмә'те дит кә әв дьгәр'ә у шыкьрийе дьдә Хвәде, 10 нас кьрын кә әв ә, йе кә бона п'арсе бәр дәргәһе п'арьстгәһейи Бәдәв р'удьнышт у бона тыште кә т'әви ви қәвьми зәндәгьрти мабун у дьһ'әйирин.

**Пәтрус һевангәһа
Сьлеманда^ф даннасин дькә**

11 Әви кә Пәтрус у Йуһ'әнна бәр'нөдьдан, т'әмамия шьмә'те ә'щәбмайи бәрбьр'и ван бәзи, һ'әта ви щийе кә жер'а дьготьн һевангәһа Сьлеман. 12 Пәтрус кә әв йәк дит, шьмә'тер'а гот: «Гәли израелийа! Һун чьма бона ве йәке ә'щәбмайи манә? Чьма тьһәрәки ль мә дьньһер'ьн? Те бежи қәй мә бь қәват йан хвәде-п'арьстийа хвә әв да гәр'е? 13 Хвәдейе Бьраһим^ф, Ишақ^ф, Ақуб у Хвәдейе кал-бавед мә, Бәрдәстийе Хвә Иса р'умәт кьр*. Вә нәмамия^ф Ви кьр у

* 3:13 Дәрк'әтьн 3:14-15.

бэр Пилато^ф т'эхсир кър, гава эви църар кърбу ко Wi бэр'дэ. ¹⁴Wэ йе Пироз^ф у р'аст т'эхсир кър у йе меркөж хвэст кө вэр'а бе бэр'дане*. ¹⁵Wэ Ч'э'вкани-йе жийине көшт, ле Хвэде Эw жь мьрне р'акър у эм хвэха шэ'дэ нэ. ¹⁶У qəwата наве Wi эва мэрыва қәнш кър, к'ижани кө хун дьбиньн у нас дькьн. Бэле we бавэрийа^ф бь наве Wi эва бэр ч'э'ве wэ h'эмуяа сах-сыламэт кър.

¹⁷Ньһа гэли бьра, эз заньм кө wэ жи мина сэрверед хwэ бь нэзанийа хwэ кьрийэ. ¹⁸Ле Хвэде чава бэри ве йэке бь дэ-ве h'эму п'эхэмбэра бона шэфе Мэсиге Хwэ готьбу, öca жи кър. ¹⁹Аwa т'обэ кьн у бэрбь Хвэде вэгэр'ьн^ф, кө гөнед wэ бенэ р'эситкьрне. ²⁰Һьнге wэхтед жийиндарийе жь h'ьзурийа Хө-дан we бен у Эwe Иса бышинэ, wi Мэсиге кө бэреда бона wэ к'ьфш кьрийэ. ²¹Лазьм э Эw ль

э'змен бьминэ, h'эта кө Хвэде һэр тышти ну чекэ*, чава кө һе бэре пешда Хвэде бь дэве п'эхэмбэред Хwэйэ пироз готьбу. ²²Бэле Муса^ф гот: <Хөдан Хвэдейе wэ we жь нав бьрайед wэда П'эхэмбэрэки мина мьн wэр'а дэрхэ. һэр чь кө wэр'а бежэ, гэрэке хун гөһдарийа Wi бькьн. ²³Һэр к'и кө гөһдарийа Wi п'эхэмбэри нэкэ, жь нав шьмэ'те we бе қэтандьн у öндакьрне*. ²⁴У h'эму п'эхэмбэра жи, жь Самуел^ф гьрти у йед пэйр'а чь кө готьнэ, бона ван р'ожа хэбэр данэ. ²⁵Һун мират'хоред^ф п'эхэмбэра у we пэймане^ф нэ, йа кө Хвэде т'э-ви кал-бавед wэ* гьреда. Эwi готэ Бьраһим: <Бь зөр'эта тэ эзе дөа h'эму мьлэтэд дьнийае бькьм>**. ²⁶Хвэде Бэрдэстийе Хwэ Иса мьлэтр'а дэрхьст у пешийе шандэ шэм wэ, кө дөа wэ бькэ у бь ви авайи wэ һэр кэси жь хьрабийед wэ вэгэр'инэ».

* 3:14 Луқа 23:13-23.

* 3:21 Аһа жи те фэ'мкьрне: «Һ'эта кө Хвэде һэр тышти бинэ сери», аwa готи һэр тыштед кө бь дэве п'эхэмбэра дэрһөқа Иса Мэсиге һатьнэ готьне.

* 3:23 Qануна Дөщари 18:15, 18, 19.

* 3:25 Нав һьнэк дэстньвисарада дэwса «wэ» «мэ» һэйэ.

** 3:25 Дэстпедун 22:18; 26:4.

**Пэтрус у Йуһ'энна
ль бэр шьвина^ф гьрэгьра**

4 ¹ Пэтрус у Йуһ'энна һе шьмэ'тер'а хэбэр дьдан, к'аһина^ф у сэрwere нобэдаред п'арьстгәһе т'эви садудийа^ф сэр wанда гьртън. ² Эwана ащъз бьбун, чьмки wана шьмэ'т һин дькьр, кӧ Иса жь мьрьне р'абуйэ, избат дькьрън кӧ мьрийе р'абьн. ³ Эw гьртън кьрънэ кәле һ'эта р'ожа дьне, чьмки иди евар бу. ⁴ Ле гәләкед кӧ хэбэр дьбьһистън бавэр кьрън, һ'эсабе wан гьһиштә пенш һ'эзара.

⁵ Р'ожа дьне сэрwer, р'успи^ф у қанунзан^ф шьвийанә Оршәлиме. ⁶ Һәнәне сәрәкк'аһин, Қәйафа, Йуһ'энна, Скәндәр у һ'әмуьед майинә жь хун-қьнета сәрәкк'аһин жи ль wьр бун, ⁷ Пэтрус у Йуһ'энна нава хwәда данә сәкьнандьне у пьрсин: «Wә бь чь қәwате йан бь чь нави әв йәка кьр?» ⁸ We дәме Пэтрус бь Р'өһ'е Пироз т'ьжи wанар'а гот: «Гәли сәрwerед шьмэ'те у р'успийа!» ⁹ Һәгәр һун иро бона ве қәншияа кӧ ви сә-қәтир'а бу жь мә дьпьрсьн, кӧ

әw чаwа қәнш буйә, ¹⁰ бьра wә у т'әмамийа мьләте Исраелева ә'йан бә, кӧ әва бь сайа наве Иса Мәсиһе Ньсрәте ль бәр wә қәншбуйи сәкьни йә, Эwe кӧ wә хач кьр у Хwәде жь мьрьне р'акьр. ¹¹ Эw ә «Эw кәвьре кӧ жь wә һоста һатә бер'умәткьрьне у бу сәре ә'нишке^ф». ¹² Бь кәсәки майин хьлазбун^ф т'ӧнә, чьмки бьн п'әр'е ә'зменда на-вәки дьн мәрьвар'а нәһатийә дайине, кӧ әм бькарьбьн бь wi хьлаз бьн».

¹³ Гава wана мерк'имийа Пэтрус у Йуһ'энна дит у пе һ'әсийан кӧ әвана мәрьвнә нәхwәнди у нәзан ьн, ә'щәбмайи ман у нас кьрън, кӧ әвана т'эви Иса бунә. ¹⁴ Ле әw мәрьве қәншбуйи кӧ т'эви wан сәкьни дитън у нькарьбун тыштәк бьготана. ¹⁵ Һьнге ә'мьри ль wан кьрън, кӧ әw жь шьвина^ф гьрэгьра дәр-рен у һәвр'а шевьрин, ¹⁶ готън: «Әм ван мәрьва чаwа бькьн? Чьмки һ'әму бьнәлийед Оршәлимева ә'йан ә кӧ бь дәсте ван к'әрәмәтәкә бәрбьч'ә'в бу у әм нькарьн инк'ар кьн. ¹⁷ Ле wәки нава шьмэ'теда һе бәла нәбә, әм гәфе ль wан бьхьн,

* 4:11 Зәбур 118:22.

кө т'ө шар бь Ви Нави кәсир'а хәбәр нәдън».

¹⁸ Диса гази ван кьрн, т'әми данә ван, кө т'ө шар бь наве Иса хәбәр нәдън у һин нәкьн. ¹⁹ Ле Пәтрус у Йуһ'әнна ль ван вәгәр'андън у готън: «К'а һун хвәха бьфькьрн, гәло әв йәк бәр Хвәде р'аст ә кө әм гөр'а^ф вә бькьн, нә йа Хвәде? ²⁰ Әм нькарын бона ван тыштед кө мә хвәха дитън у бьһистън нәкьнә дәнги». ²¹ Вана диса гәф ль ван хвар у бәр'дан. Бәр щьмә'те мә'ник сәр ван нәдитън кө щәза бьдана ван, чьмки һ'әмуяа жи бона әв тыште қәвьми шькьри дьданә Хвәде. ²² Ә'мьре ви мәрьве кө әв к'әрәмәта қәнщбуне жер'а бу чьл сали жортър бу.

Дөайе бавәрмәнда

²³ Гава Пәтрус у Йуһ'әнна һатънә бәр'дане, әв чунә щәм к'ома хвә у ванр'а һәр тышт гьли кьрн, чь кө сәрәкед к'аһин у р'успийа ванар'а готъбун. ²⁴ Вана жи гава бьһист, һәвр'а дәнге хвә һьлдан

гази Хвәде кьрн у готън: «Йа Хвәйи, Ә'фьрандаре ә'рд у ә'змен, бә'ре у һ'әмуяед нав ванда*, ²⁵ Тә бь Р'өһ'е Пироз пе дәве баве мә, бәрдәстийе Хвә Давьд гот:

«Чьма нәщьһу қьлқьлин у мьләт жи бона тыштед п'уч' фькьрин?

²⁶ П'адшед дьһийае һазьр сәкьнин у сәрвер һәвр'а мьқабьли Хөдан у Мәсиһе Ви щьвийан*».

²⁷ Бәле р'аст ви бажарида сәр бәрдәстийе Тә Исайе пироз, Йе кө Тә бь р'ункьрьне^ф к'ьфш кьр, һеродәс^ф у Пилатойе Понтийо т'әви нәщьһуяа у мьләте Исраеле щьвийан*, ²⁸ вәки ван тышта бькьн, чь кө Тә һе бәреда анәгори қәват у ә'мьре Хвә к'ьфш кьрьбу бьбьн. ²⁹ Ньһа йа Хөдан, сәр гәф у гөр'ийа ванда бьньһер'ә, к'әрәме хөламед Хвәр'а бькә, вәки әм мерк'ими хәбәра Тә хәбәр дьн, ³⁰ дәсте Хвә дьреж кә, вәки бь наве бәрдәстийе Тә Исайе пироз жь нәхвәшияа қәнщ бьн, нишан у к'әрәмәт

* ^{4:24} Дәрк'әтн 20:11; Нәһәмийа 9:6; Зәбур 146:6.

* ^{4:26} Зәбур 2:1-2.

* ^{4:27} Мәтта 27:1-2; Марқос 15:1; Луқа 23:1-11; Йуһ'әнна 18:28-29.

бьқәwьмьн». ³¹ Һәма чава вана дөа хьлаз кьр, әw щийе кә әw шьвийайи бун һ'әжийа у һ'әму бь Р'өһ'е Пироз т'ьжи бун, хәбәра Хwәде мерк'ими хәбәр дьдан.

**Һәр тыште бавәрмәнда
йәк бу**

³² Дьл у р'өһ'е т'әмабийа шьмә'та бавәрмәнда йәк бу. Жь вана т'ө кәси һәбука хwәр'а нәдыгот кә: «Йа мьн ә», ле һәр тыштед ван йәк бу. ³³ Шандийа бь қәwата зор шә'дәтийа мьрьн-р'абуна Хөдан Иса дьдан у к'әрәмәкә^ф мәзын сәр ван һ'әмуя бу. ³⁴ Нава ванда т'ө кәс һ'әwще тыштәки нибу. Әwед кә хwәйе ә'рда йан мала бун, дьфьротьн у қимәте ван тыштед фьроти данин ³⁵ бәр п'ийед шандийа даданин у вана жи к'ер'а чь лазьм буя бәла дькьрьн. ³⁶ Аwa йәки леви^ф жь Қөбрьсе, наве ви Усьв^ф, кә шандийа жер'а дьгот Барнабас^ф, кә те фә'мкьрьне: «Йе Дьлдайине*», ³⁷ ә'рдәки ви һәбу фьрот, қимәте ви ани бәр п'ийед шандийа дани.

**Гөне Һананийа у
Саферийае**

5 ¹ Ле мәрвьәки наве ви Һананийа т'әви жьна хwә Саферийае мьлк'әк фьрот, ² жь қимәте we һьнәк вәшарт, кә жьн жи һаш пе һәбу, һьнәк жи ани ль бәр п'ийед шандийа дани. ³ Һьнге Пәтрус вир'а гот: «Һананийа! Әв чава бу кә мирешьн^ф қәлпе хьраб кьрә дьле тә, кә тө Р'өһ'е Пирозр'а дәрәwa бьки у жь қимәте ә'рде һьнәки вәшери? ⁴ Бәри фьротане нә әв йа тә бу? У пәй фьротанер'а жи қимәте we дәсте тәда нибу? Тә чьма әв йәк кьрә дьле хwә? Тә нә кә мәрвар'а дәрәw кьр, ле Хwәдер'а». ⁵ Гава Һананийа әв хәбәр бьһистьн, к'әт р'өһ'е хwә да у тьрсәкә мәзын һ'әмуьед кә бьһистьн гьрт. ⁶ Хорт жи р'абун әw к'әфән^ф кьрьн у бьрьнә дәрва дәфьн кьрьн.

⁷ Wәкә се сьһ'әта дәрбаз бу, жьна ви кә ньзаньбу чь қәwьмийә, к'әтә һьндөр'. ⁸ Пәтрус же пьрси гот: «Мьнр'а бежә, wә һәбука хwә һәма һақаси фьрот?» Әwe гот: «Бәле, һәма

* 4:36 Наве «Барнабас» бь зьмане арами^ф хәбәр бь хәбәр: «Көр'е Дьлдайине». Аһа те фә'мкьрьне: «Йе кә дьл дьда бәр инсен».

һаҗаһи». ⁹ Ынҗе Пәтрус wer'a гот: «Һун чьма бунә йәк кә Р'öh'e Хөдан быщер'ьбинь^ф? Ва нә дәнҗе ныҗед ван мәрвьед кә мере тә дәфьн кьрьнә жь пышт дери тен, we тә жи дәр-хьнә дәрва». ¹⁰ Пер'а-пер'а әв к'өлфәт к'әтә бәр ныҗед ви у р'öh'e хвә да. Ынҗе хорт к'әть-нә һьндөр', әва мьрити дитьн, һьлдан бьрьн к'еләка мере we дәфьн кьрьн. ¹¹ Тьрсәкә мәзьн к'әтә сәр т'әмамия шьвине^ф у һ'әмуйед кә әв йәк бьһистьн.

К'әрәмәтед бь дәсте шандийа

¹² Бь дәсте шандийа гәләк нишан у к'әрәмәт нав шьмә'теда дьбун. (Һ'әму бавәрмәнд һәвр'а һевангәһа Сьлеманда дьщьвийан. ¹³ Т'ө кәси жь йед майин нәшерьбу незики ван буйа, ле бәле шьмә'те жи қәдьре ван дьгьрт. ¹⁴ Ле диса ә'лаләта жьна у мера һе-һе зедә дьбун, йед кә бавәрийа хвә Хөдан данин.) ¹⁵ Бона ве йәке хәлде нәхвәш дәрдьхьстьнә сәре р'ийа, да-данинә сәр дарбәста у бәр'а, вәки гава Пәтрус дәрбаз бә, т'әне сийа ви бьк'әвә сәр жь ван һьнәка. ¹⁶ Ә'лаләт жи жь бажаред дор-бәра дьһатьнә

Оршәлиме, т'әви хвә нәхвәш у йед кә жь р'öh'ед^ф һ'әрам^ф щәфа дьк'ьшандьн данин у һ'әму жи қәнш дьбун.

Зерандьна шандийа

¹⁷ Сәрәкк'аһин^ф у һ'әмуйед т'әви ви, кә жь к'омәла садудийа бун, һ'әвсудийева дагьрти р'абун ¹⁸ дәст авитьнә шандийа, авитьнә кәлә^ф шьмә'тийе. ¹⁹ Ле мьляк'әтәки^ф Хөдан we шәве дәргәһед кәле вәкьрьн, әв дәрхьстьнә дәрва у готә ван: ²⁰ «Һәр'ьн п'арьстгәһеда бьсәкьньн у шьмә'тер'а ван һ'әму готьнед ве жийине бьжьн». ²¹ Вана жи гөһдари кьр, сьбәһе зу к'әтьнә п'арьстгәһе, дәстпекьрьн һин кьрьн.

Ынҗе сәрәкк'аһин к'ома хвәва һат, т'әви т'әмамия к'ома р'успийед Израеле, шьвина гьрәгьра шьванд у шандьнә кәле кә шандийа биньн. ²² Ле гава бәрдәсти чун, әв кәледа нәдитьн, вәгәр'ийан һатьн у готьн: ²³ «Кәлә жь һәр алийа-ва дадаи бу у нобәдар жи ль бәр дәргәһа бун, ле гава мә вәкьр, мә һьндөр'да т'ө кәс нәдит». ²⁴ Гава сәрвәре нобәдаред п'арьстгәһе у сәрәкед к'аһина әв хәбәр бьһистьн,

сэр ван э'щербмаи ман дыг-
тын: «Гэло чь қәўьмийә?»²⁵ We
дәме йәки хат ванр'а гот: «Ва
әв мәрвьед вә авитьбунә кә-
ле, п'арьстгәһеда сәкьни нә у
шьмә'те хин дыкьн!»²⁶ Ви чахи
сәрвәре нобәдара бәрдәстийава
т'әвайи чун әв анин, ле нә бь
зорбәтийе, чьмки жь шьмә'те
дьтърсийан, кә ван нәдьнә
бәр кәвьра.

²⁷ Әв бьрын бәр шьвина гьрә-
гьра данә сәкьнандьне, сәрәк-
к'аһин жь ван пьрси²⁸ у гот:
«Мә һ'ышк т'әми ль вә нәкьр,
кә бь Ви Нави хин нәкьн? Ле
ва вә Оршәлим бь хинкьрна
хвәва т'ьжи кьрийә, хун дь-
хвазьн шабдарийа хуна Ви
Мәрвьи бькьнә стуйе мә»*.
²⁹ Пәтрус у шандийед майинва
шаб дан у готын: «Әм гәрәке
гөр'а Хвәде бькьн, нә кә йа
мәрьва. ³⁰ Хвәдейе кал-бавед
мә Иса жь мьрьне р'акьр, Әве
кә вә дарва дардакьр кәшт.
³¹ Хвәде Әв бьльнд кьр дани
ль мьле Хвәйи р'асте, кә бь-
бә Р'ебәр у Хьлазкьр^ф, вәки
мәшала т'обәйе у бахшандьна
гәна бьдә Исраеле. ³² Әм шә'де
ван тышта нә, өса жи Р'өһ'е

Пироз, к'ижан Хвәде да ван,
йед кә гөр'а Вида нә».

³³ Гава вана әв йәк бьһист,
гәләки һерс к'әтын у дьхвәстьн
ван бькөжьн. ³⁴ Ле ферьсики^ф
дәрсдаре^ф Қануне һәбу, наве
ви Гамалиел у нава т'әмамийа
шьмә'теда жи хвәйиқәдър бу.
Әва шьвина гьрәгьрада р'абу
сәкьни ә'мьр кьр кә шандийа
хеләке дәрхьнә дәрва³⁵ у ванр'а
гот: «Гәли исраелий! Ындава
ванда һаш жь хвә һәбьн кә һу-
не чь бькьн. ³⁶ Вәхтәке Т'әвдас
пешда хат, кә хвә данибу дәвса
йәки мәзын у вәкә чарсьд мәрь-
ви жи хвә ле гьртьбун, әв һатә
көштьне, һ'әму пәйчуйед ви
жи т'ур'-т'ур'и бун у кәс нәма.
³⁷ Пәй вир'а Щьһудайе Щәлиле
жи р'ожед навньвисареда р'абу
ә'лаләтәкә гьран ль пәй хвә бьр,
ле әв һатә көштьне у һ'әмуйед
пәй ви дьчун жи бәла-бәлайи
бун. ³⁸ У ньһа әз ви һ'алида
вәр'а дьбежьм, жь ван мәрьва
вәгәр'ьн у ван бәр'дьн. һәгәр
әв шешьр йан шьхөл мәрьвати
бә, ве бәтал бә, ³⁹ ле һәгәр жь
Хвәдеда йә, хун нькарьн бәтал
кьн. Мьқати хвә бьн нәбә кә
хун р'абьнә бәр Хвәде».

* 5:28 Мәтта 27:25.

Шьвина гьрэгьра гөр'а ви кьр, ⁴⁰гази шандийа кьрын, эв данэ бэр қамчийа, э'мьри сэр ван кьрын, кӧ иди бь наве Иса хэбэр нэдьн у бэр'дан. ⁴¹Эвана жи жь шьвина гьрэгьра чун, ша дьбун кӧ бона наве Иса нежайи р'эзилкьрыне бунэ. ⁴²Һэр р'ож ль п'арьстгәһе у малада т'ьме Мьзгини^ф дьдан у һин дькьрын кӧ Мәсиһ, Иса йә.

Бьжартына һ'эфт к'омәкдара

6 ¹Ван р'ожада гава шагьрт зедә дьбун, шьһуйед кӧ йунани^ф хэбэр дьдан һьндава шьһуйед ибранида^{ф*} бина хвә тәнг дькьрын, чьмки хӧрәке кӧ һэр р'ож дьһатә бәлакьрыне нә дьгьһиштә жьнәбийед ван. ²Ви чахи һэр донздәһа гази к'ома шагьрта кьр у готьн: «Эв йәк нә р'аст ә кӧ әм даннасинийа хэбәра Хвәде бьһельн, хӧрәк бәлакьрынева мьжул бьн. ³Ньһа гәли бьра, жь нава хвәда һ'эфт мәрьвед бьшә'дәтийа наве қәнш бьбьжерьн, кӧ бь избати Р'ӧһ'е Пироз у сәрвахтийева^ф т'ьжи

нә, вәки әм ван дайнһнә сәр ви шьхӧли. ⁴Ле әме хвә бьдһнә дӧа у даннасинийа хэбәре». ⁵Эва йәка һ'әму бавәрмәнда хвәш һат у әв мәрьвана бьжартьн: Стәйфан, мәрьвәки бь бавәри у Р'ӧһ'е Пирозва т'ьжи, Филипо, Прокоро, Никанор, Тимон, Парменас у Николойе жь Энтакйайе, кӧ жь п'утп'арьстийе^ф һатьбу сәр бавәрийа шьһуйа. ⁶Эвана бэр шандийа данэ сәкьнандьне, шандийа жи дӧа кьрын у дәстед хвә данэ сәр ван. ⁷У хэбәра Хвәде пешда дьчу, э'лаләта шагьрта Оршәлимеда гәләки зедә дьбу у жь к'аһина жи гәләка бавәри қәбул дькьрын.

Гьртына Стәйфан

⁸Стәйфан, әв мәрьвәки бь к'әрәм у қәвата Хвәдева т'ьжи бу, нав шьмә'теда к'әрәмәт у нишанед мәзьн дькьрын. ⁹Ле һьнәкед жь к'ьништа^ф кӧ Азайи* дьһатә готьне, шьһуйед жь Курене у Скәндәрйайе у ӧса жи шьһуйед жь қәзайед Киликйайе

* ^{6:1} «Шьһуйед ибрани» әв бун кӧ ль вәлате хвәда мәзьн бьбун зьмане Ибрани йан Арами хэбәр дьдан.

* ^{6:9} Бь йунани хэбәр бь хэбәр аһа йә: «Льбәртин», кӧ те фә'мкьрыне: «Азайийа хӧлама».

у Асайе р'абун т'эви Стэйфан к'этынэ дэ'ве. ¹⁰ Ле нькаръбун ль бэр ве сэрвахтие у ви Р'öh'е кö пе хэбэр дыда бьсэкънийана. ¹¹ Ви чахи дъзива сэре чэнд мэрийа т'ъжи кърън кö бежън: «Мэ бьхист кö эва тыштед мь-цабъли Муса у Хвэде дыбежэ». ¹² Бь ви авайи щьмэ'т, р'успи у қанунзан т'эвиһэв кърън, р'а-һьштънэ Стэйфан, эв гъртън у к'аши щьвина гърэгъра кърън. ¹³ Шэ'дед дэрэв анин данэ сэкънандъне у ван гот: «Эва т'эрка хэбэрдана мьцабъли ви щийе пироз у Қануна^ф Муса накэ. ¹⁴ Мэ жь дэве ви бьхист кö гот: «Исайе Ньсрэте ве ве П'арьстгэһе һьлшинэ у э'дэтэд кö Муса данэ мэ быгöһезэ». ¹⁵ Һ'эмуйед щьвина гърэгърада р'уньшти гава ль ви ньһер'ин, дина хвэ дане р'энг-р'уйе ви мина р'энг-р'уйе мьляк'эта бу.

**Щабдайина Стэйфан
ль бэр щьвина гърэгъра**

7 ¹ Һьнге сэрэкк'аһин Стэйфанр'а гот: «Эв йэк р'аст ын?» ² Эви гот: «Гэли бав у бьра,

бьбьһен! Гава баве мэ Бьраһим һе Мэсопотамйайеда дыма, кö һе нэчубу бажаре Һ'аране, Хвэдейе р'умэте вива хöйа бу ³ у жер'а гот: «Жь вэлэты у пьсмамед хвэ бьфэтэ у һэр'э ви вэлэте кö эзе нишани тэ кьм»*. ⁴ Һьнге Бьраһим жь вэлэте к'ьлдани-йа дэрк'эт ль Һ'аране ма. Пэй мьрьна баве вивр'а Хвэде эв варгöһастэ ви вэлэте кö һун ньһа теда дыминьн. ⁵ Ль ве дэре варгэһ нэда ви, нэ жи дэвса ньгэки, ле соз да кö ви вэлэти чава мьлк' бьдэ ви у пэй вивр'а жи бьдэ зөр'эта ви, гава кö һе зар'ед ви т'өнэбун*. ⁶ Хвэде вивр'а аһа гот: «Зөр'эта тэйе вэлэте хэлқеда хэрибийеда бэ, ве ван бькьнэ хöлам у чарьсд сали бьдънэ щэфе. ⁷ Ле дивана ви мьлэте кö ве жер'а бьбьнэ хöлам» Хвэде гот, «Эзе бькьм, пэй ве йэкер'а эве дэрен, ль ви щийи Мьн бьһ'эбиньн»*. ⁸ Паше сьнэт^ф чава нишана пэймане да Бьраһим. Ава гава Ишақ жер'а бу, р'ожа һ'эйшта эв сьнэт кър у Ишақ жи Ақуб öса кър, Ақуб жи һэр донздэһ

* ^{7:3} Дэстпелун 12:1.

* ^{7:5} Дэстпелун 17:8; 48:8.

* ^{7:7} Дэстпелун 15:13-14; Дэрк'этын 3:12.

көр'ед хвэйэ бавэ'ширед мэ
өса кьрын*.

⁹Бавэ'шира жи жь h'эвсудийе
Усьв^ф чава холам фьротын, кө
ви бьбьнэ Мьсьре, ле Хвэде
т'эви ви бу*, ¹⁰эв жь h'эму
тэнгасийед ви хьлаз кьр. Га-
ва эв бэр Фьрэвьне^ф п'адше
Мьсьре сэкьни, Хвэде к'эрэм
у сэрвахти даие, п'адше жи
Усьв сэр Мьсьре у т'эмамия
мала хвэ кьрэ сэрвер*. ¹¹Һьн-
ге т'эмамия вэлате Мьсьре у
Көнанада^ф бу хэлайи у к'этынэ
охьрме гьран, кал-бавед мэ
нькарьбун хөрөк дэстхьстана*.

¹²Ақуб кө бьһист ль Мьсьре
гэньм дэст дьк'эвэ, щара пе-
шын кал-бавед мэ шандьн.

¹³Щара дөда Усьв хвэ бьрайед
хвэва да наскьрне у э'сьле ви
Фьрэвьнва э'йан бу. ¹⁴Һьнге
Усьв шанд гази баве хвэ Ақуб
у т'эмамия мала ви кьр, кө
сэрһэв h'эфте пенщ нэфс бун.

¹⁵Ақуб бэржери Мьсьре бу,

эв у кал-бавед мэ шьр мьрын.

¹⁶Шьһийазед ван бьрьнэ Шэхэме
кьрынэ ви мэзэле кө Бьраһим
бь қимэтэки зива жь көр'ед
Һаморе Шэхэме к'ьр'ибу*.

¹⁷Гава эв вэхте кө Хвэде бь
сонд Бьраһимр'а соз дабу незик
дьбу, шьмэ'т Мьсьреда гэлэки
зедэ бьбу. ¹⁸Ви чахи п'адшаки
дьн Мьсьреда р'абу, кө дэрһэқа
Усьвда тыштэк ньзаньбу*. ¹⁹Эви
һ'ьлэк'ари ль мьлэте мэ кьр у
кал-бавед мэ данэ шэфе, п'ейи
сэр ван кьр, кө эв зар'окед хвэ
бавежьнэ дэрва, кө нэжин*.

²⁰Ви чахи Муса жь дийа хвэ
бу, эв йэки гэлэки бэдэв бу у
се мөһа мала баве хвэда мэзын
бу*.

²¹Гава эв һатэ авитьне,
қиза Фьрэвьн эв һьлда бьр,
чава көр' хвэр'а мэзын кьр.
²²Муса т'эмамия сэрвахтия
мьсьрийа һин бу, хэбэрдан у
шьхөле хвэда жи зор бу.

²³Гава чьл салия ви т'э-
мам бу, дьле вьр'а дэрбаз бу

* ^{7:8} Дэстпобун 17:10-14.

* ^{7:9} Дэстпобун 37:11-28; 39:2, 21.

* ^{7:10} Дэстпобун 37:1-36; 39:1-41:46.

* ^{7:11-15} Дэстпобун 41:53-47:31; 49:33.

* ^{7:16} Йешу 24:32.

* ^{7:18} Дэрк'этын 1:7-8.

* ^{7:19} Дэрк'этын 1:10-11, 22.

* ^{7:20-22} Дэрк'этын 2:1-10.

кӧ сәрики бьдә хушк-бьрайед хвә зар'ед Исраел. ²⁴Әви йәки исраели дит кӧ йәки мьсьри нәһәқи ле дькьр, чу пышта ви, һ'әйф һьлда йе мьсьри кӧшт. ²⁵Муса т'ьре^ф хушк-бьрайед вийе фә'м бькьн, кӧ Хвәде we бь дәсте ви хьлазбуне бьдә ван, ле фә'м нәкьрын. ²⁶Р'ожа дьне р'асти дӧ исраелийа һат кӧ шәр' дькьрын, хвәст кӧ ван ль һәв бинә у гот: «Ә'вдно! Һун бьра нә, чьма нәһәқийе ль һәвдӧ дькьн?» ²⁷Ле әве кӧ нәһәқи ль һәвалә хвә дькьр, әв дә'ф да у готе: «К'е тӧ сәр мә сәрвер у һ'акьм к'ьфш кьри?» ²⁸Йан тӧ дьхвази мьн жи мина ви мьсьрийе дӧһӧ бькӧжи?»* ²⁹Гава Муса әв йәк бьхист, р'әви вәлате Мьдйане хәрибийеда ма у ль вьр дӧ кӧр' жер'а бун*.

³⁰Пәй чьл салир'а бәр'ийеда ль ч'ийайе Синайе^ф мьльйак'ә-тәк нава алава агьре дьр'ийеда вива хӧйа бу*. ³¹Муса кӧ дит, ль сәр we йәке ә'шебмайи ма. Гава

незик дьбуйе кӧ бьбинә, дәнге Хӧдан бьхист: ³²«Әз Хвәдейе кал-баведтә, Хвәдейе Бьраһим, Ишаау у Ақуб ьм». Муса дьләр-рьзи у нәверьбу бьньһер'ийа. ³³Һьнге Хӧдан готе: «Чарьхед ньгед хвә бехә, чьмки әв шийе кӧ тӧ ле сәкьни йи ә'рде пироз ә. ³⁴Бәле Мьн щәфе щьмә'та Хвә Мьсьреда дит у заринийа ван бьхист, пәйа бум кӧ ван хьлаз кьм. Дә ньһа вәрә Әз тә бьшиньмә Мьсьре».

³⁵Әв Мусайе кӧ т'әхсир кь-рын у готьне: «К'е тӧ сәр мә сәрвер у һ'акьм к'ьфш кьри?» Хвәде бь дәсте ви мьльйак'әте кӧ нав дьр'ийеда вива хӧйа бу, әв чава сәрвер у хьлазкьр шанд*. ³⁶Әви әв жь Мьсьре дәрхьстьн, Мьсьре, бә'ра Сор у бәр'ийеда^ф чьл сали нишан у к'әрәмәт кьрын*. ³⁷Муса һәма әв бу, йе кӧ зар'ед Исраелр'а гот: «Хвәде we жь нав бьрайед вәда п'ехәмбәрәки мина мьн бона вә р'акә»*. ³⁸Муса әв бу,

* 7:28 Дәрк'әтьн 2:14.

* 7:29 Дәрк'әтьн 2:11-22; 18:3-4.

* 7:30-34 Дәрк'әтьн 3:1-10.

* 7:35 Дәрк'әтьн 2:14; 3:2.

* 7:36 Дәрк'әтьн 7:3; 14:21; Жьмар 14:33.

* 7:37 Қануна Дӧшари 18:15.

йе кӧ бӅр'ийеда нава шьмӅ'те
бу, ль сӅре ч'ийае Синае жи
т'эви ви мьльак'эти бу, к'ижа-
ни т'эви ви кал-бавед мӅр'а
хӅбӅр дыда. Эва эв бу, йе кӧ
эв хӅбӅред жийине хьльдыдан
кӧ бьдӅ мӅ*.

³⁹ Ле кал-бавед мӅ нӅхвӅстьн
гӅр'а ви бькьн, эв т'Ӆхсир^ф кь-
рьн, дылед хвӅда вӅгӅр'ийанӅ
Мьсьре ⁴⁰ у Һарунр'а^ф готьн:
«МӅр'а хвӅдейа чекӅ, кӧ пешийа
мӅ к'Ӆвьн, чьмки эв Мусайе кӧ
эм жь вӅлате Мьсьре дӅрхьстьн,
эм ньзаньн чь хатӅ сӅре ви»*.

⁴¹ ҺӅма ван р'ожада п'утӅки
мина голька чекьрьн, қӅрбан^ф
ви п'утир'а дан у бона шьхӅле
дӅсте хвӅ к'Ӆф кьрьн*. ⁴² Һьнге
ХвӅде бӅре ХвӅ жь ван гӅнаст
у Һьшт кӧ эв стӅйркед Ӆ'змен
бьһ'Ӆбиньн, чава к'ьтеба п'е-
хӅмбӅрада ньвисар Ӆ:

«ГӅло чьл сали қӅрбан у Һ'Ӆ-
ди^ф вӅ бӅр'ийеда Мьнр'а
дан, Мала Исраел?»

⁴³ На, ле вӅ коне Молох хвӅде
у стӅйрка Р'Ӆмфан хвӅдейе
хвӅ хьльдыдан,
Ӆв сурӅт ьн, йед кӧ вӅ че-
кьрьн,
вӅки Һун ван бьһ'Ӆбиньн.
Бона ве йӅке Эзе вӅ бьгӅ-
һезьмӅ ви алийе вӅлате
Бабилоне^ф*.

⁴⁴ Конѳ ШӅ'дӅтийе бӅр'ийе-
да т'эви кал-бавед мӅ бу. Эв
Ӆса хатӅ чекьрьне, чава Эве
кӧ Мусар'а хӅбӅр да, Ӆ'мьр кьр
кӧ мина ви шькьле кӧ дить-
бу чекӅ*. ⁴⁵ Паше кал-бавед
мӅ жи эв коне кӧ жь пешийа
ванр'а мабу, хьльдан анинӅ
ви вӅлати, ви вӅхте кӧ ван
т'эви Йешу^ф жь ван мьлӅта
зӅфт кьрьбун у ХвӅде жь бӅр
кал-бавед мӅва бӅри ван мь-
лӅта дабу. Эв кон ль вьр ма
Һ'Ӆта вӅхте Давьд*. ⁴⁶ Давьд
жи к'ӅрӅм жь ХвӅде станд,
хвӅст кӧ ханӅке бона ХвӅде-
йе Ақуб чекӅ*. ⁴⁷ Ле Сьлеман

* ^{7:38} ДӅрк'Ӆтън 19:1–20:17; Қануна ДӅшари 5.

* ^{7:40} ДӅрк'Ӆтън 32:1.

* ^{7:41} ДӅрк'Ӆтън 32:2–6.

* ^{7:43} Амос 5:25–27.

* ^{7:44} ДӅрк'Ӆтън 25:8–9, 40.

* ^{7:45} Йешу 3:14–17.

* ^{7:46} П'адшати II, 7:1–16; Дирок I, 17:1–14.

бона Ви ханэк чекър*. 48 Ле бәле Йе һәри Жорьн малед бы дәста чекьрида наминә, чава п'ехәмбәр дьбежә:

49 «Ә'зман к'өрсийа Мьн ә, әрд жи быне п'ийед Мьн ә. Хуне чь мале Мьнр'а чекьн? Хөдан дьбежә.

Йан жи чь щийи бона р'ь-һ'әтийа Мьн?

50 Нә дәстед Мьн әв һәр тышт чекьрьнә?*

51 Сәрһ'ышкно! К'афьр у гөһада кәр'но!* Хун т'ьме мьқабыли Р'өһ'е Пироз дьсәкьньн, кал-бавед вә чава бунә, хун жи өса нә**.

52 Кал-бавед вә жь п'ехәмбәра к'ижан нәзерандьн? Әвед кө һе бәреда бона һатьна Йе Р'аст дьготьн, дькөштьн. У ва ньһа жи вә нәмамийа Ви кьр у көшт.

53 Вәр'а Қанун бы дәсте мьляк'әта һатә дайине, ле вә хвөй нәкьр!»

Көштьна Стәйфан

54 Гава әв тышт дьбьһистьн, һәва ван дьк'әт у дьранед хвә

сәр ви дьч'ьр'ькандьн. 55 Ле Стәйфан бы Р'өһ'е Пироз т'ьжи бәре хвә ә'зменда кьр, р'умәта Хвәде у Иса ль мьле Хвәдейи р'асте сәкьни дит 56 у гот: «Ва йә әз ә'змана вәбуйи дьбиньм у Көр'е^ф Мерьв ль мьле Хвәдейи р'асте сәкьни!» 57 Ви чахи вана кьрә қир'ин у гөһед хвә гьртьн, һ'әму һәвр'а р'аһьштьнә ви, 58 әв жь бажер дәрхьстьн, данә бәр кәвьра. Шә'да жи к'ьнщед хвә данинә бәр ньгед хортәки наве ви Шауул. 59 Гава кәвьр давитьне, Стәйфан дөа кьр у гот: «Хөдан Иса, р'өһ'е мьн бьстинә». 60 Һьнге ви чок да, бы дөнге бьльнд кьрә гази: «Хөдан, ве йәке ванар'а гөнә^ф һ'әсаб нәкә». Аһа кө гот, һеньжи*.

8 1 Шауул жи қайл бу, кө әв бе көштьне.

Шауул пәй бавәрмәнда дьк'әвә

Әве р'өже мьқабыли щьвина^ф Оршәлимеда зерандьнәкә

* 7:47 П'адшати III, 6; Дирок II, 3:1-17.

* 7:50 Ишайа 66:1-2.

* 7:51 Бь йунани хәбәр бь хәбәр аһа йә: «Дьл у гөһада бе сьнәтно».

** 7:51 Ишайа 63:10.

* 7:60 Бь заравәки дьн: «К'әтә хәве». Аһа те фә'мкьрьне: «Р'өһ'е хвә да, мьр».

гъран дэстпебу. Пештьри шандийа һ'эмуейд бавэрмэнд бэлайи т'опрахед Щьһустане у Самэрийае бун. ² Мэрьвед хвэдехоф Стэйфан дэфын кьрын у шинэкэ гъран сэр кьрын. ³ Ле Шауул гэлэк зьрар дыда щьвине, мал-мал дьгэр'ийа жьн у мер к'аши дэрва дькьрын давитьнэ кэле*.

**Филипо Самэрийаеда
Мьзгинийе дьдэ**

⁴ Эвед бэла-бэлайи бьбун дьгэр'ийан, Мьзгинийа хэбэре дыдан. ⁵ Филипо жи бэржери бажарэки Самэрийае бу, ванр'а бона Мэсиһ даннасин дькьр. ⁶ Э'лалэте бь дьл гөһдарийа готьнед Филипо дькьр, гава дьбьһистьн у дьдитьн эв к'эрэмэтед кө ви дькьрын. ⁷ Жь гэлэк щьнак'этиа^ф р'өһ'ед һ'эрам бь дэнге бьльнд дькьрнэ қир'ин дэрдьк'этын у гэлэк шьлушэ'т, ньгада сэқэт қэнщ дьбун. ⁸ Ђнге шабунэкэ мэзын к'этэ ви бажари.

⁹ Мэрьвэк ви бажарида һэбу наве ви Шьмһ'ун, эви һе зува сербази^ф дькьр у самэри^ф э'щэбмайи дькьрын у хвэ жи данибу

дэвса йэки мэзын. ¹⁰ Т'эмаийа щьмэ'те жь бьч'ука һ'эта мэзына бь дьл гөһ дыданэ ви у дьготын: «Эв э эв <Қэвата Хвэдейэ мэзын> кө дьбежьн». ¹¹ Бь дьл гөһ дыданэ ви, чьмки эви зува бь сербазийед хвэ эв э'щэбмайи кьрбун. ¹² Ле гава эви эв мьзгинийа Филипо бавэр кьр, йа кө бона П'адшатийа Хвэде у наве Иса Мэсиһ дыда, һьн мер һьн жьн, һ'эму жи пе аве һатьнэ ньхөмандьне. ¹³ Шьмһ'ун хвэха жи бавэр кьр һатэ ньхөмандьне у т'ьме т'эви Филипо бу. У гава эв нишан у к'эрэмэтед зор кө дьбун дьдит, э'щэбмайи дьма.

¹⁴ Шандийед Оршэлимеда гава бьһистьн, вэки Самэрийае хэбэра Хвэде қэбул кьрийэ, Пэтрус у Йуһ'энна шандьнэ щэм ван. ¹⁵ Эв кө бэржер бун, бона ван дөа кьрын кө Р'өһ'е Пироз бьстиньн, ¹⁶ чьмки һ'эта һьнге һе Р'өһ'е Пироз нэһатьбу сэр жь ван т'ө кэси, т'эне бь наве Хөдан Иса һатьбунэ ньхөмандьне. ¹⁷ Ђнге Пэтрус у Йуһ'энна дэстед хвэ данинэ сэр ван у вана Р'өһ'е Пироз станд.

¹⁸ Гава Шьмһ'ун дит, вэки бь дэст данина шандийа Р'өһ'е

* ^{8:3} К'аред Шандийа 22:4-5; 26:9-11.

Пироз дьстинын, п'эрэ дьрежи ван кър ¹⁹ у гот: «Эви һ'окөми бьднэ мьн жи, кө эз дәсте хвэ дайньмэ сэр к'е, Р'öh'e Пироз бьстинэ». ²⁰ Ле Пэтрус wir'a гот: «Зиве тэ бьра т'эви тэ бьт'эр'ьбэ! Тэ т'ьре п'ешк'еша Хвэде п'эрэти те стандьне! ²¹ П'ара тэ ве йэкеда тыштэк т'өнэ, чьмки дьле тэ ль бэр Хвэде нэ р'аст э. ²² Ньна жь we хьрабийа хвэ вэгэр'э, р'эша жь Хөдан бькэ, бэлки эв нета тэйэ хьраб бе бахшандьне, ²³ чьмки эз тэ нава тэ'лайийа зьрав у қәйдед нәһәқийеда дьбиньм». ²⁴ Шьмһ'ун ле вэгэр'анд у гот: «Һун бона мьн һиви жь Хөдан бькьн, wәки жь эw готьнед wә т'ө тышт нәйе сәре мьн».

²⁵ Гава вана шә'дәти да у хәбәра Хөдан хәбәр дан, пашда вэгэр'ийанэ Оршәлиме у ль сәр р'ийа хвэ гөләк гөндед Самәрийаеда жи Мьзгини дьдан.

**Филипо у нәмере^ф
жь wәлате Этйупийе**

²⁶ Һьнге мьлйак'этәки Хөдан Филипор'а гот: «Р'абә һәр'э алийе башуре^ф, сәр we р'ийа кө жь Оршәлиме бәржери Газзайе

дьбә», кө чол-бәстәк бу. ²⁷ Эw жи р'абу чу у дина хвә даие, ва йә нәмерәки^ф жь Этйупийе wәзире Кәндаке, аwа готи п'адша Этйупийе, кө wәк'иле т'әмамия хьзна we бу, бона һ'әбандьне һатьбу Оршәлиме. ²⁸ Эw жь wьр вәдьгәр'ийа у э'рәба хвәда к'ьтеба Ишайа^ф п'ехәмбәр дьхwәнд. ²⁹ Р'öh' Филипор'а гот: «Пешда һәр'э у р'әх э'рәбева һәрә». ³⁰ Филипо жи бәзи незик буйе, бьһист кө эw к'ьтеба Ишайа п'ехәмбәр дьхунә у же пьрси: «Чь кө тә дьхуни фә'м дьки?» ³¹ Эwi готе: «Эзе чаwа бькарьбьм фә'м бькьм, һәгәр йәк мьнр'а шьровәнәкә?» У һиви жь Филипо кър кө р'абә р'әх wi р'уне. ³² Эw щийе кө wi ньвисареда дьхwәнд эв бу:

«Мина пәза бона сәржекьрьне һатә бьрьне у чаwа бәрха ль бәр қөсесе хвә накә к'алин, дәве Хвә вәнакә.

³³ Эw ньмьз кьрьн у һәде Wi же стандьн.

Дәрһәқа зөр'әта Wiда к'е we гьли кә?

Чьмки э'мьре Wi жь р'убаре дьне һатә һьлдәне»*.

* 8:33 Ишайа 53:7-8.

³⁴ Нәмер жь Филипо пьрси у готе: «Эз ниви дькьм мьнр'а бежә, п'ехәмбәр ван тышта бона к'е дьбежә? Бона хвә йан бона йәки майин?» ³⁵ Филипо р'абу we нъвисареда дәстпекьр дәр-һәқа Мьзгинийа Исада wir'а шьровәкьр.

³⁶⁻³⁷ Гава р'ийа хвәда дьчун, әв гьһиштнә авәке у нәмер гот: «Ва йә ав, иди чь наһелә кә эз бемә ньхөмандьне?»* ³⁸ У нәмер ә'мьр кьр, кә ә'рәбе бьднә сәкьнандьне, һәр дө жи к'әтнә аве у Филипо нәмер ньхөманд. ³⁹ Гава әвана жь аве дәрк'әтн, Р'өһ'е Хөдан Филипо һьлда, иди нәмер Филипо нәдит, әв әшқ у ша р'ийа хвәда чу. ⁴⁰ Ле Филипо Ашдодеда хөйа бу у дьгәр'ийа, Мьзгини дьда һәр бажари, һ'әта Қәйсәрийе жи һат.

Чава Шауул ль Иса вәдгәр'ә

(К'аред Шандийа 22:6-16;
26:12-18)

9 ¹ Шауул жи һ'әта һьнге һе гәф ль шагьртед Хөдан

дьхвар кә ван бьдә кәштнә. Әв чу шәм сәрәкк'аһин, ² дәс-турнә'мә сәр к'ьништед Шаме жь ви хвәстн, вәки һ'өкөме ви һәбә жьн у меред кә ль пәй ве Р'е дьчн һәгәр бьбинә, ван бьгьрә гьредаи бинә Оршәли-ме. ³ Гава дьчу незики Шаме бу, ньшкева жь ә'змен р'онайике дора ви шәwq да. ⁴ Әв к'әтә ә'рде у дәнгәк бьһист кә wir'а дьгот: «Шауул, Шауул! Тө чьма Мьн дьзерини?» ⁵ Әви жи гот: «Тө к'и йи, Хөдан?» Ви дәнги готе: «Эз әв Иса мә, Йе кә тө дьзерини*». ⁶ Дә нһа р'абә һәр'ә бажер, we тәр'а бе готнә те чь бьки». ⁷ Әв мәрьвед кә т'әви ви дьчун сар бун сәкьнин у зар-зьман к'әтн. Ван әв дәнг дьбьһист, ле кәсәк нәдьдитн. ⁸ Шауул жь ә'рде р'абу, ч'ә'вед ви вәкьри бун, ле тышт нәдьдит. Ынге дәсте ви гьртн бьрьнә Шаме. ⁹ Әв се р'ожа кор ма, нә хвар у нә жи вәхвар.

¹⁰ Шамеда шагьртәки наве ви һананийа һәбу, Хөдан дитьно-

* ^{8:36-37} Нав һнәк дәстньвисарада әв жи һәйә: «Филипо wir'а гот: «Һә-гәр тө бь т'әмаийа дьле хвә бавәр дьки, дькари». Әви ле вәгәр'анд у гот: «Эз бавәр дькьм, кә Иса Мәсир Көр'е^ф Хвәде йә».

* ^{9:5} Нав һнәк вәлгәр'андьнед кәвьнда әв жи һәйә: «Тө чьфта хвә нькари бавежи шьва сәртуж». Әв жи ләрьзи у шашмайи гот: «Хөдан, Тө чь дьхвази эз бькьм?» У Хөдан wir'а гот».

кеда hatə бэр ч'э'ва у wir'а гот: «Һананийа!» Эwi гот: «Эз вьра мэ, Хөдан». ¹¹Хөдан wir'а гот: «Р'абə һэр'э we к'уча кö жер'а Р'аст дьбежын, мала Щьһудада бона йэки жь Тарсусе наве wi Шауул бьпьрсэ, чьмки ва йə əw дöа дькə, ¹²дина хwə дайе, ва мэрик дитьнокеда hatə бэр ч'э'ва, наве wi Һананийа, əw hat дəстед хwə данинə сэр wi, кö əw диса бьбинə». ¹³Һананийа ле вэгэр'анд у гот: «Хөдан, бона ви мэрьви мын жь гэлəка бьһистийə, wəки Оршəлимедa wi чьqас хьраби ль щьм'та Тə кьрийə. ¹⁴Вьр жи алийе сэрəкед к'аһинада һ'өкөме wi һэйə, һ'əмуьед кö гази наве Тə дькьн бьгьрə». ¹⁵Ле Хөдан жер'а гот: «Тö һэр'э, чьмки Мын əw ча-wa һащəтəк бьжартийə, wəки наве Мын нəщьһуйа, п'адша у зар'ед Исраелева бьдə наскьрьне. ¹⁶Эзе Хwəха нишани wi кьм, кö чьqаси гэрəке бона наве Мын щəфе бьк'ьшинə».

¹⁷Һананийа жи чу к'этə we мале, дəсте хwə дани сэр wi у готе: «Шауул бьра! Хөдан əз шандьмə, əw Исaйе р'ева р'асти тə hat, wəки тö диса бь-

бини у бь Р'öһ'е Пироз т'ьжи би». ¹⁸Дəстхwəда жь ч'э'вед wi мина капəке тьшт же варийан, дит, р'абу пе аве hatə ньхöман-дьне, ¹⁹хварьн хвар у qəwата wi hatə щи.

Шауул бажаре Шамедa Мьзгинийе дьдə

Чəнд р'ожа Шауул щəм ша-гьртед Шамедa ма. ²⁰Дəстхwəда Шауул дəстпекьр к'ьништада бона Иса даннасин кьр у гот кö: «Əw Кöр'е Хwəде йə». ²¹Һ'əмуьед кö дьбьһистьн, ə'щəбмайи дьман удьготьн: «Əва əw нинə, кö Оршəлимедa йед кö гази Ви Нави дькьрьн дькöштьн? У бона we йəке һатийə вьр жи, wəки ван бьгьрə у бьбə бьдə дəсте сэрəкед к'аһина?» ²²Ле Шауул һинкьрьнеда һe qəwat дьбу, избат дькьр кö Мəсiһ һəма Иса йə у дəнге һ'əму щьһуйед Шамедa дьда бьр'ине.

²³Гава гэлəк р'ож дэрбаз бун, щьһу шешьрин кö wi бькöжьн, ²⁴ле Шауул нета ванə хьраб һ'əсийа. Əw шəв у р'ож бэр дəргəһед бажер бун кö wi бькöжьн, ²⁵ле шагьртед wi жи шəв əw бь зəмбиле диwерва дахьстьн*.

* ^{9:25} Корьнт'и II, 11:32-33.

Шавул Оршәлимеда

²⁶ Гава Шавул һатә Оршәлиме, ви дькър кӧ т'әви шагърта бә, ле һ'әму жь ви дьтърсийан, ван бавәр нәдкърьн кӧ әв жи буйә шагърт. ²⁷ Ынге Барнабас әв һьлда бьрә шәм шандийа у ванр'а гьли кър, кӧ әви р'еда чава Хӧдан дитийә у т'әви ви хәбәр дайә, Шамеда жи чава мерк'ими наведе Иса даннасин кьрийә. ²⁸ Шавул Оршәлимеда т'әви ван р'адьбу-р'удьньшт у бь наведе Иса Хӧдан мерк'ими даннасин дькър. ²⁹ Ӗса жи т'әви щьһуйед кӧ бь йунани^ф хәбәр дьдан бь хәбәрдане дьк'әтә дә'ве, вана жи дькър кӧ әв бькӧшта. ³⁰ Гава бьра ве йәке һ'әсийан, әв бәржер бьрьнә Қәйсәрийе у дәрбази Тарсусе кьрьн.

³¹ Ава щьвин ль т'әмаийа Щьһустане, Щәлиле у Самәрийә дәмәке ә'дълайийеда бу, р'ӧһ'анийеда ава дьбу, бь хофа Хӧдан у бь дьлдайна Р'ӧһ'е Пироз пешда дьчу, бавәрмәнд зедә дьбун.

Қәнщбуна Әйнейас

³² Пәтрус жи һ'әму щийа дьгәр'ийа у бәржери шәм щьмә'та Хвәдейә Лидаие жи бу. ³³ Вьр

мәрвәк дит наведе ви Әйнейас, кӧ һ'әйшт салед ви бун, шьлушә'т щиньвинада п'алдаийе бу. ³⁴ Пәтрус вьр'а гот: «Әйнейас! Иса Мәсиһ тә қәнщ дькә. Р'абә у ньвина хвә бьдә һәв». Әв пер'а-пер'а р'абу сәр хвә. ³⁵ Ы'әму бьнәлийед Лидаие у дәшта Шароне әв дьтьн у бәрбь Хӧдан вәгәр'ийан.

Сахбуна Табит'әие

³⁶ Йафайеда к'ӧлфәтәкә шагърт һәбу, наведе ве Табит'а, кӧ «Хәзал» те вәлгәр'андьне. Әва нава һ'әму қәнщи у херкьрьнада мабу. ³⁷ Ван р'ожада әва нәхвәш к'әт мьр у әв шуштьн ода жорьнда данин. ³⁸ Йафа незики Лидаие бу. Гава шагърта бьһист кӧ Пәтрус ль вьр ә, дӧ мәри шандьн һиви кьрьн у готьн: «Дәрәңги нәбә зу вәрә щәм мә». ³⁹ Пәтрус жи р'абу т'әви ван һат. Гава гьһиштә вьр, әв бьрьнә ода жорьн, һ'әму жьнәбийа дора ви гьрт у бь гьри әв к'ьнщ у кьрасед кӧ сахийа хвәда Хәзале бона ван дьрутьбун, нишани ви дьдан. ⁴⁰ Ынге Пәтрус һ'әму дәрхьстьнә дәрва, чок да дӧа кьр у сәр щьнйазда вәгәр'ийа гот: «Табит'а! Р'абә сәр хвә».

Әве ч'ә'вед хвә вәкьрн, ль Пәтрус ньһер'и, р'абу р'унышт. 41 Әви дәсте хвә да we р'акьрә п'ийа, паше гази шьмә'та Хвәде у жьнәбийа кьр, әw сах бәр ван да сәкьнандьне. 42 Әва йәка т'әмамия Йафайеда бәла бу у гәләка бавәрийа хвә Хөдан анин. 43 Пәтрус гәлөк р'ожа ль Йафайе мала Шьмһ'уне ч'әрмкәрда ма.

**Кор'нелийе нәшһуф
гази Пәтрус дькә у
дитьнока Пәтрус**

10 1 Қәйсәрийеда мәрвьәки наве ви Кор'нелийә һәбу, р'әфа «Ордийа Италийеда» сәрсәд^ф бу. 2 Әw мала хвәва йәки хвәйиман у хвәдехоф бу, шьмә'та шьһуйар'а жи гәлөк хер дькьрн у һәр гав бәр Хвәде дөа дькьр. 3 Әви нивро незики сьһ'әта сьсийа дитьнокеда бәр ч'ә'ве хвә ашкәрә мьлийак'әтәки Хвәде дит кә һатә шәм ви у вир'а гот: «Кор'нелийә!» 4 Әви кә ль ви ньһер'и, сав к'әтә сәр у гот: «Чь йә Хөдан?» Мьлийак'әт готе: «Хвәде дөа у херәд тә қәбул кьрн у әw бир накә. 5 Дә ньһа мәрийа бышинә Йафайе, гази Шьмһ'ун^ф кә, йе кә жер'а Пәтрус дьбежьн. 6 Әw

чава меван мала Шьмһ'уне ч'әрмкәрда бәр бә'ре дьминә». 7 Гава әw мьлийак'әте кә вир'а хәбәр дьда чу, әви гази дө хөламед мале у әскәрәки бәр-дәстийи хвәйиман кьр 8 у һәр тышт ванр'а гьли кьр шандьнә Йафайе.

9 Р'ожа дьне әвана һе дьчун у незики бажер дьбун, Пәтрус незики сьһ'әта донздәһа р'абу сәр хени кә дөа бькә. 10 Әw бьр'чи бу хвәст кә нан бьхвә. һе гава нан һазьр дькьрн, мина сьһ'әтәке сәр вир'а дәрбаз бу. 11 У ви дина хвә даје, ва ә'зман вәбу, тыштәки мина дәстәхана мәзын һәр чар гошава дардабу, дьһатә хваре сәр ә'рде. 12 Сәр we һәр щур'ә һ'әйванед чарп'е, шулькийед ә'рде у тәйрәдед ә'змен һәбун. 13 Дәнг һатә ви: «Р'абә Пәтрус, сәржекә у бьхвә». 14 Ле Пәтрус гот: «Һ'аша жь мьн Хөдан, мьн т'ө шар тыштәки һ'әрам^ф йан п'ис нәхварийә». 15 Щара дөда әw дәнг һатә ви: «Әw тыште кә Хвәде һ'әлал^ф кьрийә тә һ'әрам һ'әсаб нәкә». 16 Әва йәка се щара қәwьми у һьнге әw дәстәхан ә'зменва һатә һьлатьне. 17 Пәтрус һе ә'шебмайи нав хвәда дьфькьри: «Әв чь дитьнок

бу мьн дит?» ва эw мэръвед кӧ Кор'нелио шандьбун ль бэр дэргәһ сәкьнин у мала Шьм-һ'ун пьрсин. ¹⁸ Дәнг дан готьн: «Шьмһ'уне кӧ жер'а Пәтрус дьбежьн ль вьр меван э?» ¹⁹ Пәтрус һе сәр we дитьноке дьфькьри, Р'ӧһ' жер'а гот: «Ва нә се мәри ль тә дьгәр'ьн. ²⁰ Дә иди р'абә һәр'ә хware у дӧдъли нәбә т'әви ван һәр'ә, чьмки Мьн әвана шандьнә». ²¹ Пәтрус жи пәйа бу, чу шәм ван мәръва у гот: «Эз ьм әwe кӧ һун ле дьгәр'ьн. Һун бона чь һатьнә?» ²² Ван гот: «Кор'нелиоие сәрсәд әм шандьнә. Эw мәръвәки р'аст, хwәдехоф у алийе т'әмамияа мьләте щьһуйада жи хwәийе шә'дәтийа қәнщ э. Эwi ә'мьр жь мьляк'әтәки пироз станд, кӧ тә гази мала хwә кә у хәбәр-дана тә бьбьһе». ²³ Һьнге Пәтрус эw т'әглифи мале кьрьн, щийе шәве да ван.

Р'ожа дьне Пәтрус р'абут'әви ван чу, чәнд баwәрмәндед Йа-фаһе жи т'әви wi чун. ²⁴ Р'ожа дьн гьһиштьнә Қәйсәрийе, Кор'нелио жи гази хwәхати у достед хwә кьрьбу у һивийа

ван бу. ²⁵ Гава Пәтрус дьк'әтә һьндӧр', Кор'нелио пешийа вида чу у к'әтә бәр ньга у бәр та бу. ²⁶ Ле Пәтрус эw р'акьрә п'ийа у готе: «Р'абә бьсәкьнә, эз хwәха жи мәри мә». ²⁷ Wir'a бь хәбәрдане к'әтә һьндӧр' у ль wьр гәләк щьвийайи дитьн. ²⁸ Эwi ванар'а гот: «Һун хwәха заньн кӧ нә ә'дәте мере щьһуйә, кӧ т'әви нәщьһуйа р'абә-р'у-ни, йан һәвва һәр'ьн-бен. Ле Хwәде бәр мьн вәкьр, wәки эз т'ӧ кәси п'ис йан һ'әрам һ'әсаб нәкьм. ²⁹ Бона we йәке жи гава гази мьн кьрьн, мьн на-на нәкьр р'абум һатьм. У эз ньһа дьпьрсьм, wә бона чь гази мьн кьрийә?»

³⁰ Кор'нелио гот: «Бәри чар р'ожа, незики ви чахи мьн дӧа-йе сьһ'әта сьсийа мала хwәда дькьр*, ньшкева мәръвәк бь к'ьнше чил-қәрқаш ль бәр мьн сәкьни ³¹ у гот: «Кор'нелио! Хwәде дӧайед тә бьһистьн у херед тәйә кьри жи бир анин. ³² Ньһа мәрийа бьшинә Йафаһе гази Шьмһ'ун кә, йе кӧ жер'а Пәтрус дьбежьн, әw чава меван ль мала Шьмһ'уне ч'әрмкәрда

* ^{10:30} Нав һьнәк дәстньвисарада аһа йә: «Бәри чар р'ожа, һ'әта ви чахи мьн р'ожи дьгьрт у дӧаие сьһ'әта сьсийа мала хwәда дькьр».

бэр бэ'ре дьминэ*³³ Мьн жи пер'а-пер'а шандьнэ щэм тэ у тэ жи қәнщ кър кө тө һати. Ньһа эм һ'эму жи ль бэр Хвэде сэкьни нэ, кө чь жь Хөдан тэр'а һатийэ ә'мьркьрне бежи, эм жи бьбьһен».

**Даннасинийа Пэтрус
мала Кор'нелйода**

³⁴ Пэтрус дәст бь хэбәрдане кър у гот: «Әз ньһа фә'м дькьм, вәки Хвэде р'асти жи фьрқи-йе накә нава мьләта*³⁵ Ле жь нав һәр мьләтида, йе кө жь Ви хоф дькә у р'астийе дькә ль Ви қәбул ә. ³⁶ Һун иди р'ьнд заньн кө Хвэде әва хэбәра зар'ед Исраелр'а шанд, бь Иса Мәсиһ Мьзгинийа ә'дьлайийе да, Йе кө Хөдане һ'эмуя йә. ³⁷ Өса жи заньн жь Щәлиле гьрти т'эма-мийа Щьһустанеда чь қәвьми, пәй we ньхөмандьнер'а, йа кө Йуһ'әнна даннасин кър, ³⁸ чава Хвэде Исайе Ньсрәте бь Р'ө-һ'е Пироз у қәвате к'ьфш кър, кө бь қәнщикьрне гәр'ийа у һ'эмуяед кө бьн бьндәстийа мирещьнда бун қәнщ кърн,

чьмки Хвэде т'эви Ви бу. ³⁹ Әм хвәха шә'дед ван һ'эму тышта нә, йед кө Әви т'опрахед Щь-һустане у Оршәлимеда кърн. Паше Әв дарва дардакьрн у көштьн, ⁴⁰ ле Хвэде Әв р'ожа сьсийа жь мьрне р'акьр, да ә'йанкьрне, ⁴¹ нә кө һ'эму щьмә'тер'а, ле ван шә'дар'а, йед кө пешийе жь алийе Хвәдеда һатьбунә бьжартьне, ава готи мәр'а, йед кө пәй мьрн-р'абунa Вир'а т'эви Ви хварьн у вәхварьн. ⁴² У Әви т'әми ль мә кър, вәки әм щьмә'тер'а даннасин кьн у шә'дәтийе бьдьн кө Әв ә һ'акьме мьрийа у зендийа жь Хвәдеда к'ьфшкьри. ⁴³ Һ'эму п'ехәмбәр шә'дәтийа Ви дь-дьн, кө һ'эмуяед бавәрийа хвә Ви биньн, we бь сайа наве Ви бахшандьна гөна бьстиньн».

**Нәщьһу жи Р'өһ'е Пироз
дьстиньн**

⁴⁴ Пэтрус һе әв тышт дьготьн, Р'өһ'е Пироз һатә сәр һ'эму-йед кө әв готьн дьбьһистьн. ⁴⁵ Бавәрмәндәд ә'сьле хвәда щьһу*, йед кө т'эви Пэтрус

* 10:32 Нав һьнәк дәстньвисарада әв жи һәйә: «Әве бе тәр'а хэбәр дә».

* 10:34 Қануна Дөщари 10:17.

* 10:45 Бь йунани хэбәр бь хэбәр аһа йә: «Сьнәткьри».

хатъбун, зэндэгърти ман, кӧ Р'ӧһ'е^Ф Пироз чава п'ешк'еш сэр нэщъһуйада** жи бари, ⁴⁶ чъмки бьһистън кӧ вана бь зьмана хэбэр дьдан у шыкьри дьданэ Хвэде. Ёнгге Пэтрус гот: ⁴⁷ «Иди к'и дькарэ нәһелә кӧ эвана пе аве бенә ньхӧман- дьне^Ф, йед кӧ мина мә Р'ӧһ'е Пироз жи стандьн?» ⁴⁸ Ви чахи э'мър кър кӧ бь наве Иса Мәсиһ бенә ньхӧмандьне. Паше вана һиви жь ви кър кӧ чәнд р'ожа ль вьр бьминә.

Пэтрус щьвина Оршәлимер'а шьровәдькә кӧ чьма чубу мала йәки нэщъһу^Ф

11 ¹ Шандийа у бавәрмән- дед алийе Щьһустанеда дьман, бьһистън кӧ нэщъһу- йа жи хэбәра Хвэде қәбул кьрнә. ² Гава Пэтрус һәвраз чу Оршәлиме, бавәрмәндед э'сьле хвәда щьһу әв нәһәқ дькьрн у ³ дьготън: «Тӧ чуйи щәм мәрвьед нәсьнәткьри у тә т'әви ван нан хварийә!» ⁴ Ёнгге Пэтрус дәстпекьр бь һур-гьли ванр'а шьровәкьр у гот: ⁵ «Мьн бажаре Йафайеда дӧа дькьр, мина сьһ'әтәке сәр

мьнр'а дәрбаз бу. У мьн дить- нокеда ль бәр ч'ә'ве хвә дит, дәрданәкә мина дәстәхана мәзьн һәр чар гошава жь э'з- мен дардабу һатә хваре, ль бәр мьн сәкьни. ⁶ Эз һе зур' бьбум мьн ле дьньһер'и, мьн дина хвә даие, ва нә һ'әйва- нед чарп'е, р'ә'вьр, шулькийед э'рде у тәйрәдед э'змен. ⁷ Ёнгге мьн дәнгәк бьһист кӧ мьнр'а гот: «Р'абә Пэтрус, сәржекә у бьхвә». ⁸ Ле мьн гот: «Һ'аша жь мьн, Хӧдан, т'ӧ шар тьштәки һ'әрам йан п'ис нәк'әтийә дәве мьн». ⁹ Щара дӧа әви дәнгг жь э'змен ль мьн вәгәр'анд у гот: «Әв тьштед кӧ Хвэде һ'әлал кьрийә, тӧ һ'әрам һ'әсаб нәкә». ¹⁰ Эва йәка се щара қәвьми у һәр тьшт пашда э'зменва һатә к'ьшандьне. ¹¹ Ёма ви чахи се мәрийед кӧ жь Қәйсәрийе шандьбунә пәй мьн бәр ма- ла кӧ әм теда дьман сәкьнин. ¹² Р'ӧһ' мьнр'а гот: «Т'әви ван һәр'ә, дӧдъли нәбә». Әв һәр шәш бьра жи т'әви мьн һатън у әм чунә мала ви мәрвьи. ¹³ Әви мәр'а гот, кӧ чава ма- ла хвәда мьлийак'әт дитийә, кӧ сәкьни йә вир'а готийә:

** ^{10:45} Бь йунани хэбәр бь хэбәр аһа йә: «Нәсьнәткьрийада».

«Мэрийа бьшинэ Йафайе у
гази Шьмһ'ун кэ, йе кӧ жер'а
Пэтрус дьбежьн. ¹⁴Әвә тәр'а
ван готьна бежә, бь к'ижана
те у т'эмамия нәфәред мала
хвәва хьлаз би». ¹⁵У мьн һәма
дәст бь хәбәрдане кьр, Р'ӧһ'е
Пироз һатә сәр ван, чава пе-
шийе һатә сәр мә. ¹⁶Ви чахи
һатә бира мьн әв хәбәра кӧ
Хӧдан готьбу: «Йуһ'әнна бь аве
нхӧманд, ле һуне бь Р'ӧһ'е Пи-
роз бенә нхӧмандьне»*. ¹⁷Ава
һәгәр Хвәде хут әв п'ешк'еш
да ван, к'ижан да мә, гава мә
бавәрийа хвә Хӧдан Иса Мәсиһ
ани, әз к'и бум кӧ мьґабьли
Хвәде бьсәкьнийама?»

¹⁸Гава кӧ әв йәка бьһистьн,
дәнге хвә бьр'ин, шькьри данә
Хвәде у готьн: «Wәки ӧса йә
Хвәде әва мәшала да нәшьуйа
жи, кӧ жь гӧнәкьрьне вәгәр'ьн
у бьжин».

**Бавәрмәндед
бажаре Әнтакйайе**

¹⁹Әвәд кӧ жь дәст we зеран-
дына пәй кӧштьна Стәйфанр'а

бәла-бәлайи бьбун, гьһиштьнә
һ'әта Финикйайе, Қӧбрьсе у
Әнтакйайе у т'әне шьһуйар'а
хәбәр даннасин дькьрьн*. ²⁰Ле
нава ванда һьнәк жь мәрвәд
Қӧбрьсе у Курене һәбун, кӧ
гава чун к'әтгьнә Әнтакйайе,
йунанар'а^ф* жи хәбәр дьдан,
Мьзгинийа Хӧдан Иса дьдан.
²¹Дәсте Хӧдан ванр'а бу, гә-
ләка бавәр кьр, бәрбь Хӧдан
вәгәр'ийан.

²²Бона ван әв дәнг-бә'са
гьһиштә шьвина^ф Оршәлиме,
Барнабас шандьнә Әнтакйайе.

²³Гава гьһиште у к'әрәма Хвә-
де дит, ша бу у дьл дьда ван
һ'әмуя кӧ бь т'эмамия дьле
хвәва Хӧданр'а амьн бьминьн.
²⁴Барнабас мәрвәки қәнш,
Р'ӧһ'е Пироз у бавәрийева
т'ьжи бу. Гәләк шьмә'т сәр
бавәрмәндед Хӧданда зедә бу.

²⁵Һьнге Барнабас дәрбази
Тарсусе бу, кӧ ль Шауул бьгә-
р'ә, ²⁶әв дит ани Әнтакйайе.
Әвана һәвр'а т'эмамия салә-
ке т'әви шьвине^ф дьшьвийан
у гәләк шьмә'т һин дькьрьн.

* 11:16 К'аред Шандийа 1:5.

* 11:19 К'аред Шандийа 8:1-4.

* 11:20 Аһа жи те фә'мкьрьне: «Мәрвәд жь вәләтед майинә кӧ йуна-
ни хәбәр дьдан».

Пешийе Энтакийайеда шагьрт «мәсиһи^ф» һатънә навкъръне.

²⁷ Ван р'ожа жь Оршәлиме п'ехәмбәр бәржери Энтакийае бун. ²⁸ Жь ван йәк, кә наве ви һагабо бу, р'абу бь Р'öh' ә'лам кьр, кә we т'әмамия дьнайеда бьбә хәлайикә гьран. У өса жи әва хәлайә һена Клавдийо Қәйсәрда^ф бу*. ²⁹ Ынге шагьртед Энтакийае қьрар кьрын кә жь дәсте к'ева чьқас те алик'арийе бона бавәрмәндед Шьһустане бьшиньн. ³⁰ Өса жи кьрын, бь дәсте Барнабас у Шаул бәрпърсийаред шьвинер'а шандьн.

**Көштъна Ақуб^ф
у гьртъна Пәтрус**

12 ¹ Ван чахада һеродәс^ф п'адша дәсте хвә һьлда сәр һьнәкед жь шьвине кә ван бьдә шәфе, ² Ақубе^ф бьре Йуһ'әнна бь шур да көштъне. ³ Әви дина хвә даие, кә кьрна ви ль шьһуйа хвәш һат, р'абу Пәтрус жи да гьртъне. Әв йәк р'ожед Шәжъна^ф Нане Шкәвада қөшьмин. ⁴ Гава Пәтрус гьрт, авитә кәле спартә^ф чар т'ахма, кә һәр т'ахьмәк чар-чар әскәр

бун, вәки мьқати ви бьн. Нета ви әв бу кә пәй Шәжъна Дәр-базбунер'а ви дәрхә бәр шьмә'те, диwana ви бькә. ⁵ Иди Пәтрус кәледа гьрти бу, ле шьвине бона ви бь дьл у шан, бь дөа һиви жь Хвәде дькьр.

Азабуна Пәтрус

⁶ We шәве, кә сьбәтьре һеродәс дьхвәст әв дәрхьста бәр шьмә'те, бона диwanкьръне, Пәтрус бь дө зьншира гьредайи нава дө әскәрада р'азайи бу, нобәдара жи бәр дери нобәдарийа кәле дькьр. ⁷ Ньшкева мьляк'әтәки^ф Хөдан бәр сәкьни, р'онайе ви шийи шәwq да у ньч'андә к'еләка Пәтрус, әв һ'ьшйар кьр у готе: «Зу р'абә». Зьншир жь дәстед ви к'әтьн. ⁸ Ынге мьляк'әт вир'а гот: «Пышта хвә гьредә у чарьхед хвә сәр ньгед хвәва кә». Әви жи өса кьр. Паше вир'а гот: «Қап'уте хвә бавежә сәр хвә у пәй мьн вәрә». ⁹ Пәтрус жи дәрк'әт да пәй ви чу, ле ньзаньбу әв кьрна мьляк'әт р'аст ә, ви т'ьре хәвне дьбинә. ¹⁰ Әwana жь нобәдаред пешьн у дөда дәр-баз бун, һ'әта дәргәһе һ'әсьни

* ^{11:28} К'аред Шандийа 21:10.

һатън, к'ижани дәрдьхьстә нав бажер. Дәргәһ хвәха ль бәр ван вәбу, жь вьр дәрк'әтһн к'учәке дәрбаз бун, нышкева мьляк'әт жь ви қәтийа.

¹¹ Һьнге Пәтрус сәр һ'ыше хвәда һат, гот: «Әз ньһа р'аст заньм кӧ Хӧдан мьляк'әте Хвә шанд, әз жь дәсте һеродәс у жь ван һ'әму тыштед кӧ щьһу һивийе бун хьлаз кьрьм».

¹² Гава әв йәк фә'м кьр, чу мала Мәрийәма дийа Йуһ'әннайе кӧ жер'а Марқос дьготън, кӧ ль вьр гәләк щьвийабун дӧа дькьрьн.

¹³ Пәтрус дәргәһ хьст, шарикә наве we Р'ода чу гӧһе хвә да сәр. ¹⁴ Дәнге Пәтрус нас кьр, жь шабуна дәргәһ вәнәкьр, ле р'әви чу һьндӧр' гот: «Пәтрус ль бәр дәргәһ сәкьни йә!» ¹⁵ Вана wer'а гот: «Тә һ'ыше хвә онда кьрийә?» Ле әва сәр йа хвә бу, кӧ р'аст ә. Вана гот: «Қәй мьляк'әте ви йә?»

¹⁶ Пәтрус жи сәрһәв-сәрһәв дәргәһ дьхьст. Гава вәкьрьн әв дитън, һ'ыше сәре ван чу. ¹⁷ Әви дәсте хвә һ'әжанд кӧ кәр' бьн у гьли кьр чава Хӧдан әв жь кәле дәрхьстийә, ӧса жи гот: «Ве йәке Ақуб^ф у хушк-бьрайед дьнр'а жи бежьн». Хвәха жи р'әбу чу щики дьн.

¹⁸ Сьбәһ кӧ сафи бу, әскәр гәләки т'әвиһәв бун, гәло чь һатә сәре Пәтрус? ¹⁹ Гава һеродәс ль ви гәр'ийа у әв нәдит, жь әскәра һәр тышт пьрси у ә'мьр кьр кӧ бенә кӧштъне. Паше һеродәс жь Щьһустане бәржери Қәйсәрийе бу у вьр ма.

Мьрьна һеродәс П'адша

²⁰ Һеродәс ль мьләтед Сур у Сайдаие р'абьбу хәзәбе. Әвана жи һәвр'а р'абун һатън, Быласто вәк'иле мала һеродәс анинә р'әйе у һиви кьрьн кӧ ль һәв бен, чьмки бажаред ван жь вәлате ви п'адшайи хӧрәк дьстандън. ²¹ Р'ожәкә к'ьфшкьри һеродәс к'ьнще п'адшатийе ле, ль һәрәма^ф диwane р'унышт у бь щьмә'ти ванар'а хәбәр дьда.

²² Ә'лаләте жи дькьрә қир'ин у дьгот: «Әва дәнге хвәдеки йә, нә йе мәрийа йә!» ²³ Дәстхвәда мьляк'әтәки Хӧдан ви хьст, бона кӧ ви щькьри нәда Хвәде, кӧрми бу мьр. ²⁴ Ле хәбәра Хвәде бәрфьрә у зедә дьбу.

²⁵ Барнабас у Шауул гава қӧльхе хвә қәдандьн, жь Оршәлиме вәгәр'ийан, Йуһ'әннайе кӧ жер'а Марқос дьготън жи т'әви хвә анин.

**Р'евитийа Павлосэ пешьн, т'эви Барнабас
(13:1–14:28)**

**Р'өһ'е Пироз Павлос
у Барнабас дышинэ**

13 ¹Шьвина Энтакйайеда чэнд п'ехэмбэр удэрсдар һэбун, Барнабас, Шьмһ'уне кө жер'а Нигер* дьготын, Лук-йойе жь Курене, Мэнайине кө т'эви Һеродэсе^ф сэрвер** мэзын бьбу у Шауул. ²Эвана кө нава һ'эбандьна Ходанда бун у р'ожидыгьртын, Р'өһ'е^ф Пироз ванр'а гот: «Барнабас у Шауул Мьнр'а бона ви шьхөле кө Мьнгази ван кьрийэ шөдө кьн». ³Ви чахи р'ожидыгьртын, дөа кьрын, дэстед хвэ данинэ сэр ван у эв шандьн.

**Шанди гьрава^ф Қөбрьседа
Мьзгинийе дьдын**

⁴Ава эвана кө жь Р'өһ'е Пироз натьнэ шандьне, бэржери Селукйайе бун у жь вьр бь гэмийе дэрбази Қөбрьсе бун. ⁵Гава гьһиштьнэ Сэламисе, к'ь-ништед шьһуйада хэбэра Хвэде

даннасин дькьрын у Йуһ'энна жи к'омэкдаре ван бу. ⁶Эв т'эмамия we гьраве гэр'ийан, гьһиштьнэ һ'эта Пафосе. Ль вьр п'ехэмбэрэки шьһуйайи дэрэв у сербаз дитьн кө наве ви Барйешу бу. ⁷Эва йэки жь бэрдэстийед Сэргийо Павлосе вэли^ф бу. Сэргийо Павлос жи мэрвьэки ақьл бу, эви гази Барнабас у Шауул кьр, кө хэбэра Хвэде бьбьһе. ⁸Ле Барйешуйе сербаз, ава готи бь йунани Елумас, мьқабьли ван р'абу у дькьр кө вэли жь бавэрийе бьхальфинэ^ф. ⁹Һьнге Шаууле кө жер'а Павлос жи дьбежьн, бь Р'өһ'е Пироз т'ьжи ль ви сербази ньһер'и ¹⁰у готе: «Һэй мьхэнэто у һ'эму фелбазийава т'ьжийо! Щэврьке мирещьн! Дьжмьне т'эмамия р'астийе! Те һ'эта к'энге т'эрка хальфандьна р'ийед Ходанэ р'аст нэки? ¹¹Ва дэсте Ходан ньһа we сэр тэ гьран бэ, те кор би у дэмэке тэ'ве нэбини». У дэстхвэда мьж

* 13:1 «Нигер» жи чава «мэрвье ч'эрме р'эш» те фэ'мкьрне.

** 13:1 Эва Һеродэса, ава готи Һеродэс-Антипас, сэрвере Щэлиле бу (Луца 3:1).

удуман һатә сәр ви, вьрда-веда дьк'әт р'ебәр дьхвәстьн. ¹²Ви чахи вәли кә эв йәк дит, бавәр кьр, сәр we һинкьрьна бона Хөдан ә'шебмайи ма.

**Павлос у Барнабас ль бажаре
Энтакйа қәза Пьсидйайе**

¹³ Ынгге Павлос һөвалед хвөва бь гәмийе жь Пафосе р'ек'әтьн һатьнә Пәргейа Памфилийае. Йуһ'әнна ль вьр жь ван қәтийа, вәгәр'ийа Оршәлиме. ¹⁴Әвана жи жь Пәрге чунә Энтакйа Пьсидйайе, р'о-жа^ф шәмийе к'әтьнә к'ьниште р'уньштьн. ¹⁵ Пәй хвөндьна Қанун у ньвисаред п'ехәмбәрар'а сәрверед к'ьниште йәк шандьнә щәм ван у готьн: «Гәли бьра, һәгәр готьнәкә вә һәйә кә дьл бьдьнә щьмә'те, к'әрәм кьн бежьн». ¹⁶ Павлос р'абу, дәсте хвө һ'әжанд у гот:

«Гәли щьмә'та Израеле у нәшьһуйед кә жь Хвөде дь-

тьрсьн гөһдар бьн! ¹⁷Хвөдейе ви мьләте Израеле кал-бавед мә бьжартьн у мьләт ль вәлате Мьсьре хәрибийеда зедә кьр. Бь дәсте зор әв жь вьр дәр-хьстьн*, ¹⁸чьл сали бәр'ийеда* ль ван сәбьр кьр**. ¹⁹Вәлате Кәнанеда к'ока һ'әфт мьләта ани, ә'рде ван чава ши-вар да щьмә'та Хвө*. ²⁰Һ'әта һьнгге чарсьд пенши сал дәрбаз бу. Жь вьр шунда һ'акьм данә ван һ'әта һена Самуел п'ехәмбәр*. ²¹Паше п'адша хвөстьн, Хвөде чьл сали йәки жь ә'шира Бьнйамин^ф, Шавуле кәр'е Кис да ван*. ²²Гава әв авит, Давьд сәр ван кьрә п'адша, кә бона ви шә'дәти да у гот: «Мьн Давьде Йеша^ф мәрик дьле Хвәр'а дит, we хвөстьна Мьн гьшки бинә сери^ф». ²³Жь зөр'әта ви Хвөде анәгори созе Хвө Израелр'а Хьлазкьрәк р'акьр, һәма хут Иса. ²⁴Бәри һатьна Ви, пешийе Йуһ'әнна

* ^{13:17} Дәрк'әтьн 1:7; 12:51.

* ^{13:18} Жьмар 14:34.

** ^{13:18} Нав һьнәк дәстньвисарада дәвса «ль ван сәбьр кьр» «әв хвөй кьрьн» һәйә.

* ^{13:19} Қануна Дөшари 7:1; Йешу 14-19.

* ^{13:20} Ы'акьмти 2:16; П'адшати I, 3:20.

* ^{13:21} П'адшати I, 8:5; 10:21.

* ^{13:22} П'адшати I, 13:14.

т'эмамайа мьлэте Исраелер'а даннасин кыр, кӧ жь гӧнӧкырьне вӧгӧр'ын^ф у бенӧ нхӧмандьне*. ²⁵ Гава Йуһ'энна шьхӧле хвӧ сӧр хӧвда ани, гот: <Һун бона мьн чава дьфькырьн, эз к'и мӧ? Эз нӧ Эв ьм, бона к'ижани Һун дьфькырьн. Ле ва йӧ Эв пӧй мьн те, кӧ эз нӧ һежа мӧ бӧне чарьхед ньгед Ви вӧкьм>*.

²⁶ Гӧли бьра, зар'ед хун-кыне-та Бьрахим у нӧщӧһуйед нава вӧдайӧ кӧ жь Хвӧде дьтырсын, мӧр'а эв хӧбӧра кӧ пе хьлаз дьбьн хатӧ шандьне. ²⁷ Бьнӧлийед Оршӧлиме у сӧрверед ван Иса чава Хьлазкыр нас нӧкырьн, ле гава диwana Ви кырьн, готьнед п'ехӧмбӧрайӧ кӧ һӧр шӧми дьхуньн анинӧ сери. ²⁸ Нӧһӧқийа бона кӧштӧне жи сӧр Ви нӧдитьн, ле диса һиви жь Пилато кырьн кӧ Ви бьдӧ кӧштӧне*. ²⁹ Гава һӧр тыштед кӧ бона Ви ньвисар бун анинӧ се-

ри, жь дар анинӧ хваре кырьнӧ т'ьрбе*. ³⁰ Ле Хвӧде Эв жь мьрьне р'акыр ³¹ у гӧлӧк р'ожа Хвӧ ванва да хӧйакырьне, к'ижан жь Шӧлиле т'ӧви Ви хатьбунӧ Оршӧлиме. Ньһа жи ӧв ль бӧр шьмӧ'те шӧ'дед Ви нӧ*. ³² У ӧм ве Мьзгинийе дьдӧнӧ вӧ: Чь кӧ Хвӧде кал-бавед мӧр'а соз дабу, ³³ Эви бона мӧ кыр, ава готи зар'ед ванр'а, гава Иса жь мьрьне р'акыр. Чава Зӧбура дӧдада жи ньвисар ӧ:

<Тӧ Кӧр'е Мьн и,

Тӧ иро Мьнр'а буйи>*.

³⁴ Бона ве йӧке кӧ Эв жь мьрьне р'акыр у иди Эв т'ӧ шар нар'ьзӧ, Хвӧде аһа готийӧ:

<Эзе ван дӧа-дырозгед пирозӧ амын у Давьдр'а создайи сӧр вӧда бьбариньм>*.

³⁵ Зӧбурӧкӧ дьнда жи дьбежӧ: <Тӧ һаһели Пирозе Тӧ бьр'ьзӧ>*.

³⁶ Бӧле Давьд зӧмане хвӧда кырара Хвӧдер'а хӧламти кыр мьр у гьһиштӧ пешийед хвӧ,

* 13:24 Луқа 3:3.

* 13:25 Луқа 3:16.

* 13:28 Луқа 23:21-23.

* 13:29 Луқа 23:50-56.

* 13:31 К'аред Шандийа 1:3.

* 13:33 Зӧбур 2:7.

* 13:34 Ишайа 55:3.

* 13:35 Зӧбур 16:10.

бэдэна ви р'эзи. ³⁷ Ле Эве кө Хвэде жь мьрьне р'акьр нэр'эзи. ³⁸ Ньна бьра эв йэк вэва э'йан бэ, гэли бьра, кө бь сайа Иса вэр'а бона бахшандьна гона те даннасинкьрьне. У жь ван һэр тыштед кө һун бь Қануна Муса нькарьбун бесуш буна, ³⁹ ньна к'и кө бавэрийа хвэ Иса бинэ ве бесуш бэ. ⁴⁰ Һаш жь хвэ һэбьн, нэбэ эв тыште кө п'ехэмбэра готийэ бе сэре вэ:

⁴¹ <Бьньһер'ьн к'обар-бабахно, э'щесмайи бьн у бэтавэбьн, чьмки Эзе р'ожед вэда кьрэки бькьм, кьрэки өса, кө йэк вэр'а бежэ жи һуне бавэр нэкьн*».

⁴² Гава Барнабас у Павлос жь вьр дэрк'этьн, һиви жь ван кьрьн, кө шэмийа дьн жи бона ве йэке ванр'а хэбэр дьн. ⁴³ Гава щьвина к'ьниште бэла бу, гэлэк щьһу у жь нэщьһуйед кө һатьбунэ сэр бавэрийа щьһуйа пэй Павлос у Барнабас дьчун. Ванар'а хэбэр дьдан у дьл дьданэ

ван, вэки т'ьме нава к'эрэма Хвэдеда бьминьн.

⁴⁴ Р'ожа шэмийа дьн незики т'эмамайа бажер щьвийа, кө хэбэра Ходан бьбьһе. ⁴⁵ Гава щьһуйа эв э'лалэт дит, жь һ'эвсудийе мьрабьли готьнед Павлос сэкьнин у эв беһөрмэт кьрьн. ⁴⁶ Һьнге Павлос у Барнабас мерк'ими готьн: «Гэрэке пешийе хэбэра Хвэде вэр'а бьһата хэбэрдане, ле һун кө хэбэра Хвэде т'эхсир дькьн у хвэ лайиқи жийина^ф һ'эта-һ'этайе накьн, ва эм вэдьгэр'ьнэ бэрбь нэщьһуйа. ⁴⁷ Чьмки Ходан аһа э'мьри мэ кьр: «Мьн Тө кьри р'онайа нэщьһуйа, вэки һ'эта сэре дьнйайе бьби мэшала хьлазбуне*».

⁴⁸ Гава йед нэщьһу эв йэк бьһистьн, ша бун щькьри дьданэ готьна Ходан. У эвед кө бона жийина һ'эта-һ'этайе к'ьфшкьри бун, бавэр кьрьн.

⁴⁹ Хэбэра Ходан т'эмамайа вэлетда бэла бу. ⁵⁰ Ле щьһуйа һелан данэ к'өлфөтед хвэдебавэрэ хвэйиқэдьр, т'эви гьрэгьред бажер, мьрабьли

* 13:41 Һэбақуқ 1:5.

* 13:47 Ишайа 49:6.

Павлос у Барнабас р'акьрын у жь синоред хвэ дэрхьстьн. ⁵¹Вана жи т'оза ньгед хвэ сэр ванда давшанд, чунэ **Qонйайе*** ⁵²у шагьрт бь шабуне у Р'öh'e Пирозва т'ъжи бун.

**Павлос у Барнабас
бажаре Qонйайеда**

14 ¹Qонйайеда жи эв йэк мина һәр шар қәwьми: Павлос у Барнабас к'этьнэ к'ъништа шьһуйа, öса хэбәр дан, wәки э'лалэтэкэ гьран жь шьһу у нэщьһуйа бawәр кьрын. ²Ле шьһуйед кö бawәр нэкьрын дьле нэщьһуйа қьлқьландьн у р'акьрынэ мьқабыли бьра. ³Awa әвана гэлэк wәхт ль wьр ман, мерк'ими сэр Хöдан хэбәр дьдан, Хöдан жи хэбәра к'эрәма Хwэ избат дькьр, бь дәстед ван нишан у к'эрәмәт дьданэ кьрне. ⁴Ле дөтирәти к'этә бажер, һьнэк ль алийе шьһуйа бун, һьнэк жи ль алийе шандийа. ⁵Һьнге һьнэкэ жь нэщьһуйа у шьһуйа т'әви сәрwеред хwэ қьрар кьрын кö ван беһөрмәт кьн у бьдьнэ бәр кәвьра, ⁶ле әw пе һ'әсийан р'әвинэ Листрайе у Дербе, бажаред Лукайоня,

öса жи дор-бәред ван. ⁷У ль ван дәра Мьзгини дьдан.

**Павлос у Барнабас
Листра у Дербеда**

⁸Листрайеда йәки жь зькмакийеда ньгада шьлушәт р'уньшти бу, кö т'ö щара нәгәр'ийабу. ⁹Әви жи гөһдарийа Павлос дькьр, Павлос ль wi ньһер'и у гава дит бawәрийа wi бона қәнщбуне һәйә, ¹⁰бь дәнге бьльнд готе: «Р'абә сәр ньгед хwэ р'аст бьсәкьнә!» Әви жи банзда сәр хwэ, дәстпекьр гәр'ийа. ¹¹Ә'лаләте гава кьрьна Павлос дит, дәнге хwэ һьлдан бь лукайони готьн: «Хwәде дьлқе инсенда һатьнә хwаре щәм мә!» ¹²Барнабаср'а Зәwс^ф готьн, Павлоср'а жи һәрмес^ф, чьмки хэбәрданеда йе пеш әw бу. ¹³К'аһине Зәwсе кö п'арьстгәһа wi ль пешбәри бажер бу, га бь к'офийава^ф анинә бәр дәргәһ, хwәст кö т'әви э'лаләте шандийар'а бькә қөрбан. ¹⁴Ле гава шандийа, Барнабас у Павлосва эв йэк бьһист, к'ьнщед хwэ қәлаштьн у р'әвинә нава э'лаләте, кьрынә гази у готьн: ¹⁵«Ә'вдно! Һун чьма ве йәке

* ^{13:51} Луқа 9:5.

дькын? Эм жи бньят'а хвэда мэринэ мина вэ нэ, Мьзгини-йе дьднэ вэ, кō һун жь ван тыштед п'уч' вэгэр'ын бэрбь Хвэдейе сах бен, Йе кō э'рд у э'зман, бэ'р у һ'эмуйед нава ванда э'фьрандийэ*. 16 Эви зэмане бьһорида һышт кō һэр мьлэт р'ийа хвэда һэр'э. 17 Ле Хвэха Хвэ бе шэ'дэти нэһышт, қәнши вэр'а кьр, жь э'змен баран баранд, р'эз^ф жи дэмсаллада данэ вэ, бь хөрэква һун т'ер кьрын у шабун жи кьрэ дьле вэ». 18 Бь ван готьна вана бь зорэке э'лалэт зэфт кьр, кō қорбана бона ван нэдн.

19 Ёнгге жь Энтакйайе у Қонйайе щьһу һатьн, э'лалэт данэ алийе хвэ, Павлос данэ бэр кэвьра, жь бажер к'аши дэр кьрын, ван т'ьре мьрийэ. 20 Ле гава шагьрта дора ви гьрт, эв р'абу к'этэ бажер у р'ожа дьне т'эви Барнабас р'абу чу Дербе.

**Павлос у Барнабас
вэдьгэр'ынэ Энтакйайа
қөза Сурийае**

21 Вана кō ви бажарида Мьзгини дан у гэлэк кьрынэ шагьрт, вэгэр'ийанэ Листрайе,

Қонйайе у Энтакйайе. 22 Дьле шагьрта дьшьдандьн у дьл дьданэ ван, кō бавэрийеда бьминьн у дьготьн: «Гэрэке эм бь гэлэк щэфак'ышандьне бьк'эвьнэ П'адшатийа Хвэде». 23 Вана бона һэр щьвинэке бэрпьрсийар к'ьфш кьрын, бь р'ожи дōа кьрын у эв спартьнэ ви Хōдане кō бавэрийа хвэ же анибун.

24 Эв нава Пьсидйайер'а дэрбаз бун, паше һатьнэ Памфилйайе. 25 Пэргеда жи хэбэра Хвэде даннасин кьрын, бэржер чунэ Энталйайе. 26 Жь вьр жи бь гэмийе чунэ Энтакйайе, ви щийе кō спарти к'эрэма Хвэде бьбун бона ви щьхōле кō сэр һэвда анин. 27 Гава һатьн, щьвин ль һэв щьвандьн у ванр'а гьли кьрын, кō Хвэде т'эви ван чь тышт кьрынэ у чава дэргэһе бавэрийе бэр нэщьһуяа жи вэкр. 28 Ль вьр гэлэк вэхт т'эви шагьрта ман.

**Шевьра щьвина
Оршэлимеда**

15 1 Ёнэк жь Щьһустане бэргери Энтакйайе бьбун у бьра һин дькьрын дьготьн:

* 14:15 Дэрк'этьн 20:11; Зэбур 146:6.

«Һэгәр һун ль гора ә'дәте Муса нәйенә сьнәткьрьне, һун хьлаз набьн»*. ² Нава ван у Павлос, Барнабасда гәләк дә'w-доз пешда һат, һынге бьра қьрар кьр кә бона ве пьрсе Павлос у Барнабас, өса жи жь ван чәнд кәс һәвраз һәр'ьнә Оршәлиме, щәм шанди у бәрпьрсийара. ³ Щьвине кә әw вәр'екьрын, әвана Финикье у Самәрайе-ва дәрбаз бун у һ'әму бавәр-мәндар'а бона вәгәр'андьна нәщьһуя гьли дькьрын, бь ве йәке әw гәләки ша кьрын. ⁴ Гава гьһиштьнә Оршәлиме, щьвине, шандийа у бәрпьрсийара әw қәбул кьрын у чь кә Хwәде т'әви ван кьрьбу ванр'а гьли кьрын. ⁵ Ле һьнәк бавәрмәндәд жь к'омәла ферьсийа р'абун готьн: «Гәрәке ван сьнәт кьн у ванар'а бежьн, кә Qануна Муса хwәй кьн».

⁶ Шанди у бәрпьрсийар щьвийан, кә бона ве йәке бышешьрын. ⁷ Пәй гәләк дә'w-дозер'а Пәтрус р'абу сәр п'ийа у ванр'а гот: «Гәли бьра! Һун хwәха заньн кә Хwәде р'ожд пешьнда әз

нав wәда бьжартьм, кә нәщьһу хәбәра Мьзгинийе жь дәве мьн бьбьһен у бавәр бькьн*.
⁸ Хwәдейе кә дьла занә да избаткьрьне, кә нәщьһу жи Wива қәбул ьн, гава Р'өһ'е Пироз да ван жи, чава да мә*. ⁹ Нава мә у ванда т'ө фьрқи данәни, бь бавәрийе дьле ван пақьж кьр. ¹⁰ Иди чьма һун Хwәде дьщер'ьбиньн, нирәки өса датиньнә сәр стуйе шагьрта, кә нә кал-бавед мә карьбунә бьбьн, нә жи мә? ¹¹ Әв йәк аһа набә, ле әм бавәр дькьн, кә чава әм бь к'әрәма Хөдан Иса хьлаз дьбьн, өса жи әw».

¹² Һынге т'әмамия ша щьвате дәнге хwә бьр'и у гөһе хwә данә сәр готьнед Барнабас у Павлос кә Хwәде бьдәстед ван чьқас нишан у к'әрәмәт нава нәщьһуяда кьрьбун. ¹³ Гава әвана кәр' бун, Ақуб^ф дәнг һьлда у гот: «Гәли бьра! Göh бьдьнә мьн. ¹⁴ Шьмһ'ун гьли кьр, кә чава пешийе Хwәде р'ә'ма Хwә ль нәщьһуя кьрьбу, кә жь нава ван щьмә'тәке дәрхә, wәки наве Wi һьлдьнә

* 15:1 Qануна К'аһинтийе 12:3.

* 15:7 К'аред Шандийа 10.

* 15:8 К'аред Шандийа 10:44; 2:4.

сэр хwэ. ¹⁵ Ве йәкер'а готьнед п'ехәмбәра жи ль һәв дьгьрһн, чава нъвисар ә:

¹⁶ <Жь вьр шунда Әзе вәгәр'ьм, коне Даьди к'әти диса вәгьрһм,

чи ви жи кӧ хьраб буйә Әзе чекьм

у ви диса бьдъмә р'агьртһне,

¹⁷ wәки һ'әрче мәрвьед майин у һ'әму нәщһуйед кӧ наве Мьн сәр ван ә,

ль Хӧдан бьгәр'ьн.

¹⁸ Әw Хӧдане кӧ ван тышта һе жь дәwред бәреда ә'йан кьрийә дьбежә»*.

¹⁹ Бона ве йәке жи әз аһа р'е тер'а дьбиньм кӧ әм зә'мәте нәдһнә әвед кӧ жь нәщһу-йа бәрбь Хwәде тен, ²⁰ ле әм нә'мәке ванр'а бьнъвисьн, кӧ һ'әвза хwә жь ван қӧрбанед кӧ п'утар'а тенә дайине бькһн, ӧса жи жь бенамусийе, гоште мьрар^ф у хуне*. ²¹ Фә'мдари йә кӧ һе қӧр'нед дәрбазбуйида Qануна Муса һәр бажарида те һинкьрһне у һ'әму р'ожед шә-мийа к'ьништада we дьхунһн».

Щабдайина щьвина Оршәлиме

²² Ђнге ль шандийа, бәр-пърсийара у т'әмамийа щьвине хwәш һат, кӧ жь нава хwәда чәнд мәрьва бьбьжерһн у т'әви Павлос у Барнабас бышинь-нә Әнтакйайе. Әв бун йед кӧ һатһнә шандһне: Щьһудайе кӧ жер'а дьготһн Барсабо у Силас. Нава бawәрмәндада әвана ә'йан бун. ²³ Бь дәсте ван әв нә'мә шандһн аһа нъвисар: «Әм бьрайед wәйә шанди у бәрпърсийар сьлава ль wә бьрайед жь нәщһуйайә Ән-такйайе, Сурйайе у Килик-йайе дькһн.

²⁴ Мә бьһистийә кӧ жь нава мә һьнәк дәрк'әтһнә, кӧ мә хwәха т'әми нәданә ван, ле ван бь хәбәред хwә зә'мәт данә wә у фькьред wә т'әвиһәв кьрһнә*.

²⁵ Бона ве йәке ль т'әмамийа шешьра щьвина мә хwәш һат, кӧ әм мәрьва бьбьжерһн т'әви бьрайед мәйә дәлал Барнабас у Павлос бышиньнә щәм wә,

* ^{15:18} Амос 9:11-12 у Ишайа 45:21.

* ^{15:20} Дәрк'әтһн 34:15-17; Qануна К'аһинтийе 18:6-23; 17:10-16.

* ^{15:24} Нав һьнәк дәстнъвисарада әв жи һәйә: «Дьбежһн: <Гәрәке һун бенә сьнәткьрһне у Qануна Муса хwәй кһн».

²⁶Йед кө э'мьре хвэ данэ наве Хөдане мә Иса Мәсн. ²⁷Ава эм Щьһуда у Силас дышиньн, вәки әв жи ван тышта бь дәве хвэ вәр'а бежьн. ²⁸Ль Р'өһ'е Пироз хвәш һат, өса жи ль мә, кө т'ө бари нәдьянә сәр мьле вә, пештьри ван тыштед һ'әвщә: ²⁹Дури қөрбанед п'ута, хуне, мьрарийе^ф у бенамусийе бьн. Һәгәр һун хвә жь ван тышта хвәй кьн, қәнщ ә. Һун хвәш бьн, дә ма хатьре вә».

³⁰Һьнге әв вәр'екьрьн, бәр-жер чунә Энтакйайе щьм-

ә'т щьвандьн, нә'мә данә ван. ³¹Гава хвәндьн, бона ве дьлдаине п'ьр' ша бун. ³²Щьһуда у Силас жи кө п'е-хәмбәр бун, бь гәләк хәбәра дьл данә бавәрмәнда у әв шьдандьн. ³³⁻³⁴Гәләк вәхт ль вьр ман, паше бавәрмәнда әв бь хер у сыламәт пашда шандьнә щәм ван, йед кө әв шандьбун.* ³⁵Павлос у Барнабас жи Энтакйайеда дьман, т'әви гәләкед майин хәбәра Хөдан һин дькьрьн у даннасин дькьрьн.

Р'евитийа Павлосә дөда (15:36–18:22)

Павлос у Барнабас жь һәвдө дьқәтын

³⁶Чәнд р'ожа шунда Павлос готә Барнабас: «Вәрә эм вәгәр'ьн сәрики бьдьянә ван хушк-бьра, к'ижанар'а мә һ'әму бажарада хәбәра Хөдан даннасин кьрийә, дина хвә бьдье к'а һ'але ван чава йә». ³⁷Барнабас дьхвәст Йүһ'әннайе кө жер'а Марқос дьготьн жи т'әви хвә

бьбьрана, ³⁸ле Павлос р'е тер'а нәдьдит, йе Памфилйайеда жь ван қәтийа у т'әви ван шьхөл нәкьр т'әви хвә бьбьрана*.

³⁹Һьнге йа ван ль һәв нәгьрт, әв бу мә'ни жь һәв қәтийан. Барнабас Марқос һьлда бь гә-мийе чу Қөбрьсе, ⁴⁰Павлос жи Силас бьжарт у жь бьра спарти к'әрәма Хөдан бун, р'ек'әтын чун. ⁴¹Ль Сурйайе у Киликйайе дьгәр'ийан, щьвин дышьдандьн.

* 15:33-34 Нав һьнәк дәстньвисар у вәлгәр'андьнед кәвьнда әв жи һәйә: «Ле ль Силас хвәш һат, ль вьр бьминә».

* 15:38 К'аред Шандийа 13:13.

**Тимот'ейо нэвалтийе
Павлос у Силаср'а дькэ**

16 ¹ Ынге Павлос һатэ Дербе у Листрайе. Ль вьр шагьртэк һэбу наве ви Тимот'ейо, көр'е к'олфэтэкэ шьһуйэ бавэрмэнд бу, ле баве ви йунан бу. ² Бавэрмэндед Листрайе у Қонйае һндава вида қәнщ хэбэр дьдан. ³ Павлос хвэст ви т'эви хвэ бьбэ у бона ван шьһуйед ван дэра гьрт эв сынэт кьр, чьмки һ'эмуйа жи заньбу кө баве ви йунан э. ⁴ Гава бажарар'а дэрбаз дьбун, эв т'эмийед кө шандийа у бэр-пърсийаред Оршэлиме қьрар кьрьбун, дьданэ бавэрмэнда кө хвэй кьн. ⁵ Ава шьвин жи бавэрийеда дышьдийан у р'ож бь р'ож һ'эсабе ван зедэ дьбу.

**Мэкэдони хэвнеда
гази Павлос дькьн**

⁶ Нава синоред Фьригйа у Галатйайеда гэр'ийан, чьмки

Р'өһ'е^ф Пироз нэһьшт кө қэза Асйайеда хэбэра Хвэде бежьн. ⁷ Гава незики Мисйае бун, кьрьн кө һэр'ьнэ Битенйае, ле Р'өһ'е Иса изьн нэда ван ⁸ у бэр Мисйаева дэрбаз бун бэржер чунэ Тройае. ⁹ Шэв Павлос дитьнокеда бэр ч'э'ве хвэдит, йэки мэкэдони сэкьни бу һиви жь ви дькьр у дьгот: «Вэрэ Мэкэдонйае али мэ бькэ». ¹⁰ Гава ви эв дитьнок дит, мэ* дэстхвэда хвэст кө һэр'ьнэ Мэкэдонйае. Мэ фэ'м кьр, кө Хвэде мэ дышинэ вьр, вэки Мьзгинийе бьдьнэ ван.

**Филипйаеда Лидйа
бэрбь Хөдан вэдьгэр'э**

¹¹ Эм жь Тройае бь гэмийе дэрк'этын р'аст чунэ Самотрахе, р'ожа дьне Нейаполисе. ¹² Жь вьр жи чунэ Филипйае, бажарэки нэ'йийа Мэкэдонйаеи э'йан, өса жи кө бажарэки Р'омае* йэ. Ви бажарида эм чэнд р'ожа ман. ¹³ Р'ожа

* 16:10 Луцайе ньвиск'аре ве к'ьтебе ви чахи шэм Павлос бу, лэма жи дьбежэ «мэ».

* 16:12 Филипйа Мэкэдонйаеда бу, нэ сэр э'рде Италийае бу, ле диса «бажарэки Р'омае» дьһатэ һ'эсабе (вь йунани хэбэр бь хэбэр дьбежэ, кө эв «Колонийа Р'омае» йэ). Һэде бажарванед Филипйае вэкэ һэде һэр бажарванэки жь бажаред Италийаеи майин бу, мэсэлэ,

шәмийе эм жь дэргәһе бажер дәрк'этын чунә дәве ч'ем, әв дәр чава эм дьфькьрин, шийе дōа бу. Мә р'уньшти т'эви к'өлфәтед шьвийайи хәбәр дьда, ¹⁴ к'өлфәтәкә хвәдеба-вәр жь бажаре Тийатирайе, наве we Лидйа кō к'ыншед ширк^ф дьфьротын, гōһдари дькьр. Хōдан дьле we вәкьр кō гōһ бьдә готьнед Павлос. ¹⁵ Гава әв нәфәред хвәва пе аве һатьнә ньхōмандьне, ниви жь мә кьр у гот: «Һәгәр һун мьн бавәрмәнда Хōдан һ'әсаб дькьн, к'әрәм кьнә мала мьн, ль вьр бьминьн». У зор ль мә кьр эм бьрын.

**Павлос у Силас бажаре
Филиппайеда тенә гьртьне**

¹⁶ Щарәке эм дьчунә шийе дōакьрьне, шарик р'асти мә һат, кō р'ōһ'е к'оч'әктыйе пер'а бу, әве бь we к'оч'әктыйе хвәйед хвәр'а п'ьр' к'ар дани. ¹⁷ Әва пәй Павлос у мә к'этьбу, дькьрә қир'ин у дьгот: «Әв мәрвьвана хōламед Хвәдейе Һәри Жорьн ьн, кō вәр'а бона р'ийа хьлазбу-не даннасин дькьн!» ¹⁸ Әв йәка

әве гәләк р'ожа дькьр, һ'эта кō Павлос ашьз бу, вәгәр'ийа у ви р'ōһ'ир'а гот: «Бь наве Иса Мәсиг ә'мьри тә дькьм жь we дәре!» У пер'а-пер'а әв жь we дәрк'әт. ¹⁹ Гава хвәйед we дитьн кō гōмана к'ара ван һатә бьр'ине, Павлос у Силас гьртьн, к'аши мөйдана бажер щәм сәрвөра кьрын, ²⁰ әв бь-рьнә бәр сәрдаред Р'омайе у готьн: «Әв мәрвьвана шьһу нә у бажаре мә т'эвиһөв дькьн. ²¹ Ә'дәте өса мә бажарванед^ф Р'омайе һин дькьн, кō нә мәр'а щайиз ә қәбул кьн, нә жи бь-кьн». ²² Ә'лаләте һ'ьщуми сәр ван кьр, сәрдара жи к'ыншед сәр ван қәлаштьн у ә'мьр кьрын кō ван бьдьнә бәр шьва. ²³ Пәй гәләк леданер'а авитьнә кәле у ә'мьри сәрвөре кәле кьрын, кō р'ьнд мьқатыйе ван бькә. ²⁴ Әви кō әв ә'мьр станд, әв авитьнә зьндане у ньгед ван қәйдада шьдандьн.

²⁵ Незики ниве шөве Павлос у Силас дōа дькьрын у әшқи Хвәде дьстьран, гьртийа жи гōһе хвә данибунә сәр ван. ²⁶ Ньшкева ә'рд қайим һ'әжийа,

хвәсәрихвә диwana хвә дькьрын, хәрщ нәдьданә Р'өме. Ләма р'езед 16:21-да мәрвьвед бажер хвә һ'әсаб дькьн чава бажарванед^ф Р'омайе.

h'эта кӧ h'имед кӧле жи чун-хатън, дӑстхвӑда h'ӑму дӑри вӑбун, ґӑйд-зынщиред h'ӑмуяа hatънӧ вӑкърне. ²⁷ Гава сӑрwere кӧле h'ышйар бу у дӑред кӧле вӑкър дитън, шур к'ышанд кӧ хвӑ бькӧжӑ, чьмки wi т'ьре гьрти р'ӑвинӧ*. ²⁸ Ле Павлос бь дӑнге бьльнд кьрӧ гази у гот: «Т'ӧ зийане нӧдӧ э'мьре хвӧ, ӧм h'ӑму жи вьра нӧ!» ²⁹ Ӑwi ч'ьра хвӧст, р'ӑви һьндӧр', лӧръзи хвӧ авитӧ бӧр Павлос у Силас. ³⁰ Ӑw дӧрхьстън у гот: «Ӑз хӧлам! Ӑз чь гӧрӧке бькьм кӧ хьлаз бьм?» ³¹ Wана жи гот: «Бавӧрийа хвӧ Хӧдан Иса бинӧ, те нӧфӧред хвӧва хьлаз би». ³² Ђьнге хӧбӧра Хӧдан wi у ван h'ӧмуяар'а готън, йед кӧ мала вида бун. ³³ Ђӧма we шӧве сӑрwere кӧле ӧw бьрън, бьринед ван шуштън у пер'а-пер'а ӧw нӧфӧред хвӧва пе аве hatънӧ ньхӧмандьне. ³⁴ Ӑw анинӧ мала хвӧ, сьфрӧ ль бӧр ван дани у т'ӧмамийа нӧфӧред хвӧва ша бун, кӧ бавӧрийа хвӧ Хвӧде анин.

³⁵ Гава сьбӧһ сафи бу, сӧрдара запьдед хвӧ шандън у готън: «Wан мӧрва бӧр'дӧ». ³⁶ Сӧрwere кӧле ӧв йӧк Павлоср'а гот: «Сӧрдар мӧри шандънӧ wӧки һун бенӧ бӧр'дане. Ђьһа р'а-бьн бь хер у сьламӧт һӧр'ьн». ³⁷ Ле Павлос ванр'а гот: «Ӑм, бажарванед^ф Р'омайе, бе ди-ван бь шьмӧ'ти данӧ бӧр шьва авитънӧ кӧле! У ньһа дьхвазьн бь дьзива мӧ дӧрхьн? На, ӧв йӧк набӧ, бьра хвӧха бен мӧ дӧрхьн». ³⁸ Запьда ӧв хӧбӧрана гиһандънӧ сӧрдара. Гава кӧ бьһистън ӧw бажарванед Р'омайе нӧ, тьрсийан ³⁹ hatън хвӧ авитънӧ ван, паше ӧw дӧрхьстън у һиви кьрън кӧ жь бажаре ван һӧр'ьн. ⁴⁰ Ӑw жи жь кӧле дӧрк'ӧтън чунӧ мала Лидйае, ль вьр хушк-бьра дитън, дьл данӧ ван у паше р'ек'ӧтън чун.

**Қалмӧ-қалма
бажаре Т'есалоникедә**

17 ¹ Ӑвана Ӑмфиполис у Аполонйаева дӧрбаз

* ^{16:27} Wi чахи гава гьртик жь кӧле бьр'ӧвийа, һьнге чь шӧза кӧ дьгьһиштӧ гьрти, гӧрӧке сӧрwere кӧле дӧвса wi бьк'ышанда. Аwa готи, һӧгӧр йӧки һежайи мьръне бьр'ӧвийа, һьнге гӧрӧке сӧрwere кӧле дӧвса wi бьһата кӧштъне.

бун хатънэ Т'есалонике, ви щийе кӧ к'ъништа щъһуйа һэбу. ²Павлос жи мина э'дэте хвэ чу нава ван у се р'ожд шэми-йе ванар'а дьк'этэ хэбэрдане, жь нъвисара ³шьровэдькър у ванр'а избат дькър, кӧ гэрэке Мэсиг шэфа бьк'ышанда у жь мьрьне р'абуйа у дьгот: «Эв Исайте кӧ эз вэр'а даннасин дькьм, эв Мэсиг э». ⁴Һьнэкед жь ван бавэр кърън хвэ ль Павлос у Силас гьртън, ӧса жи э'лалэтэкэ хвэдебавэ-ред йунан^ф у гэлэк к'ӧлфэтэд хвэйиқэдьр.

⁵Ле жь щъһуйа һьнэка жь һ'эвсудийе чэнд мэръвед бекерэ нэр'аст щъвандън, кърънэ қалмэ-қалм, бажар т'эвиһэв кърън у һ'ышуми сэр мала Йасон кърън, дьхвэстын Павлос у Силас банина бэр щьмэ'те. ⁶Гава эв нэдитън, Йасон т'эви чэнд бьрава к'аши щэм сэр-веред бажер кърън, дькърънэ қир'ин дьготън: «Эвед дьһна т'эвиһэв кърънэ гьһиштънэ вьра жи ⁷у Йасон эв қэбул кърънэ мала хвэ! Эвана һ'эму жи мьқабьли э'мьред Қэйсэр дьчън у дьбежън: «П'адшаки дьн һэйэ, наве ви Иса йэ». ⁸Бь

ван готъна э'лалэт у сэрверед бажер т'эвиһэв кърън. ⁹Һьнге жь Йасон у йед майин к'эфил^ф стандън, эв бэр'дан.

Павлос у Силас бажаре Бэройайеда

¹⁰Һэма чава тэ'ри к'этэ э'рде, бьра Павлос у Силас шандънэ Бэройайе. Эв кӧ гьһиштънэ вьр, чунэ к'ъништа щъһуйа. ¹¹Эв щъһу жь йед Т'есалонике сэрвахтгьр бун, хэбэра Хвэде бь дьл у шан қэбул кърън у һэр р'ож нъвисарада к'ур дьбун, к'а эв тьшт ӧса нэ. ¹²Жь вана гэлэка бавэр кър, ӧса жи гэлэк к'ӧлфэтэд йунанэ хвэйиқэдьр у мер жи нэ кем бун. ¹³Гава щъһуйед Т'есалонике бьһис-тън кӧ Павлос хэбэра Хвэде Бэройайеда жи даннасин дькэ, хатън вьр жи һелан данэ э'ла-лэте у эв т'эвиһэв кърън. ¹⁴Ви чахи бьра Павлос дэстхвэда шандънэ бэр бэ'ре, ле Силас у Тимот'ейо Бэройайеда ман. ¹⁵Эвед кӧ Павлос вэр'едькър-ьн, эв һ'эта Ат'инайе бьрън, паше жь Павлос т'эми стан-дън кӧ Силас у Тимот'ейо зу һэр'ьн бьгьһижънэ ви, хвэха жи пашда вэгэр'ийан.

Павлос ль бажаре Ат'инайе

16 Гава Ат'инайеда Павлос хивийа ван бу, дьле ви нэ р'ь-
 h'эт бу, чьмки дит бажар нава
 п'утп'арьстийеда бу. 17 Ава әви
 к'ьништеда щьһу у йунанед^ф
 хвәдебавәрр'а у ль мәйдане
 бажерда жи һәр р'ож р'асти
 к'е дьһат ванр'а дьк'этә хә-
 бәрдане. 18 Чәнд философед
 епикури^ф у стойхи^ф вир'а к'ә-
 тьнә һ'өщәте у һьнәка дьгот:
 «Әви дәвбәлайи бет'әвшә чь
 дьхвазә бежә?» Һьнәка жи
 дьгот: «Өса те к'ьфше, кө әва
 дәрһәқа хвәдейед хәрибда
 даннасин дькә». Аһа дьготьн,
 чьмки әви бона Иса у р'абуна
 мьрийа даннасин дькьр. 19 Ви
 чахи әв һьлдан бьрьнә бәр
 щьвина Арьйопагойе^ф у готьн:
 «Әм дькарьн бона we һин-
 кьрьна нуйә кө тә даннасин
 дьки бьзаньбьн? 20 Тә тыштед
 хәриб мә дьди бьһистьне, лә-
 ма жи әм дьхвазьн мә'на ван
 бьзаньбьн». 21 Һ'әму ат'ини у
 хәрибед кө ьр дьман, тыштә-
 ки майинва мьжул нәдьбун,
 пештьри тыштед ну готьне йан
 бьһистьне.

22 Һьнге Павлос бәр щь-
 вина Арьйопагойеда сәкьни у
 гот: «Гәли ат'инийа! Әз дина
 хвә дьдьме, кө һун жь һ'әму
 алийава гәләки һ'әбандьнева
 мьжул ьн. 23 Чьмки гава әз
 гәр'ийам, мьн дина хвә да
 һ'әбандьнед вә, мьн горигә-
 һәк^ф дит кө сәр we ньвисар
 бу <ХВӘДЕЙЕ НӘНАСР'А>. Ава
 Әwe кө һун нас накьн
 дьһ'әбиньн, әз бона Ви вәр'а
 даннасин дькьм. 24 Хвәдейе кө
 әв дьнйа у һ'әмуьед нава веда
 ә'фьрандийә, Әв Хөдане әрд
 у ә'змен ә у п'арьстгәһед бь
 дәста чекьрида наминә*, 25 нә
 жи ч'ә'ве Ви дәсте мәрьва йә
 кө хьзмәтк'арийа Ви бькьн,
 чава Йәки һ'әвще тыштәки,
 ле Әв хвәха ә'мьр, бине у һәр
 тышти дьдә һ'әмуьа. 26 Һ'әму
 мьләтед дьнйайе жь хунәки
 хөльқанд, кө сәр р'уйе т'әма-
 мийа дьнйайе бьжин. Әви
 зәман у синоред щи-мьск'әна
 ванр'а к'ьфш кьрьн. 27 Әви әв
 йәкана кьрьн, вәки мәрьв ль
 Ви бьгәр'ьн, бәлки бьп'әлиньн
 бьбиньн. Ле Әв Хвәде жь мә
 һәр кәси нә дур ә жи, 28 чьмки
 <әм бь Ви дьжин, дьмөшьн у

* 17:24 П'адшати III, 8:27.

һәнә*». Чава чэнд шайиред
 вә жи готьнә: «Әм р'аст зар'ед
 Ви нә**».

²⁹ Ава кӧ әм жь Хвәде бунә,
 гәрәке әм Хвәде аһа нәшьби-
 ньн мина зер', зив, йан кәвьре
 кӧ бь һ'ыш у хостатийа мәрва
 һатьнә к'оландьне. ³⁰ Хвәде
 дина Хвә нәдайә һ'әму зә-
 манед кӧ мәрвайийе Әв нас
 нәкьрийә, ле ньһа һәр дәра
 т'әми ль һ'әму мәрва дькә,
 кӧ жь гӧнәкьрьне вәгәр'ыһ^ф.
³¹ Чьмки Әви р'ожәк к'ьфш
 кьрийә, к'ижанеда ве диwana
 дьне р'аст бь дәсте Мәрвәки
 бькә, Йе кӧ Әви к'ьфш кьрийә.
 Хвәде әв йәкана һ'әмуяр'а да-
 нә избаткьрьне, гава Әв мәрв
 жь мьрьне р'акьр».

³² Гава бона р'абуна мьрийа
 бьһистьн, һьнәк пе к'әнийан,
 ле һьнәка жи гот: «Бона ве
 йәке әме шарәкә дьн жь тә
 бьбьһен». ³³ У Павлос жь нав
 щьвина ван дәрк'әт чу. ³⁴ Ле

һьнәка хвә ль ви гьрт, бавәр
 кьрьн. Нава ванда бун Дийо-
 нисийоје әндәме Арийопагоје у
 к'ӧлфәтәкә наве ве Дамәрис,
 т'әви һьнәкед майин.

Павлос бажаре Корьнт'еда

18 ¹ Жь вьр шунда Павлос
 жь Ат'ине р'ек'әт һатә
 Корьнт'е. ² Ль вьр йәки щьһу
 наве ви Акила дит, буйина
 хвәда жь Понтосе. Әва т'әви
 к'ӧлфәта хвә Прьскилаје ну жь
 Италийаје һатьбу, чьмки Қәй-
 сәр Клаудйо ә'мьр кьрьбу, кӧ
 һ'әму щьһу жь Р'оме дәрк'әвьн.
 Павлос чу щәм ван, ³ щәм ван
 ма у т'әви ван хәбьти, чьмки
 п'еше ван йәк бу, кон чедькь-
 рын. ⁴ Әв һ'әму р'ожд шәмийа
 к'ьништада щьһу у йунанар'а^ф
 дьк'әтә хәбәрдане, әв дьданә
 бавәркьрьне.

⁵ Гава Силас у Тимот'ейо жь
 Мәкәдонийаје һатьн, Павлос бь
 хирәт т'әмаийа вәхте хвә да

* ^{17:28} Әва готьна жь занәки бь наве Әпименидәс бу. Әв йәки шайир
 бу у жь бажаре Кьнососе гьрава Кьретийе бу. Әв қаси 600 сали бәри
 Иса Мәсиһ бьбу.

** ^{17:28} Әва готьна жь ньвисарәкә Аратус шайир ә, кӧ бона хвәдеки
 хвә ньвисийә, к'ижани йунана дьһ'әбанд. Аратус шайир жь қәза
 Киликийаје бу, қаси 300 сали бәри Иса Мәсиһ бьбу. Павлос хвәха
 жи жь қәза Киликийаје бу.

хинкьрына Хэбэре* ушьһуйар'а шэ'дэти дыда кө Мэсих, Иса йэ.
 6 Гава әв мьқабыли ви р'абун у әв бехөрмәт кьрын, әви к'ьн-ше хвә давшанд у готә ван: «Хуна вә сәре вә бә, әз бесуш ьм. Жь вьр шунда әзе һәр'ьмә шәм нәшьһуйа». 7 Әв һынге жь вьр чу к'этә мала йәки навә ви Тито Йусто. Әв мәрвьәки нәшьһу бу, ле хвәдебавәр бу, мала ви к'еләка к'ьниште бу.
 8 Кьриспое сәрвәре к'ьниште жи нәфәрәд хвәва бавәрийа хвә Хөдан ани у жь корьнт'ийа гәләка кө бьһистьн, бавәр кьрын у пе аве һатьнә ньхөмандые.
 9 Шәвәке Хөдан дитьнокеда һатә бәр ч'ә'вә Павлос у готә: «Нәтьрсә, хәбәр дә у хвә кәр' нәкә. 10 Чьмки Әз т'әви тә мә у кәсәке бәр тә р'анәбә зийане нәдә тә, чьмки гәләк шьмә'та Мьн ви бажарида һәйә». 11 Әв ль we дәрә саләке у шәш мә-һа ма, әв һини хәбәра Хвәде дыкьрын.
 12 Һена вәлийе Галийойе Ахайайеда шьһу бунә йәк,

һ'ьщуми сәр Павлос кьрын у бьрынә бәр диwane 13 готьн: «Әва шьмә'те һин дыкә, кө нә ль гора қануне Хвәде бьһ'әбиньн». 14 Гава Павлос we дәстпекьра хәбәр да, Галийо шьһуйар'а гот: «Һәгәр гьли бона нәһәқийе у хьрабийе буйа, шьһуно, дыбу кө мьн гөһдарийа вә бькьра, 15 ле һәгәр пьрс сәр хәбәра, нава у қануна вә йә, һун хвәха бьньһер'ьн. Әз нахвазьм бь-бьмә һ'акьме ван тьшта». 16 У әв жь диwanхане дәрхьстьн. 17 Һынге һ'әмуйа Состенисе сәрвәре к'ьниште гьртьн, ль бәр диwanхане к'өтан, ле қәт хәма Галийо жи нибу.

Павлос вәдьгәр'ә Әнтакйайе

18 Павлос гәләк р'ожа диса ль вьр ма, паше хатьре хвә жь бавәрмәнда хвәст, бь гәмийе чу алийе Сурйайе. Прьскила у Акила жи т'әви ви бун. Әви Кәнхерйайеда п'ор'е хвә көр' кьрьбу, чьмки ад-қьраркьри* бу. 19 Әв гьһиштьнә Әфәсе,

* 18:5 Нав һьнәк дәстньвисарада дәвса «Хәбәр» «Р'өһ'ва» һәйә, кө һьн аһа фә'м дыкьн: «Бь алава Р'өһ'ва гьредайи».

* 18:18 We ад-қьрарер'а «нәзир^ф» дыбежьн. Дәрһәқа қәйдә-қанунед нә-зирда Жьмар 6:1-21-да бьхуньн.

Прьскила у Акила ль вьр һыштън, хвәха к'этә к'ъниште щь-
 хуйар'а к'этә хәбәрдане. ²⁰Вана
 һиви жь ви кьр, кӧ һнәки
 дьреж ль вьр бьминә, әв қайл
 нәбу. ²¹Ле гава хатьре хвә жь ван
 хвәст, гот: «Әзе диса сәр вәда
 бем, һәгәр Хвәде һ'ыз бькә»*.
 Бь гәмийе жь Әфәсе чу. ²²Гава
 гьһиштә Қәйсәрийе, һәвраз чу
 Оршәлиме сылав да щьвине,
 паше бәржер чу Әнтақийе.
²³Гава һнәк вәхт ль вьр ма,
 р'абу бәрева к'этә вәлате Га-
 латйа у Фьригйа, һ'әму шагьрт
 бавәрийеда дышьдандьн.

**Аполо бажаре Әфәседа
 Мьзгинийе дьдә**

²⁴ Щьһуки наве ви Аполо,
 буйина хвәда жь Скәндәрийе,
 һатә Әфәсе. Әва готьнбежәки

сәрхвә у ньвисаред^ф пирозда
 занәки зор бу. ²⁵Әв Р'ийа Хӧ-
 данда һинбуйи бу, агьре хирәте
 сери к'әтбь* бона Иса р'аст
 хәбәр дьда у һин дькьр, ле т'әне
 ньхӧмандьна Йуһ'әнна заньбу.
²⁶ Әви дәстпекьр к'ъништеда
 мерк'ими хәбәр да. Ле гава
 Прьскилаие у Акила хәбәр-
 дана ви бьһистън, әв бьрьнә
 щәм хвә, һе р'аст Р'ийа Хвәде
 вир'а щьровәкьрьн. ²⁷Аполо кӧ
 хвәст һәр'ә Ахайаие, бьра дьл
 данә бәр у шагьртар'а жи нә'мәк
 ньвисин кӧ ви қәбул кьн. Гава
 гьһиштә вьр, әв гәләки кери
 ван һат, йед кӧ бь к'әрәма Хвәде
 бьбунә бавәрмәнд. ²⁸Чьмки бь
 щьмә'ти хәбәрданеда йа ви ль
 сәр йа щьһуйа дьк'әт, бь ньви-
 саред пироз дьда избаткьрьне,
 кӧ Мәсйи, Иса йә.

Р'ешитийа Павлосә сьсийа (18:23; 19:1–21:16)

Павлос Әфәседа

19 ¹ Гава Аполо һе Корьн-
 т'еда бу, Павлос щийе

жорьнр'а дәрбаз бу бәржери
 Әфәсе бу у ль вьр чәнд шагьрт
 дитьн ² у жь ван пьрси: «Гава
 вә бавәр кьр, вә Р'ӧһ'е Пироз

* ^{18:21} Нав һнәк дәстньвисарада аһа йә: «Әз гәрәке ә'сә әве щәжь-
 на кӧ те Оршәлимеда дәрбаз кьм. Ле әзе диса сәр вәда бем, һәгәр
 Хвәде һ'ыз бькә».

* ^{18:25} Аһа жи те фә'мкьрьне: «Бь алава Р'ӧһ'е Хвәде».

станд?» Вана гот: «Мэ қәт нә-
бһистийә жи кө Р'өһ'е Пироз
һәйә». ³Әви ванр'а гот: «Ле хун
бь чь һатһнә ньхөмандьне?»
Вана гот: «Бь ньхөмандьна
Йуһ'әнна». ⁴Павлос гот: «Йу-
һ'әнна бона гөнәвәгәр'андһне
ньхөманду шьмә'тер'а гот: «Йе
кө пәй мьнр'а те бавәрийа хвә
Ви бинһн», ава готи Иса»*.
⁵Гава әв йәк бһистһн, бь наве
Хөдан Иса һатһнә ньхөмандь-
не. ⁶У гава Павлос дәстед хвә
данинә сәр ван, Р'өһ'е Пироз
һатә сәр ван, бь зьмана хәбәр
дан у п'ехәмбәрти кьрһн. ⁷Әва-
на вәкә донздәһ мәрийа бун.
⁸Павлос к'әтә к'ьниште, се
мәһа мерк'ими хәбәр дьда, бо-
на П'адшатиһа Хвәде ванр'а
дык'әтә хәбәрдане у әв дьданә
бавәркьрһне. ⁹Ле гава һьнәкә
сәрһ'ышк мьқабыл дәрк'әтһн у
ль бәр шьмә'те Р'ийа Хөдан бе-
һөрмәт дькьрһн, Павлос жь ван
қәтийа, шагьрт башқә кьрһн
у һәр р'ож дәрсхана Тиранода
ванр'а дык'әтә хәбәрдане. ¹⁰Әве
йәке дө сала к'ьшанд, һ'әта
кө һ'әму шьһу у йунанед^ф кө
қәза Асийаеда дьман, Хәбәра
Хөдан бһистһн.

Һәр һ'әфт көр'ед Скева

¹¹Хвәде бь дәсте Павлос
гәләк к'әрәмәтед зор дькьрһн,
¹²һ'әта кө әв дәстмал у шалькед
кө Павлос ле дык'әтһн нәхвә-
шар'а дьбьрһн, әв қәнщ дьбун
у р'өһ'ед хьраб дәрдык'әтһн.
¹³Чәнд шьһуйед гәр'ок һәбун
кө хвә дабунә шьндәрхьстһне,
ван дькьр кө сәр йед кө р'өһ'ед
хьраб нава ванда һәбун, пе
наве Хөдан Иса бәри ван дьн
у дьготһн: «Әм пе ви Исайе кө
Павлос даннасин дыкә бәри вә
дыдһн». ¹⁴Әва йәка һәр һ'әфт
көр'ед Скевайе сәрәкк'аһинә-
ки шьһуйа дькьрһн. ¹⁵Щарәке
р'өһ'е хьраб ль ван вәгәр'анд у
гот: «Әз Иса нас дькьм, бона
Павлос жи заньм, ле хун к'и
нә?» ¹⁶Һьнге әв мәрьве кө р'өһ'е
хьраб теда бу, банзда сәр ван,
қәвата ви ван һ'әмуйда чу
әв өса к'өтан, вәки әв жь ве
мале тә'зи у бьриндар р'әвин.
¹⁷Бона ве йәке һ'әму шьһу у
йунанед кө Әфәседа дьман пе
һ'әсийан. Тьрс к'әтә сәр ван
һ'әмуя у наве Хөдан Иса бь-
льнд дьбу. ¹⁸Гәләк бавәрмәнд
жи дьһатһн гөнед хвә дьданә

* ^{19:4} Луқа 3:1-18.

р'уйе хвэ у кьред хвэ дьготын. ¹⁹ Йед сербазийева жи кӧ мьжул дьбун, гэлэка к'ьтебед хвэ т'оп дькьрьнэ щики у ль бэр һ'эмуйа дьшэшьтандьн. Қимэте ван һ'эсаб кьрьн, пенши һ'эзар зив^ф дэрк'эт. ²⁰ Бь ви авайи Хэбэра Хӧдан бь зорайи һе пешда дьчу у қэват дьбу.

Шэр'-дэ'wa Эфэседа

²¹ Гава эв тышт бун, Павлос қьрар кьр* кӧ Мэкэдонийае у Ахайайева дэрбаз бэ һэр'э Оршэлиме у гот: «Пэй чуйина вьрар'а гэрэке эз һэр'ьм Р'оме жи бьбиньм». ²² Эви дӧ к'омэкдаред хвэ Тимот'ейо у Ерасто шандьнэ Мэкэдонийае у эв һьнэки жи ль қэза Асйае ма.

²³ Ван чахада бона Р'ийа Хӧдан гэлэки шэр'-дэ'w пешда һат. ²⁴ Йэки зивкэр һэбу наве ви Димитрийо. Эви п'арьстгәһед хвэдейа наве we Артәмис^ф щур'е йа э'дәтида бь зив бьч'ук чедькьрьн у гэләк к'ар һостар'а дани. ²⁵ Эви гази ван һ'эму һоста, ӧса жи йед мина хвэийе ви п'ешәйи^ф кьрьн у гот: «Гәли һэвала! Һун заньн кӧ к'ара мә ви шьхӧлида йэ.

²⁶ Һун жи дьбьһен у дьбиньн кӧ эви Павлоси нэ кӧ т'эне Эфэседа, ле бауәрийа вә һәбә т'эмаийа қэза Асйайеда жи сәре гәләк щьмә'та т'ьжи кьрийә жь р'е дәрхьстийә у дьбежә: «Эw хвэдейед кӧ бь дәста чекьри нә, әw нә хвәде нә». ²⁷ Зийана we нә т'эне әw э кӧ п'еше мә те бөһөрмәткьрьне, ле п'арьстгәһа Артәмис хвэдейа мэзьн we бэр тыштәки нәйе һ'эсабе у we қәдьре мэзьнайийа we бьк'әвә, йа кӧ һ'эму қэза Асйа у дьнйа дьһ'әбинә».

²⁸ Гава эв йәк бьһистьн, бь к'ин-бох т'ьжи бун, дькьрьнә қир'ин у дьготын: «Артәмиса эфәсийа мэзьн ә!» ²⁹ Т'эмаийа бажер қьлқьли, р'аһьштә Гайос у Әристархойе мэкәдони, кӧ һэвал-р'ейед Павлос бун, һэвр'а р'эвинә дитьндаре^ф. ³⁰ Павлос жи хвәст кӧ бьк'әвә нава we ә'лаләте, ле шагьрта нәһьшт.

³¹ Жь һьнәк сәрверед қэза Асйае жи кӧ достед ви бун, мәри шандьнә щәм ви у һиви же кьрьн, кӧ нәчә дитьндаре.

³² Һәма ви вәхтида һьнәка щур'әки, һьнәка жи щур'әки дьн дькьрьнә қир'ин, чьмки

* ^{19:21} Аһа жи те фә'мкьрьне: «Павлос бь р'ебәрийа Р'ӧһ' қьрар кьр».

к'омбуна ван т'эвиһэвбуи бу, гэлэка жи нъзаньбу эв бона чь жи шьвийанэ. ³³Һнэка жь э'лалэте Скэндэр пешда бьрн, чьмки шьһуя эв пешда дэ'ф дан. Скэндэр дэсте хвэ бьльнд кьр, хвэст шаба хвэ бьдэ. ³⁴Ле гава пе һ'эсийан кэ эв шьһу йэ, һ'эмуйа бь дэнгэки вэ-кэ дэ сьһ'эта кьрнэ қир'ин: «Артэмиса эфэсийа мэзын э!»

³⁵Паше к'атьбе^{ф*} бажер э'лалэт сэдър'анд у гот: «Гэли эфэсийа! К'и нъзанэ кэ бажаре Эфэсе хвэйтийе** п'арьстгэһа Артэмиса мэзын дькэ, йа кэ кэвьре вейи пироз жь э'змен һатийэ хваре? ³⁶Чава ве йэкеда кэ тыштэки хельф т'өнэ, лэма жи гэрэке һун хвэ р'һ'эт хвэй кьн у тыштэки бь бэрзэқийе нэкьн. ³⁷Вэ эв мэрьвана ани-нэ вьра, эвана нэ т'аланкьред п'арьстгэһе нэ у нэ жи хвэде-йа мэ беһөрмэт кьрнэ. ³⁸Ава һэгэр шькийате^ф Димитрийо у хостайед т'эви ви сэр йэки һэйэ, бьра һэр'нэ диванхане, һ'акьм һэнэ. Ль вьр эв

дькарьн шькийате хвэ һэвдэ бькьн. ³⁹Ле һэгэр хвэстына вэ бона тыштэки дьн э, бьра шьватэкэ э'дэтида бе леньһе-р'андьне. ⁴⁰Чьмки зийана мэ жи ве йэкеда һэйэ у бона шэр'е иройин эме бенэ нэһэқкьрне^ф у мэ'ник т'өнэ, кэ эм пе бька-рьбьн бона ве к'омбуне шаба хвэ бьдьн». ⁴¹Гава эв йэк гот, шьват бэла кьр.

**Павлос дьчэ бэрбь
Мэкэдонийае у Йунаньстане^ф**

20 ¹Гава қалмэ-қалм сэдър'и, Павлос гази шагьрта кьр, дьл да ван у хатьре хвэ жь ван хвэст, р'абу чу Мэкэдонийае. ²Ль ван али-йа гэр'ийа, бь гэлэк готьна дьл данэ ван. Паше чу Йунаньстане^ф, ³вэкэ се мэһа ль вьр дэрбаз кьр. Гава к'аре хвэ дькьр кэ бьчуйа Сурйае, шьһуя бона ви шевьрэкэ мь-хэнэтийе кьр, эв жи фькьри Мэкэдонийаева вэгэр'э. ⁴Т'эви ви жь Бэройае Сопатройе кэре Пиро, жь Т'есалонике

* ^{19:35} К'атьбе бажер жь нава к'ома гьрэгьред бажерда йэки э'йан бу. Хэбатэка ви жи эв бу, вэки қьраред шьвина бажарвана бьньвисэ у э'лам бькэ.

** ^{19:35} Бь готьнэка дьн: «Мьщевьр у бажаре ве п'уте нэ».

Эристархо у Секундо, Гайосе жь Дербе у Тимот'ейо, жь қэза Асайе Тьхико у Трофимо чун. ⁵Эвана пешийа мэ чунэ Тройайе, ль вьр хивийа мэ бун. ⁶Эм жи пэй р'ожед Щэжьна Нане Шкэвар'а бь гэмийе жь Филипийае чун, пенщ р'ожада гьништ'ьнэ Тройайе, щэм ван. Эм вьр һ'эфт р'ожа ман.

Сахбуна Эйтухо Тройайеда

⁷Р'ожа һ'эфтийейэ пешьн эм бона нанкэркьрьне шьвийайи бун, Павлос кё we р'ожа дьн бьчуйа, ванар'а хэбэр дьда у һ'эта ниве шэве хэбэрдана хвэ дьреж кьр. ⁸Эв ода эм теда шьвийайи бун, гэлэк ч'бра теда һэбун. ⁹Хортэк жи наве ви Эйтухо, сэр п'энщэре р'уньшти дьһеньжи у к'этэ хэва к'ур. У гава Павлос хэбэрдана хвэ дьреж дькьр, эв хэва к'урда жь қате сьсийа жорда к'эт у мьрити эв һьлдан. ¹⁰Павлос пэийаи жере бу, хвэ авитэ сэр ви, да һ'эмеза хвэ у гот: «Хвэ онда нэкьн, чьмки р'он'е ви вида йэ». ¹¹Паше һьлк'ьшийа һат, нан кэркьр хвар у һ'эта сьбэһе дьреж хэбэр да у р'абу чу.

¹²Хорт жи сах-сьламэт анинэ мал, беһ'эсаб дьл һатэ бэр ван.

Жь Тройайе бэрбь Милэтосе

¹³Эм чун к'эт'ьнэ гэмийе р'ек'эт'ьн у бэрбь Асосе чун, кё жь we дэре мэ гэрэке Павлос һьлда, чьмки эви мэр'а готьбу: «Эзе пэйа бем». ¹⁴Гава ль Асосе р'асти мэ һат, мэ эв һьлда чунэ Мьтулане. ¹⁵Жь вьр жи эм чун, р'ожа дьне гьништ'ьнэ пешбэри Хийайе, р'ожтьра дьн гьништ'ьнэ Самосе*, сьбэһтьра дьн жи гьништ'ьнэ Милэтосе. ¹⁶Павлос нета хвэ данибу бь гэмийе бэр Эфэсер'а дэрбаз буйа, кё нэбэ вэхте хвэ қэза Асайаеда онда кэ, чьмки дьлэзанд кё һэгэр жер'а ль һэв бе, Р'ожа Пенцийэ һ'эсаб эв ль Оршэлиме бэ.

Павлос хатьре хвэ жь бэрпьрсийаред щьвина Эфэсе дьхвазэ

¹⁷Жь Милэтосе мэри шандэ Эфэсе у гази бэрпьрсийаред щьвине^ф кьрьн. ¹⁸Гава эв һат'ьнэ щэм ви, ванр'а гот: «Һун хвэха заньн we р'ожа пешьнда гава мьн ньге хвэ авитэ қэза

* 20:15 Нав һьнэк дэстньвисарада эв жи һэйэ: «Шэв манэ Тригилйайе».

Асйайе, һ'эта ньһа вәр'а ча-
 wa бумә. ¹⁹ Мьн Хөданр'а т'ам
 шкәсти бь гәләк һесьра, нава
 ван шер'ьбандьнада қөлх кь-
 рийә, к'ижан кә жь шешьред
 шьһуйа дьһатьнә сәре мьн,
²⁰ Һун заньн кә мьн т'ө шар
 хвә жь тыштед керһатийә бона
 вә нәдайә паш, ле һ'әму вәр'а
 готьнә у ашкәрә мал бь мал һун
 һин кьрьнә. ²¹ Мьн бь мәрифәти
 һн һиви жь шьһуйа, һн жи
 жь нәшьһуйа кьр, кә вәгәр'ьнә^ф
 бәрбь Хвәде у бавәрийа хвә
 Хөдане мә Иса биньн. ²² У ва
 эз бьн дәсте Р'өһ'е Пирозда дь-
 чьмә Оршәлиме, вьр we чь бе
 сәре мьн, эз ньзаньм. ²³ Т'әне
 Р'өһ'е Пироз һ'әму бажарида
 т'әмийе дьдә мьн у дьбежә кә:
 <Қөйд у тәнгаси^ф пешийа тә
 нә>. ²⁴ Ле эз ә'мьре хвә лайиқи
 т'ө тышти накьм, т'әне дькьм*
 бьгьһижьмә мәрәме хвә у we
 қөльха кә мьн жь Хөдан Иса
 стандийә биньмә сери, ава го-
 ти Мьзгинийа к'әрәма Хвәде
 бь мәрифәти даннасин кьм.

²⁵ Ньһа эз заньм иди һун
 һ'әмуийед кә эз нав вәда гә-
 р'ийамә у П'адшатийа Хвәде

даннасин кьрийә р'уйе мьн на-
 биньн. ²⁶ Бона ве йәке эз р'ожа
 иройин ль бәр вә шә'дәтийе
 дьдьм, кә шабдаре хуна вә т'ө
 кәси ниньм, ²⁷ чьмки мьн хвә
 нәда паш, т'әмамийа қьрара
 Хвәде вәр'а гот. ²⁸ Ньһа мьқати
 хвә у т'әмамийа ви кәре пез
 бьн, кә Р'өһ'е Пироз һун сәр
 бәрпьрсийар* к'ьфш кьрьнә.
 Шьвантийе шьвина Хвәде
 бькьн, йа кә Ви бь хуна Хвә
 қазьнщ кьр. ²⁹ Эз заньм пәй
 чуйина мьнр'а гөред дәвхун
 we бьк'әвьнә нава вә у һ'әйфа
 ван we кери нәйе. ³⁰ Жь нава
 вәда жи мәрьве дәрән у тыштед
 хельф we хәбәр дьн, кә шагьр-
 та пәй хвә бьбьн. ³¹ Бона ве
 йәке һ'ышйар бьминьн у бир
 нәкьн, кә мьн һун һәр кәс, се
 сала шәв у р'ож бе р'ьһ'әти бь
 һесьра ширәт кьрьнә.

³² Ньһа эз вә дьсперьмә^ф
 Хвәде у Хәбәра к'әрәма Ви,
 кә дькарә вә р'өһ'анийеда ава
 кә у п'ара вә т'әви т'әмамийа
 шьмә'та Хвә кә. ³³ Мьн һавь-
 жийа хвә зер', зив у к'ьнще
 т'ө кәси нәанийә. ³⁴ Һун хвәха
 заньн эз у йед т'әви мьн әм

* ^{20:24} Нав һнәк дәстньвисарада әв жи һәйә: «бь әшқ у ша».

* ^{20:28} Аһа жи те фә'мкьрьне: «Сәрвер».

h'əwše čʰ ži bunə, əv dəsted mʲn xəbʲtinə. ³⁵ Mʲn pe h'əmu šxʰōled xəw nišani wə kʲrʲijə, kō čawa gərəke bʲxəbʲtʲn k'oməke bʲdʲnə k'ətijā u xəbərə Xōdan Isa бир бинʲn kō got: «Xwəzi lʲ daiijā, nə kō lʲ standijā».

³⁶ Гава əv йək got, t'əvi h'əmujā čok da dōa kʲr. ³⁷ H'əmu ži gələki gʲrijān, xəw avitʲnə stujē Pawlos u r'amusan. ³⁸ Dʲled wan he zedə bona we xəbərə wi dʲšəwʲti kō got: «hʲun idi r'ujē mʲn nabijʲn». Paše əw h'ətā gəmiijē wər'ekʲrʲn.

Павлос дьчə Оршəлимə

21 ¹ Гава əm žʲ wan qətiijān, bʲgəmiijē r'ek'ətʲn, r'ast čun gʲništʲnə Kose, r'ožā dʲne R'odose u žʲ wʲr Patarajē. ² Mə gəmik dit kō dʲču Finikijajē, əm k'ətʲnə we r'ek'ətʲn. ³ Гава Qōbrʲse xōjā kʲr, mə əw mʲle č'əpeva hʲšt. Əm bərʲbʲ qəza Surijajē čun gʲništʲnə bəžare Sure, čʲmki bare gəmiijē wʲr gərəke bʲhātā walakʲrʲne. ⁴ Mə šagʲrt ditʲn, əm h'əft r'ožā

lʲ wʲr man. Wana bʲ R'ōh'ə Piroz dʲgotə Pawlos kō nəčə Oršəlimə. ⁵ Le gawa mə əw r'ož dərʲbāz kʲrʲn, əm r'abun čun u h'əmujā žʲnā u zar'awa h'ətā bəžer dər əm wər'ekʲrʲn u dəve bə're mə čok da dōa kʲr. ⁶ Paše mə xətʲre xəw žʲ həw xəwəst k'ətʲnə gəmiijē, əwana ži wəgər'ijānə maləd xəw.

⁷ Mə r'ewiti bʲ gəmiijē žʲ Sure dumajikʲr, əm gʲništʲnə Pʲtolemajē, mə wʲr xušk-bʲra sʲlaw kʲrʲn, əm r'ožəke manə šəm wan. ⁸ R'ožā dʲn əm žʲ wʲr r'ek'ətʲn čunə Qəjsəriijē mālā Filipojē mʲzgindar^φ, əw йək žʲ wan hər h'əft k'o-məkdarəd k'ʲfškʲri bu*. Əm lʲ šəm wi man. ⁹ Čar qizəd wijə bʲk'ʲr^φ həbun, kō p'əxəmbərʲti dʲkʲrʲn. ¹⁰ Гава əm gələk r'ožā lʲ wʲr man, žʲ Šʲhʲustane p'əxəmbərəki nawe wi hāgabo bəržer bu*. ¹¹ Гава hātə šəm mə, qajijā pʲštā Pawlos hʲlda, dəst u p'ijjed xəw gʲreda u got: «R'ōh'ə Piroz aħa dʲbəžə: «Əw mərʲve xəwəje we qajijē šʲhujē Oršəlimə aħa wi gʲredʲn u bʲdʲnə

* ^{21:8} К'аред Шандийа 6:1-6; 8:5.

* ^{21:10} К'аред Шандийа 11:28.

дэсте нэшьһуйа». ¹² Гава эв йэк мә бьһист, т'эви йед ыр мә лава кыр, кө эв һьлнэк'ышә нәчә Оршәлиме. ¹³ Ле Павлос шаб да у гот: «Һун чь дькьн? Чьма һун дьгьрин у дьле мьн дьшкеньн? Эз Оршәлимеда бона наве Хөдан Иса нә кө т'эне бона гьредане, ле бона көштъне жи һазьр ьм». ¹⁴ Гава мә нькарьбу эв банийа сәр йа хвә, мә дәнге хвә бьр'и у гот: «Бьра э'мьре Хөдан бә».

¹⁵ Чәнд р'ожа шунда мә к'аре хвә кыр, әм һьлк'ышийан чунә Оршәлиме. ¹⁶ Т'эви мә чәнд шагьртед Қәйсәрийе жи һатьн, әм бьрьнә мала шагьртәки зува, кө наве ви Мьнасо бу, жь Қөбрьсе, вәки әм ль ыр бьминьн,

**Павлос сәрики Ақуб
у бәрпьрсийара дьхә**

¹⁷ Гава әм гьһиштънә Оршәлиме, бавәрмәнда әм әшқ у ша қәбул кьрьн. ¹⁸ Р'ожа дьне Павлос т'эви мә чу шәм Ақуб, һ'әму бәрпьрсийар жи һазьр бун. ¹⁹ Павлос сылав да ван, йәк-йәк чь кө Хвәде бь қөльхе

ви нава нэшьһуйада кьрьбу, ванар'а гьли кьр. ²⁰ Вана кө әв йәк бьһист, шькьри данә Хвәде у өса жи Павлоср'а готьн: «Дина хвә бьде, чьқас һ'әзара щьһуйед бавәрмәнд һәнә у һ'әму жи хирәтк'ешед Қануне нә. ²¹ Ава вана бона тә бьһистийә кө тө һ'әму щьһуйед нава нэшьһуйада һин дьки, кө дәст жь Қануна Муса бьк'ышиньн у дьбежи кө әв көр'ед хвә сьнәт нәкьн у пәй ә'дәт жи нәчьн. ²² Ньһа әм чь бькьн? We ә'сә бьбьһен кө тө һатийи. ²³ Дә р'абә әм чь тәр'а дьбежьн бькә. Вьр шәм мә чар мәрвь һәнә кө ад-қьрар* кьрьнә. ²⁴ Ван хвәр'а һьлдә, т'эви ван ль гора ә'дәт пақьж бә у хәрше ван һьлдә сәр хвә, кө п'ор'е сәре хвә көр' кьн. Ынге һәр кәсе заньбә әв тыштед кө бона тә бьһистьнә дәрәв ьн у тө хвәха жи пәй Қануна Муса дьчи. ²⁵ Ле бона ван нэшьһуйед кө һатьнә сәр бавәрийе, мә ванр'а қьрара хвә ньвисийә шандийә, вәки әв һ'әвза хвә жь ван қөрбанед п'утп'арьс-тийе, хуне, гоште мьрар^ф у

* ^{21:23} We ад-қьрарер'а «нәзир^ф» дьбежьн. Дәрһәқа қәйдә-қанунед нә-зирда Жьмар 6:13-21-да бьхуньн.

бенамусийе бькьн»*. ²⁶ Ынге Павлос эв мэри р'ожа дьне һьлдан, т'эви ван пақьж бу, к'этэ п'арьстгәһе у хьлазийа р'ожд пақьжбуне да э'ламкьрьне, кә we к'энге бона ван һәр кәси һ'әди* бе дайине.

**Павлос п'арьстгәһеда
те гьртъне**

²⁷ Гава һәр һ'әфт р'ож сәр һөвда һатън, жь щьһуйед қәза Асийае Павлос п'арьстгәһеда дитън, т'эмамия э'лаләте т'эвр'акьрьн, дәст авитъне ²⁸ у кьрьнә қир'ин готън: «Һәвар, израелино! Алик'арийе бькьн! Эва эв мәрвь э, йе кә ль һәр дәра һ'әмуяа мьқабьли щьмә'та мә, Қануна Муса у ви щийи һин дькә, һе сәрда жи йунан кьрьнә п'арьстгәһе, эв щийе пироз һ'әр'ьманд». ²⁹ Эв йәка готън, чьмки пешийе бажерда Трофимойе жь Әфәсе т'эви ви дитъбун у ван т'ьре Павлос эв кьрийә п'арьстгәһе.

³⁰ Т'эмамия бажер һ'әжийа, э'лаләт бь ләз к'ом бу, Павлос гьртън жь п'арьстгәһе к'аши

дәрва кьрьн у дәред we пер'а-пер'а һатънә гьртъне. ³¹ Гава ван дькьр кә wi бькәжън, шаб гь-һиштә сәрһ'эзарә^ф р'әфа әскәра, wәки т'эмамия Оршәлиме т'эвиһөв буйә. ³² Әви пер'а-пер'а әскәр у сәрсәд һьлдан, бь ләз чу сәр ван. Гава вана сәрһ'э-зар әскәрава дитън, дәст жь Павлос к'өтане к'ьшандън.

³³ Wi чахи сәрһ'эзар һатә не-зик, эв гьрт, ә'мьр кьр кә бь дө зьншира wi гьредън. Ынге пьрси: «Эв к'и йә у чь кьрийә?» ³⁴ Нава э'лаләтеда бона wi һәр йәки шур'әки дькьрә қар'ә-қар'. Әви гава жь дәст қалмә-қалма щьмә'те нькарьбу ә'сәйи бьзаньбуйа, ә'мьр кьр wi бьбьнә әскәрхане. ³⁵ Гава Павлос гьһиштә п'епелинга, әскәра эв бьльндкьри бьрьн, чьмки э'лаләте зор дьда wi, ³⁶ ль пәй wi дьчун, дькьрьнә қир'ин удьготън: «Wi бькәжън!»

**Павлос шаба хwә
ль бәр э'лаләте дьдә**

³⁷ Иди Павлос we бьбьра-на һьндөр'е әскәрхане, әви

* ^{21:25} К'аред Шандийа 15:29.

* ^{21:26} Бона щьһуйед кә хwә пақьж дькьрьн, чава һ'әлал буйи, ванр'а қөрбан дьһатә дайине.

сэрh'эзарр'а гот: «Изьна мьн хэйэ т'эви тэ хэбэр дьм?» Эви гот: «Тө йунани жи зани? ³⁸Кө өса йэ тө нэ эви мьсьри йи, йе кө чэндэк пешда кьрэ шэр'-дэ'w, чар h'эзар качахед меркөж дэрхьстьнэ бэр'ийе». ³⁹Павлос гот: «Эз мэрвьэки щь-ху мэ, жь Тарсуса Киликйае, нэ бажарванэки бе нав-нишан ьм. Эз ниви жь тэ дькьм, изьне бьдэ кө эз ве щьмэ'тер'а хэбэр дьм». ⁴⁰Гава эви изьн да, Павлос сэр п'епэлинга сэкьни, дэсте хвэ бьльнд кьр, щьмэ'-те кө дэнге хвэ бьр'и, эви бь зьмане ибрани хэбэр да у гот:

22 ¹«Гэли бав у бьра! Ньһа гөһдарийа мьн бькьн, кө эз шаба хвэ бьдьм». ²Гава бьһистьн кө эw ванар'а бь зьмане ибрани к'этэ хэбэрдане, кэр' бун he дэнге хвэ бьр'ин. У ви гот: ³«Эз мэрвьэки щьху мэ, бажаре Тарсуса Киликйаеда жь дийа хвэ бумэ, ле ви бажарида бьн дэсте Гамалйелда чава шагьрт мэзын бумэ у h'эму Qануна кал-бава жи бь фэсал-р'аст һин бумэ, һьндава

Хвэдеда жи хвэйихирэт бум, чава кө һун h'эму иро*. ⁴Мьн h'эта көштьне жи йед кө пэй ве Р'е дьчун, дьзерандьн у қсьме жьн у мера гьредьдан давить-нэ кэле*, ⁵чава сэрэкк'аһин у т'эмамайа щьвина р'успийа жи шэ'де мьн ьн. Мьн сэр бьрайед щьһутийедайэ Шаме нэ'мэ жь ван һьлдабун дьчум wэки йед wьр жи гьредаи биньмэ Оршэлиме кө бьдьнэ шэзайе.

⁶Гава эз he р'е дьчум, незикки Шаме бум, р'о нава р'оже ньшкева жь э'змен дора мьн р'онайикэ қайим шэwқ да. ⁷Эз к'этьмэ э'рде у мьн дэнгэк бьһист кө мьнр'а гот: «Шавул! Шавул! Тө чьма Мьн дьзерини?» ⁸Мьн ле вэгэр'анд: «Тө к'и йи, Хөдан?» Эви мьнр'а гот: «Эз Исайе Ньсрэте мэ, Йе кө тө дьзерини». ⁹Эвед т'эви мьн жи р'онайи дитьн, ле дэнге кө мьнр'а хэбэр дьда нэдьбьһистьн. ¹⁰Һьнге мьн гот: «Эз чь бькьм, Хөдан?» Хөдан мьнр'а гот: «Р'абэ һэр'э Шаме у ль wьр һэр тыште кө бона тэ к'ьфшкьри йэ бьки, we тэр'а бе готьне». ¹¹Мьн кө жь дэст

* ^{22:3} К'аред Шандийа 5:34-39.

* ^{22:4} К'аред Шандийа 8:3; 26:9-11.

шəwqɑ we р'онайе нəдьдит, һынге йедт'эви мьн дəсте мьн гьртън, эз бьрьмэ Шаме.

¹² Йэки наве ви һананийа, анэгори Қануне хвəдехоф, нав шьһуйед Шамеда жи əw хвəйийе шə'дэтија қəнщ бу, ¹³ əвa һат щəм мьн сəкьни у гот: «Шавул бьра, бьбинə!» Мьн дəстхвəда дит у ль ви ньһер'и. ¹⁴ Əви мьнр'а гот: «Хвəдейе кал-бавед мə тə к'ьфш кьри кə э'мьре Ви бьзаньби у Йе Р'аст бьбини, хəбəра дəве Ви бьбьһейи, ¹⁵ чьмки те бəр һ'ə-му мəрьва бона ван тыштед тə дитън у бьһистън бьби шə'де Ви. ¹⁶ Иди чьма дэрэнги дехи? Р'абə вəрə ньхəмандьне, гази наве Ви кə жь гəнед хвə вəрə шуштъне».

¹⁷ Гава эз вəгəр'ийамə Оршəлимe у п'арьстгəһеда дəа дькьр, мина сьһ'эте сəр мьнр'а дəрбаз бу, ¹⁸ мьн Əw дит у Ви мьнр'а гот: «Бькə бьлəзинə жь Оршəлимe дəре, чьмки əw шə'дэтија кə те бона Мьн бьди əве қəбул нəкьн». ¹⁹ Мьн гот: «Хəдан, əw қəнщ занън кə эз бум, əви һ'əму к'ьништада йед бавəрийа хвə Тə данин,

давитьнə кəле у əw дьк'əтан. ²⁰ Гава хуна Стəйфане шə'де Тəдър'ьжийа, эз хвəха жи шьр һазьр у р'ази бум, мьн нобə-дари к'ьншед йед əw кəштън дькьр»*. ²¹ Һынге Əви мьнр'а гот: «Һəр'ə, Əзе тə бьшиньмə дур шəм нəщьһуйа»».

Павлос бажарвантийа хвəда р'омайи йə

²² Һ'əта ван хəбəра ə'лалəте гəһдарийа ви кьр, паше бь дəнге бьльнд готън: «Р'убари дьне ви нəһелə! Йед мина ви гəрəке нəжин!» ²³ Вана дькьрьнə қир'ин, к'ьнше хвə дьқəлаштън давитьн у хвəли дьр'əшандьнə һəва. ²⁴ Сəрһ'ə-зар э'мьр кьр, кə ви бьбьнə əскəрхане у гот: «Бьдън бəр қамчийа же бьпьрсън, бьзань-бьн к'а сущe ви чь йə, вəки əса сəр ви дькьнə қар'ə-қар'».

²⁵ Гава бь қайишед ч'əрм гьредан, Павлос сəрсəде сəкьнир'а гот: «Гəло əвa шайиз ə кə һун ль бажарванəки Р'омайе хьн, йе кə һe диwana ви нəбуйə?» ²⁶ Сəрсəд гава əв йəк бьһист, чу щəм сəрһ'əзар у гот: «Тə чь дьки? Əвa мəрьва бажарванe^ф

* 22:20 К'аред Шандийа 7:58.

Р'омайе йә». ²⁷ Сәрһ'эзар не-
зики Павлос бу у wir'a гот:
«Мьнр'а бежә, тө бажарване
Р'омайе йи?» Әви гот: «Бә-
ле». ²⁸ Сәрһ'эзар ле вәгәр'анд
у гот: «Мьн бь гәләк п'эра әв
бажарванти стандийә». Павлос
гот: «Ле әз йәкр'ожийа хвәда
бажарване вьр ьм». ²⁹ У дәст-
хвәда әвед кә we лехьстана у
гыли же бьк'ышандана жь ви
дур к'этьн. Сәрһ'эзар хвәха
жи тьрсийа, гава бьхист кә
бажарване Р'омайе йә, чьмки
әви әв дабу гьредане.

**Павлос ль бәр щьвина
гьрәгьра**

³⁰ Сьбәтьра дьн сәрһ'эзар
хвәст р'аст бьзаньбә к'а щьну
чьма шькийате Павлос дькьн.
Әв бәр'да у ә'мьр кьр, кә сәрә-
кед к'аһина щьвина гьрәгьрава
бе. Ынге Павлос ани ль бәр
ван да сәкьнандьне.

23 ¹ Павлос дина хвә да
щьвина гьрәгьра у гот:
«Гәли бьра! Мьн бь исафа р'ь-
һ'әт ль бәр Хвәде ә'мьре хвә

һ'әта иро дәрбаз кьрийә». ² Һа-
нанийае сәрәкк'аһин ә'мьри
бәрдәстийед незики Павлос
кьрьн кә девда бьдьне. ³ Ынге
Павлос wir'a гот: «Хвәдейе
жи ль тә хә, диware сивахкь-
ри! Тө р'уньшти йи анәгори
Qануне диwana мьн дьки у жь
Qануне дәр ә'мьр дьки кә әв
мьн хьн»*. ⁴ Йед щәм Павлос
сәкьни готьн: «Тө сәрәкк'а-
һине Хвәде беһөрмәт дьки?»
⁵ Павлос гот: «Бьрано, мьн
ньзаньбу кә әв сәрәкк'аһин
ә. Чава ньвисар ә: «Һьндава
сәрwере мьләте хвәда хьраб
хәбәр нәдә»*.

⁶ Ынге Павлос пе һ'әсийа
кә алики садуқи нә, алики жи
ферьси, we щьвинеда кьрә гази
у гот: «Гәли бьра! Әз ферьси
мә, кәр'е ферьсийа! Бона гө-
мана р'абуна мьрийа диwana
мьн дькьн». ⁷ Гава әв йәк гот,
ферьси у садуқи һәвр'а к'этьнә
һ'әщәте у дөтирәти к'әтә нава
к'оме, ⁸ (чьмки садуқи дьбежьн
нә р'абуна мьрийа һәйә, нә
мьляк'әт, нә жи р'өһ', ле фе-
рьси һәрсека жи qәбул дькьн)*.

* ^{23:3} Мәтта 23:27-28.

* ^{23:5} Дәрк'әтьн 22:28.

* ^{23:8} Мәтта 22:23; Марқос 12:18; Луқа 20:27.

⁹ Ынге қалмә-қалма мәзын һе пешда һат, жь қанунзанед алийе ферьсийа һнәк р'абунә п'ийа у дәнғ һьлдан мерк'ими готын: «Әм ви мәрвьида т'ө хьрабийе набиньн. Бәлки р'өһ'әки йан мьлйак'әтәки вир'а хәбәр дайә?» ¹⁰ Гава шәр'-дә'w зедә бу, сәрһ'әзар тьрсийа кө әв Павлос қәт-қәти кьн, ә'мьри әскәра кьр кө һәр'ьнә жере әви жь нав ван быгьрын быбьнә әскәрхане.

¹¹ Шәвтәра дьн Хөдан ль бәр ви сәкьни у готе: «Сәрхвә бә, тә чава шә'дәтийа Мьн Оршәлимеда да, өса жи гәрәке Р'омеда шә'дәтийе быди».

Шьһу т'әләке бона көштьна Павлос һазьр дькьн

¹² Сьбәһ кө зәлал бу, һнәк шьһу бунә йәк у сонд хварьн, кө һ'әта Павлос нәкөжьн, нә бьхьн, нә жи вәхьн. ¹³ Әвед кө әв сонд хварьн жь чьли зедәтьр бун. ¹⁴ Әвана чунә щәм сәрәкед к'аһин у р'успийа готын: «Мә сонд хварийә, һ'әта кө әм Павлос нәкөжьн, тьштәки тә'м нәкьн. ¹⁵ Ава һун т'әви щьвина гьрәгьра бежьнә сәрһ'әзар кө әви сьбе бинә щәм вә, йанчийә^ф һун дьхвазьн

дәрһәқа вида һәр тьшти һе р'аст пе быһ'әсьн, әме жи һе бәри һатьна ви һазьр бын кө ви быкөжьн».

¹⁶ Ле харзийе Павлос бона ве т'әләке быһист, һат к'әтә әскәрхане Павлоср'а гот. ¹⁷ Павлос жи гази сәрсәдәки кьр у готе: «Әви хорти быбә щәм сәрһ'әзар, дьхвазә тьштәки вир'а бежә».

¹⁸ Әви жи хорт бьрә щәм сәрһ'әзар у готе: «Павлосе гьрти гази мьн кьр, һиви кьр кө ви хорти биньмә щәм тә, тьштәки вийи готьне тәр'а һәйә».

¹⁹ Сәрһ'әзар дәсте ви гьрт, бьрә алики у пьрси: «Тө чь дьхвази ә'лами мьн ки?» ²⁰ Әви гот: «Шьһуйа қьрар кьрийә кө һиви жь тә быкьн, вәки сьбе Павлос быби щьвина гьрәгьра, йанчийә дьхвазьн дәрһәқа вида һәр тьшти һе р'аст бызаньбын.

²¹ Ле ван бауәр нәкә, чьмки жь ван чьл мәрийа зедәтьр хвә вәшартьнә, һивийа ви нә. Вана сонд хварийә, кө нә бьхьн, нә жи вәхьн һ'әта ви нәкөжьн. Вана ньһа к'аре хвә кьрийә, һивийа қьрара тә нә». ²² Ви чахи сәрһ'әзар хорт вәр'екьр у т'әми да ви: «Кәсир'а нәбежә, кө тә әв йәк мьнр'а готийә».

**Павлос дышиньнэ Qэйсэрийе
щэм Фэликсе wэли**

²³ Сэрh'эзар гази дө сэрсэда кър у гот: «Дөсьд эскэри һазър кьн, һ'эфте сийари, дөсьд жи р'ьмдар, wэки шөв сьһ'эта нөһа һ'эта Qэйсэрийе һэр'ьн. ²⁴ Өса жи чэнд һэспа һазър кьн, wэки Павлос ле сийар кьн, кӧ бе қэдә бе бәла бьбьнә щәм Фэликсе wэли». ²⁵ Нә'мәк жи бь ве фькьре ньвиси:

²⁶ «Жь Клавдйо Лусйо,

Сьлав Фэликсе wэлийе хwэ-ийқэдьрр'а!

²⁷ Эва мәрьва жь щьһуйа һатьбу гьртъне, we бь дэсте ван бьһата кӧштъне, эз пе һ'эсийам кӧ р'омайи йә, бь эскэрава гьһиштъме у мьн әw хьлаз кър. ²⁸ Мьн хwэст кӧ бьзаньбьм к'а бона чь шькийате ви дькьн, мьн әw бьрә бәр щьвина гьрәгьред ван ²⁹ у к'ьфш кър, кӧ шькийате ван сәр пьрсед қануна ван ә, ле бона кӧштъне йан гьртъне хьрабийа ви т'ӧнәйә. ³⁰ Гава шаб гьһиштә мьн, кӧ щьһуйа бона ви мәрви т'әлэкәк һазър кьрийә, мьн дәстхwәда әw шандә щәм тә у

ә'мьри ль шькийаткьра кър, кӧ чи вани мьқабьли ви һәбә, ль бәр тә бежьн*».

³¹ Эскэра жи анәгори ви ә'мьре кӧ стандьн, Павлос шөв һьлдан бьрьнә Энтипәтрисе. ³² Р'ожа дьне йед сийари Павлоср'а данин кӧ т'әви ви һэр'ьн, ле йед пәйа хwәха вәгәр'ийанә эскәрхане. ³³ Эwед сийари гьһиштънә Qэйсэрийе, нә'мә данә wэли, Павлос жи данә дэсте ви. ³⁴ Эwi әw нә'мә хwәнд, пьрси жь к'ижан қэзайе йә, кӧ пе һ'эсийа жь Киликйайе йә, ³⁵ гот: «Әзе һьнге гӧһдарийа тә бькьм, к'әнге шькийаткьред тә бен». У ә'мьр кър, кӧ әw қәсьра һеродәсда бе хwәйкьрьне.

**Щьһу шькийате Павлос
дькьн**

24 ¹ Пенщ р'ожа шунда һананийаие сәрәкк'аһин т'әви һьнәкә жь р'успийа у Тәртулоие занәбеж^ф бәржер бу һатә Qэйсэрийе. Вана бона Павлос гьли-газьне хwә wэлир'а кьрьн. ²⁻³ Гава гази Павлос кьрьн, Тәртуло дәст бь шькийата кър у гот: «Әм т'ьме у һәр

* 23:30 Нав һьнәк дәстньвисарада әв жи һәйә: «Сахийа тә дьхwазьм».

дэра ван кърнед тэ дышекь-риньн, Фэликсе хвэйицэдър, кӧ сайа сӧре тэ эви мьлэте мӧ гэлэк э'дълайи дитийэ у гэлэки пешда чуйэ. ⁴ Ле вэки гэлэки сӧре тэ нэшиньм, ниви дькьм жь к'эрэма хвэ кьн гӧндарийа мӧ бькӧ. ⁵ Мӧ эв мӧрва дит, чава мина бӧлаке к'этийӧ нава х'эму щьһуйед сӧр дьне т'эвиһэв дькӧ у р'эбӧре к'омӧла ньсрӧтийа^ф йӧ. ⁶ Эви кър кӧ п'арьстгӧһе жи бьһ'эр'ьминӧ, ле мӧ эв гьрт*. ⁸ Һӧгӧр тӧ жь ви бьпърси, те хвӧха бькарьби жь ви һӧр тьшти бьзаньби к'а бона чь эм шькийате ви дь-кьн». ⁹ Щьһуйа жи готьна ви э'сӧйи кърьн, готьн: «Бӧле, эв йӧк ӧса йӧ».

**Павлос шаба хвэ ль бӧр
Фэликсе вӧли дьдӧ**

¹⁰ Гава вӧли пе сӧрийа кър кӧ эв хӧбӧр дӧ, Павлос ле вӧгӧр'анд у готе: «Эз заньм кӧ гэлэк сал ьн тӧ һ'акьме ви мьлӧти йи, эзе жи бь р'эзӧдъ-ли бона хвӧ шаба хвӧ бьдьм.

¹¹ Чава кӧ тӧ дькари бьзаньби, эва донздӧһ р'ож т'ӧнӧ, кӧ эз бона х'ӧбандьне һӧвраз чубумӧ Оршӧлиме. ¹² Эвана эз нӧди-тьмӧ кӧ п'арьстгӧһеда т'эви йӧки тек'эвьмӧ дӧ'ве, йан жи к'ьништада ӧса жи щики дьн бажерда э'лалӧте дора хвӧ т'оп кьм. ¹³ У нӧ жи ньһа дькарьн готьнед хвӧ избат кьн, кӧ бона чь шькийате мьн дькьн. ¹⁴ Ле эзе ашкӧрӧ тӧр'а бежьм, вӧки ль гора ве Р'ийа кӧ эвана жер'а к'омӧла шьһ'ьти^ф дьбежьн, эз һӧма ӧса Хвӧдеје кал-бавед хвӧ дьһ'ӧбиньм. У чь кӧ Қанун у ньвисаред п'ехӧмбӧрада жи ньвисар э, бавӧр дькьм. ¹⁵ Эз Хвӧдеда жи гӧман ьм, чава кӧ эв жи ве гӧмане нӧ, кӧ х'эму һӧқ у нӧһӧқе жь мьрьне р'абьн. ¹⁶ Бона ве йӧке чьқас жь мьн те, эз дьщӧдиньм х'эму вӧхти бь исафа р'ьһ'ӧт ль бӧр Хвӧде у мӧрва бьм.

¹⁷ Ава пӧй гӧлӧк салар'а эз вӧгӧр'ийам һатьмӧ Оршӧли-ме, кӧ к'омӧке бьдьмӧ мьлӧте хвӧ у х'ӧдийа бьдьм. ¹⁸ Һьнге

* ^{24:6} Нав һьнӧк дӧстньвисарада эв жи һӧйӧ: «Мӧ дьхвӧст кӧ эм ди-вана ви анӧгори қануна хвӧ бькьн, (р'еза 7) ле Лусийоје сӧрһ'ӧзар сӧр мӧда гьрт, бь зоре жь дӧсте мӧ станд у э'мьр кър, кӧ шькийаткьре ви бенӧ щӧм тӧ».

ви шьхөлида эз п'арьстгәһеда пафьжбуйи дитъм ль гора э'дәте мә. Эз нә т'әви э'лаләте бум, нә жи шәр'уда. ¹⁹ Ле жь ван чәнд шьһуйед қәза Асйайе ль вьр бун. Һәгәр һындава мында тыштәки вани готьне һәбуйа, әв гәрәке бьһатана бәр тә бьсәкьнийана шькийате мын бькьрана. ²⁰ Йан жи бьра әвана бежьн, гава эз бәр шьвина гьрәгьра сәкьни бум, чь хьраби сәр мын дитьн, ²¹ пештьри ве йәке, кә мын бь дәнге бьльнд нава ванда готийә: «Бона ба-вәрийа р'абуна мьрийа һун иро диwana мын дькьн»*.

²² Фәликсва әв Р'е кә р'ьнд ә'йан бу, һынге әви шьхөле ван пашда авит у гот: «К'ән-ге Лусйойе сәрһ'әзар бәржер бе, әзе һынге бона шьхөле вә қьрара хвә бьдьм». ²³ Әви ә'мьри сәрсәд кьр, кә Павлос п'ьр'и-һындьки аза хвәй кьн у изьна һәвал-һогьред ви жи бьдьн, йе кә we к'омәкдарийа ви бькьн.

Павлос гьрти дьминә

²⁴ Чәнд р'ожа шунда Фәликс т'әви Дьрусила к'өлфәта хвәйә

шьһу һат, гази Павлос кьр у бона we ба-вәрийа сәр Мәсиһ Иса жь ви бьһист. ²⁵ Павлос һе бона р'астийе, хвәгьртьне у диwana Хвәдейә кә we бе хәбәр дьда, Фәликс saw к'ьшанд у гот: «Тө ньһа һәр'ә. Гава вәхте мын һәбә, әзе гази тә кьм». ²⁶ Өса жи әв we гөмане бу, кә жь Павлос п'әрә бьстанда, бона we йәке жи гәләк щара гази ви дькьр у т'әви ви хәбәр дьда.

²⁷ Гава дө сал дәрбаз бун, дәвса Фәликс Поркийо Фесто бу вәли. Фәликс жи кә дьхвәст қәнщи шьһуйар'а бькьра, Павлос гьрти һьшт.

Павлос дә'ва диwana

Қәйсәр дькә

25 ¹ Пәй се р'ожар'а, гава Фесто дәрбази сәр қө-льха хвә бу, әв жь Қәйсәрийе һәвраз чу Оршәлиме. ² Сәрәкед к'аһина у гьрәгьред шьһуйа бона Павлос шькийате хвә ль ви кьрьн ³ у һиви кьрьн кә бькә қәнщи ви бинә Оршәлиме, чьмки вана т'әләк чекьрьбу кә р'ева ви бькөжьн. ⁴ Ле Фесто ль ван вәгәр'анд у гот: «Павлос we ль Қәйсәрийе гьрти бьминә

* ^{24:21} К'аред Шандийа 23:6.

у эзе хвәха жи зутьре һәр'ымә
 5 Ẃр бьра сәршеред вә
 т'әви мьн бәржер бьн у һәгәр
 нәһәқиқә ви мәрви жи һәбә,
 бьра гөнәк'арийа ви бежә».

6 Ẃр нәһә-дәһә р'ожа нав
 ванда ма, паше бәржер чу Қәй-
 сәрийе, р'ожа дьн ль һәрәма
 диwane р'уньшт, ә'мьр кьр кә
 Павлос биньн. 7 Гава Павлос
 һат, щьһуйед кә жь Оршәлиме
 бәржер һатьбун дора ви гьртьн
 у гәләк бөхданед гьран ль ви
 дькьрьн, ле нькарьбун избат
 кьрьна. 8 Павлос шаба хвә да
 у гот: «Мьн һьндава Қануна
 щьһуйа йан п'арьстгәһе йан
 жи Қәйсәрда т'ө нәһәқи нә-
 кьрийә».

9 Фесто жи хвәст кә щьһуйа-
 р'а қәнщийе бькә, ль Павлос
 вәгәр'анд у гот: «Тө дьхвази
 һәвраз һәр'и Оршәлиме, кә
 бона ван тышта диwana тө бәр
 мьн Ẃр бе кьрьне?» 10 Пав-
 лос гот: «Әз ль бәр диwana
 Қәйсәр сәкьни мә, ль к'ө жи
 диwana мьн гәрәке бьбә. Мьн
 хьрабик ль щьһуйа нәкьрийә,
 чава тө хвәха жи қәнщ зани.
 11 Ава һәгәр әз нәһәқ ьм у
 мьн тыштәки өса кьрийә кә
 гәрәке бемә кәштьне, әз жь
 мьрьне вәнак'ышьм, ле һәгәр

нәһәқийа мьн ве йәкеда т'өнә,
 чава кә әwana шәр'а давежьнә
 мьн, кәс нькарә мьн бьдә дәсте
 ван. Әз дә'ва диwana Қәйсәр
 дькьм». 12 Һьнге Фесто т'әви
 ширәтк'ара хәбәр да, паше ль
 ви вәгәр'анд у готе: «Тө дә'ва
 Қәйсәр дьки, гәрәке тө һәр'и
 щәм Қәйсәр».

Павлос ль бәр Әгрипа^Ф у хушка ви Бәрньке

13 Чәнд р'ож дәрбаз бун, Әгри-
 па п'адша у Бәрньке һатьнә
 Қәйсәрийе, кә Фесто сылав кьн.
 14 Гава гәләк р'ож ль Ẃр дәр-
 баз кьрьн, Фесто бона Павлос
 ә'лами п'адше кьр у гот: «Ẃр
 мәрвьәк һәйә кә жь һена Фә-
 ликсда әв гьрти майә. 15 Гава
 әз чумә Оршәлиме, сәрәкед
 к'аһина у р'успийед щьһуйа
 щькийате ви бәр мьн кьрьн
 у һиви кьрьн кә әз диwana ви
 бькьм. 16 Мьн ль ван вәгәр'анд
 у гот, вәки нә ә'дәте р'омайийа
 йә кә мәрвьәки бехәда бьдьнә
 дәр, һ'әта мәшале нәдьнә йе
 гөнәк'ар, кә ль бәр щькийат-
 кьред хвә бьсәкьнә у р'у бь
 р'у бәр ван шаба хвә бьдә.
 17 Гава әwana һатьнә вьра, мьн
 дәрәнги нәхьст, р'ожа дьне әз
 ль һәрәма диwane р'уньштьм

у мьн э'мьр кьр, кӧ ви мәрвыи биньн. ¹⁸ Гава йед кӧ эв гӧнэ-к'ар дькьрн р'абун кӧ хэбәр дьн, мьн бона чь хьрабийед кӧ шык дьбьрэ ви, т'ӧ кәси бона ван йәка тыштәк нәгот. ¹⁹ Ле дэ'ва ван т'эви ви бона пьрса һ'эбандьна ван бу у сәр Исаки мьри, кӧ Павлос дьбежә Әв сах э. ²⁰ Ынге мьн нъзаньбу кӧ чава эв пьрсана э'сәйи бькьрана, мьн жь ви пьрси: «Тӧ дьхвази һәр'и Оршәлиме, кӧ бона ван тышта бәр диwane бьсәкьни?» ²¹ Ле чахе Павлос хвәст кӧ шы-хӧле ви һәр'э бәр Қәйсәр у бе леньһер'андьне, мьн э'мьр кьр кӧ эв гьрти бьминә, һ'эта кӧ эз ви бышиньмә щәм Қәйсәр». ²² Әгрипа Фестор'а гот: «Мьн жи дьхвәст хэбәрдана ви мәрвыи бьбьһиста». Әви жи гот: «Те сьбе ви бьбьһейи».

²³ Р'ожа дьне Әгрипа у Бәр-ньке бь р'әвша мэзын т'эви сәрһ'эзар у гьрәгьред бажер һатьнәк'оч'ьксәре, Фесто э'мьр кьр у Павлос анин. ²⁴ Фесто гот: «Әгрипа п'адша у һ'әму-йед һазьр! Ыун ви дьбиньн, т'әмамийа щьмә'та щьһуйа һьн Оршәлимеда, һьн жи вьра шыкийате ви бәр мьн дькьрн у дькьрнә қир'ин дьготьн: «Әв

гәрәке сах нәминә!» ²⁵ Ле мьн к'ьфш кьр кӧ эви тыштәки ӧса нәкьрийә кӧ бе кӧштьне у хвәха жи дэ'ва диwana Қәйсәр дькә, мьн қьрар кьр кӧ ви бышиньм. ²⁶ Ле бона ви тыштәки э'сәйи т'ӧнә хвәйе хвәр'а бьньвисьм, бона ве йәке мьн эв ани бәр вә, илаһи^ф бәр тә Әгрипа п'адша, вәки эв йәк диса бе леньһе-р'андьне, һьнге тыштәки мьни ньвисаре ве һәбә. ²⁷ Чьмки тыштәки бе ақьли йә, һәгәр эз гьртики бышиньм у бона суще ви тыштәки нәнвьвисьм».

Шабдарийа Павлос ль бәр Әгрипа

26 ¹ Ынге Әгрипа Павлос-р'а гот: «Изьна тә һәйә кӧ тӧ бона хвә хэбәр ди». Ве дәме Павлос дәсте хвә бьльнд кьр, шаба хвә да. ² «Әгрипа п'адша, бона һ'әму шыкийатед кӧ щьһу ль мьн дькьн, эз иро хвә бәхтәвар һ'әсаб дькьм кӧ бәр тә сәкьни мә шаба хвә дьдьм, ³ илаһи ве пьрседа кӧ тӧ һаш жь һ'әму э'дәт у пьрсед щьһуйа һәйи. Бона ве йәке эз жь тә һиви дькьм, бь сәбьр гӧһдарийа мьн бьки.

⁴ Ы'әму щьһу заньн кӧ мьн чава э'мьре хвә жь зар'отийа

хвэда гърти нава мьлэте хвэ у
 ль Оршэлимеда дэрбаз кърыйэ.
 5 Эвана зува мьн нас дькьн,
 хэгэр бьхвазьн, дькарьн шэ'-
 дэтийе бьдьн, вэки эз анэгори
 э'дэте к'омэла дине мэйи х'ышк
 жи ферьси бумэ. 6 У ньна жи
 бона гөмана ви созе кö Хвэде
 дайэ кал-бавед мэдиwana мьн
 те кьрьне, 7 хут бона ви созе кö
 хэр донздэх э'ширед мэ бь дьл
 у шан, шэв у р'ож Хвэде х'э-
 бандьнэ, вэки бьгьнижьнэ эве
 йэке. Бэле бона ве гөмане йэ,
 кö шьһу шькийате мьн дькьн,
 п'адшайи хвэш бэ. 8 Һун чьма
 нькарьн бавэр бькьн, кö Хвэде
 ве мьрийа жь мьрьне р'акэ?

9 Мьн хвэха жи кьрбу дэйне
 стуйе хвэ, кö мьцабьли наве
 Исайте Ньсрэте гэлэк тышт
 бькьра 10 у мьн Оршэлимеда
 кьр жи. Мьн жь сэрэкед к'а-
 hina х'өкөм станд у гэлэкед
 жь шьмэ'та Хвэде давитьнэ
 кэле у гава дьхатьнэ кöштьне,
 мьн жи дэнге хвэ дьда. 11 Һ'эму
 к'ьништада гэлэк шара мьн эв
 дьданэ шэзайе у дькьр кö зоре
 бьдьмэ ван кö ве бавэрийа

хвэ инк'ар кьн. Мьн к'ина ван
 гьртьбу, х'эта бажаред хэрибда
 жи эв дьзерандьн*.

12 Ава эз шарэке бь х'өкөм
 у э'мьре сэрэкед к'аhина дь-
 чумэ Шапе. 13 Р'ож нивро бу,
 п'адшайи хвэш бэ, р'ева мьн
 дит жь э'змен р'онайикэ жь
 р'онайиия тэ'ве зортьр дора
 мьн у йед т'эви мьн дьхатьн
 шэwq да. 14 Эм х'эму к'этьнэ
 э'рде, мьн дэнгэк бьхист кö
 бь зьмане ибрани мьнр'а гот:
 «Шавул! Шавул! Тö чьма Мьн
 дьзерини? Тö бь к'өлме нькари
 хэр'и дьреше*». 15 Мьн гот: «Тö
 к'и йи, Хөдан?» Хөдан гот: «Эз
 эв Иса мэ, Йе кö тö дьзерини.
 16 Ньна р'абэ сэр ньгед хвэ, Эз
 бона ве йэке тэва хöйа бум,
 кö тэ бькьмэ бэрдэстийе Хвэ
 у шэ'де ви тыште кö тэ дит у
 ван тыштед кö Эзе паше бэр
 тэ вэкьм. 17 Эзе тэ жь дэсте
 шьмэ'та Исраеле у нэшьһуйа
 хьлаз кьм. Ва Эз тэ дьшиньмэ
 нава ван, 18 вэки ч'э'вед ван
 вэки, жь тэ'ристанийе бэрбь
 р'онайе у жь х'өкөме мирещьн
 бэрбь Хвэде вэгэр'ини, вэки

* 26:11 К'аред Шандийа 8:3; 22:4-5.

* 26:14 Бь йунани хэбэр бь хэбэр аһа йэ: «Тö чьфта нькари бавежи шьва сэртуж».

бь сайа we бавәрийа сәр мын, гөнед ван бенә бахшандьне у т'эви п'ара шьмә'та Мын бьн».

¹⁹ Ава Әгрипа п'адша, эз мыґабыли we дитьна ль бәр-ч'э'вайә жь э'змен нәсәкьним.

²⁰ Ле мын пешийе йед Шаме, Оршәлиме у т'әмамыйа т'оп-рахед Щьһустанер'а даннасин кьр, өса жи нәщьһуйар'а, кә т'обә кьн бәрбь Хвәде вәгәр'ьн у кьред қәнщ бькьн, вәки бе к'ьфше әв жь гөнәкьрьне вәгәр'ийанә*. ²¹ Бона we йәке щьһуйа эз п'арьстгәһеда гьртьм, хвәстьн мын бькөжьн. ²² Ле мын жь Хвәде к'омәк станд у һ'әта иро эз мамә, шә'дәтийе дьдьмә бьч'ук у мәзьна. Тьштәки зедә жи жь ван тьштед кә п'ехәмбәра у Муса готьбун we бьбьн, мын нәготийә: ²³ Гәрәке Мәсиһ щәфа бьк'ьшанда, бьбуяа йе пешьн жь нава мьрийа р'абуйи у р'онайа хьлазбуне мьләтед щьһу у нәщьһуйар'а даннасин кьра»*.

²⁴ Гава Павлос аһа шаба хвә да, Фесто бь дәнге бьльнд гот: «Тә хвә өнда дьки, Павлос!

П'ьр'хвәндьна тә тә өнда дькә». ²⁵ Павлос готе: «Әз хвә өнда накьм Фестойе хвәийқәдър, ле хәбәрәд р'аст у че дьбежьм.

²⁶ П'адша һаш жь ван тьшта һәйә, ләма жи эз аза хәбәр дьдьм у бавәр накьм кә тьштәк жь wi вәшарти мабә, чьмки әв йәка қәлч'әкида нәбуяә. ²⁷ Әгрипа п'адша, тә п'ехәмбәра бавәр дьки? Заньм кә тә бавәр дьки».

²⁸ Әгрипа Павлоср'а гот: «Тә т'ьре тә өса зудькари мын бьки мәсиһи^{ф?}»* ²⁹ Павлос гот: «Әз һиви жь Хвәде дькьм, зу-дәрәнг нә кә т'әне тә, ле һ'әмуяед кә иро гөһдарийа мын дькьн, өса бьн чава эз ьм, пештьри ван қәйда».

³⁰ Ынге п'адша р'абу п'ийа, вәли, Бәрньке у һ'әмуяед т'эви wi р'унышти жи пер'а. ³¹ Әв дәрк'әтьнә дәрва, һәвр'а хәбәр дан у готьн: «Әва мәрьва тьштәки өса накә кә бе кәштьне йан гьртьне». ³² Ле Әгрипа Фестор'а гот: «Мә дькарьбу әва мәрьва бәр'да, һәгәр әви дә'ва диwana Қәйсәр нәкьра».

* 26:20 К'аред Шандийа 9:20-29.

* 26:23 Корьнт'и I, 15:20; Ишайа 42:6; 49:6.

* 26:28 Аһа жи те фә'мкьрьне: «Һьндьк ма кә тә мын жи бьки мәсиһи».

Р'еуитийа Павлосэ пашьн h'эта Р'оме (27:1–28:16)

**Павлос бь гэмийе
дьбьнэ бажаре Р'оме**

27 ¹ Гава цьрар кьрын кӧ эм бь гэмийе хэр'ьнэ Италийае, Павлос у чэнд гьр-тийед дьн данэ дэсте сэрсэдэ-ки жь р'эфа эскәред Қәйсәр, наве ви Йульо. ² Эм к'этьнэ гэмикә жь Әдрәмите, кӧ we гәмиваргәһед қәза Асийаева бьчуйа у р'ек'этын. Әристархойе мәкәдони жи жь Т'есалонике мәр'а бу. ³ Р'ожа дьне эм Сайдае пәйа бун, Йульо қәнши Павлоср'а кьр, изьн да кӧ хәр'ә щәм достед хвә, wәки бона ви хәм бькьн. ⁴ Жь wьр р'ек'э-тын, дәст байе пешийа мә, эм тә'лде Қӧбрьсер'а дәрбаз бун. ⁵ Гава эм нава бә'ра пешбәри Киликйае у Памфилайаева дәрбаз бун, гьһиштьнә Ликйае, бажаре Мирайе. ⁶ Wьр сәрсәд гэмикә Скәндәрйае дит кӧ дьчу Италийае, эм кь-

рьнә we гэмийе. ⁷ Һеди-һеди гәләк р'ожада эм бь зорәке незики Кьнидийае бун. Бе кӧ р'е нәдыда мә, эм бьнат'ара Кьретае бәр Салмонер'а дәр-баз бун. ⁸ Эм бь зорәке wьрр'а дәрбаз бун гьһиштьнә щики, кӧ жер'а дьбежьн Гәмиваргә-һед^ф Бәдәw, кӧ незики бажаре Ласәйае бу.

⁹ Гәләк wәхт кӧ ль wьр дәр-баз бу, р'еуитийа гэмийе жи бь қәзийава гьредайи бу, Р'ожа Р'ожийа^{ф*} жи иди дәрбаз бьбу. Павлос ширәт ль ван кьр у гот: ¹⁰ «Гәли мәрьва! Эз дьбиньм кӧ әв р'еуитийа бь гэмийе гәләк зийане у щәфава гьредайи йә, нә кӧ т'әне бона бар у гэмийе, ле бона ә'мьре мә жи». ¹¹ Ле сәрсәд һе гӧр'а гәмиван^ф у хwәйе гэмийе дькьр, нә кӧ хәбәред Павлос. ¹² Әw гәмиваргәһ бона дәрбазкьрьна зьвьстане нә қәнщ бу, ләма жи гәләка жь ван қьрара хвә да кӧ жь wьр

* ^{27:9} Бь готьнәкә дьн: «Р'ожийа Р'ожа^ф К'әwандьне» (Қануна К'а-һинтийе 16:29; 23:26-32). Р'ожа we щәжьне хәр сал һәв нагьрә, шарна дьк'әwә мәһа нәһа, шарна жи йа дәһа. Һәгәр әв сәрһати сала 59-да қәwьмибә чава һьнәк занә бawәр дькьн, һьнге әв қәwьмандьн дь-к'әwә 5-е мәһа дәһа һ'әсабе ньһа.

hər'ьн, бэлки бькарьбын бь-
гьнижьнэ бажаре Финиксе у
ль wьр зьвьстане дэрбаз кьн.
Эва бажара гəмиваргəнəкə
гьрава Кьретайе йə, кə ль ба-
шур-р'оавайе у бакөр^ф-р'оавайе
дньнєр'ə.

Фьртонə^ф бə'ре

¹³ Гава байе башурейи нəрм
нат, вана т'ьре иди гьништьнə
мэрəме хwə, лəнгэрə к'ьшан-
дьн р'єк'əтьн у хwə ль heшийа^ф
Кьретайе гьрти чун. ¹⁴ Ле хелəке
шунда фьртонəкə^ф қайим ль мə
р'абу, кə жер'а дьбежьн Еври-
кьлон*. ¹⁵ Фьртонє ль гəмийе
хьст у гəми нькарьбу мьқабьли
we бьчуйа, дəст же к'ьшанди
əм жь бе натьнə ажотьне. ¹⁶ Мə
хwə да бəр тə'лде гьравəкə бь-
ч'ук, наве we Kawда, ль wьр бь
зорəке қəйьк гьрт ¹⁷ к'ьшандə
жор у бь wəрьса гəми бьнива
шьдандьн. Эвана тьрсийан
кə нəбə гəми лила^ф Суртьседа
р'унє, бап'еш^ф анинə хwаре у
aha жь бе дьнатьнə ажотьне.
¹⁸ Жь дəст қайимийа фьртонє,
барє гəмийе р'ожа дьн р'єть-
нə бə'ре. ¹⁹ Р'ожа сьсийа вана

бь дəсте хwə нацəтєд гəмийе
авитьнə бə'ре. ²⁰ Əw чəнд р'ож
бун тə'в у стəйрк нəдьхатьнə
хəйанє, фьртонə жи нəдьсəкь-
ни. Həйнəсəр бона хьлазбунє
гəмана мə h'əму натə бьр'инє.

²¹ Əw чəнд р'ож бун жи бьр'-
чи мабун, Павлос нава ванда
сəкьни у гот: «Гэрəке wə гəр'а
мьн бькьра ə'вдно, жь Кьре-
тайе дəрнəк'əтанə, һьнге wəйе
əв зийан у щəфа нəк'ьшанда.

²² Ньһа жи əз һиви дькьм, кə
һун дьл бьдьнə бəр хwə, чьмки
пештьри гəмийе зийанє ль мə
т'ə кəси нəбə. ²³ Чьмки һəма
ве шəва дəрбазбуйи мьлйак'ə-
тəки^ф wi Хwəдєйе кə əз п'ара
Wi мə у Wi дьһ'əбиньм, мьнва
хəйа бу ²⁴ у гот: «Нəтьрсə, Пав-
лос! Гэрəке тə ль бəр Qəйсəр
бьсəкьни. Ва Хwəдє h'əмуйед
т'əви тə гəмийєда данə хать-
ре тə». ²⁵ Ньһа дьл бьдьнə бəр
хwə ə'вдно, чьмки əз Хwəдєда
бawəр ьм, кə чава мьнр'а натə
готьне, we əса жи бьбə. ²⁶ Ле
т'əнє əмє бенə ажотьне у бəжа
гьравəке хьн».

²⁷ Шəва чардəһа бу кə əм бə'ра
Адрийатикєда жь бе дьнатьнə

* ^{27:14} «Еврикьлон» бь зьманє йунани аһа те фə'мкьрьне: «Байе кə жь бакөр-р'оһьлатє те».

ажотъне. Ниве шөве гэмивана к'ьфш кър, кӧ дьгъһиштънә бәжәкә^ф, ²⁸ к'урпив авитъне, дитън кӧ қаси чъл метъри бу, һьнәки жи пешда чун, диса авитъне дитън кӧ қаси си метъри бу. ²⁹ Ынгә әм търсийан кӧ нәбә әм щики кәвьри хьн, пашийа гәмийева чар ләнгәрә авитън у бь дӧа ч'ә'вньһер'и-йа сьбәһе бун. ³⁰ Ле гэмивана хвәст кӧ жь гәмийе бър'әвьн, қәйьк жь гәмийе пәйа кърьн, бь we мә'нийе йанчийә дь-хвазьн пешийа гәмийева жи ләнгәра бавежън, ³¹ Павлос сәрсәд у әскәрар'а гот: «Һәгәр әвана гәмийеда нәминън, һун нькарън хьлаз бьн». ³² Ынгә әскәра капед қәйькә қәтандьн, бәр'дан кӧ weда һәр'ә.

³³ Бәрбанга сьбәһе Павлос һиви жь ван һ'әмуя кър кӧ нен бьхвьн у гот: «Әва чар-дәһ р'ож ә кӧ һун ч'ә'вньһер'и бър'чи манә у wә т'ӧ тышт нәхварийә. ³⁴ Аwa әз һиви жь wә дькьм, нане хwә бьхвьн, кӧ әв жи бона хьлазбуна wә йә, т'еләки п'ор'е сәре wәйе онда нәбә». ³⁵ У гава әв йәк гот, нан һьлда ль бәр һ'әмуя шькь-рийа хwә Хwәде ани, кәркьр у дәстпекьр хвар. ³⁶ Ви чахи

бин һатә бәр һ'әмуя, ван жи нан хвар. ³⁷ Әм һ'әму һәвр'а гәмийеда дӧсьд һ'әфте шәш мәри бун. ³⁸ Гава нан хварьн, т'ер бун, гәнъм р'етънә бәрә гәми сьвьк кърьн.

Қәзийа гәмийе

³⁹ Сьбәһ кӧ зәлал бу, ә'рд нас нәдькърьн, ле дәлавәкә бәрә р'ач'ә'в кърьн, кӧ һешийа we һәбу у дьхwәстън бәлки бькарь-бьн бьне гәмийе wьр ә'рдә хьн. ⁴⁰ Ләнгәрә жь бьни қәтандьн, бәрәда һьштън, һьнгә жи wә-рсьсед фьтъләкед^ф зьвьр'андьне кӧ дьгьртън сьст кърьн у ба-п'еша пеш данә бе, хwә ль we һешийа бәрә гьртън. ⁴¹ Ле ль гьрәки бьне аве хьстън, лиледа р'унышт, позе гәмийе теда ма у иди нәһ'әжийа, пышта we жи жь дәст қайимийа пела һурдәхwә-ши дьбу. ⁴² Ынгә әскәра қьрар кърьн кӧ гьртияа бькӧжън, wәки собәк'арийе нәдън нәр'әвьн. ⁴³ Ле сәрсәд кӧ дьхwәст Павлос хьлаз кьра, нәһьшт кӧ әw ше-wьра хwә биньнә сери. Ынгә ә'мьр кър кӧ йед собәк'арийе заньн, пешийе хwә бавежънә аве дәрәнә бәжә, ⁴⁴ ле йед ма-йин, һьнәк сәр т'әхта, һьнәк жи сәр п'арч'ед гәмийе дәрән.

У бь ви авайи аһа һ'эму хьлаз бун, дэрк'этыһнэ бэже.

Гърава Малтайеда

28 ¹Гава эм хьлаз бун, һынге эм пе һ'эсийан, кӧ наве ве гъраве Малта йэ. ²Бһнэлийед вьр гэлэк қэдър-һӧрмэт^ф мэр'а кьрын, агьр вехьстыһн, жь бэр ве сэрмаие у барана кӧ дэст-пекьр эм қэбул кьрын. ³Һынге Паулос бэрмылэ қырш бэрэв кьр дани сэр егьр, мэр'рэк жь дэст гэрме дэрк'эт, дэв авитэ дэсте ви гьрт. ⁴Бһнэлийа гава р'э'вьре дэсте вива дардабуйи дит, һэвр'а готьн: «Эва р'асти меркӧж э, жь бэр'е хьлаз бу, ле хӧдане Һэқийе нэһьшт кӧ эв бьжи». ⁵Ле Паулос р'э'вьре дэсте хвэва давшандэ нава егьр у зийан ль ви нэбу. ⁶Эвана жи һивийа ве йэке бун кӧ ве бьвэрьмэ йан нышкева бьк'эвэ бьмырэ, гава гэлэки һивийе ман у дитьн кӧ т'ӧ тышт ль ви нэһат, фькьре хвэ гӧһастьн у готьн: «Эва хвэдек э».

⁷Ль ви щийе дор-бэред ван бэргед сэрвеве ве гъраве һэбун, кӧ наве ви Поплийо бу. Эви һӧрмэт мэр'а кьр, се р'ожа эм щэм хвэ хвэй кьрын. ⁸Баве Поплийо т'айеда бь зькешийе нэхвэш п'алдаи бу. Паулос чу щэм ви, дӧа кьр, дэстед хвэ данинэ сэр ви у эв қэнщ кьр. ⁹Гава эв йэка қэвьми, нэхвэшед майинэ ве гъраведа жи дьһатьн қэнщ дьбун. ¹⁰Вана гэлэк қэдър-һӧрмэт мэр'а кьрын у гава эм р'ек'этыһн, эв тыштед кӧ бона р'е ве кери мӧ бьһатана мэр'а дагьртыһн.

Жь Малтаие һ'эта Р'оме

¹¹Се мэһа шунда эм бь гэмийа Скэндэрйаие р'ек'этыһн, кӧ ве жи зьвьстан ль ве гъраведа дэрбаз кьрьбу, шыкьле һэр дӧ хӧданед Һэвал-шеви* жи сэр бу. ¹²Эм гьһиштыһнэ Сирекусе, се р'ожа вьр ман. ¹³Жь вьр жи эм чун гьһиштыһнэ Р'егийоме. Р'ожэке шунда байе башуре һат, эм дӧ р'ожада гьһиштыһнэ

* 28:11 Ӧса те фэ'мкьрыне кӧ шыкьле «хӧданед Һэвал-шеви» сэр позе гэмийе дарда к'олайи бун, йан жи «хӧданед Һэвал-шеви» наве гэмийе бу. «Хӧданед Һэвал-шеви» эв хвэха хвэдейед йунанайэ һэвал-шеви бун, кӧр'ед Зэвс, наве йэки Кастор, наве йе дьһн жи Полукс бу. Гэмивана эв дьһ'эбандьһн, бь йунани жи ванр'а дьготьн: «Дийоскуро».

Потийоле. ¹⁴Вър мэхушк-бьра дитън у ниви жь мэхьрын, кӧ эм х'эфтеке вьр бьминьн. У бь ви авайи эм гьништънэ Р'оме. ¹⁵Хушк-бьрайед вьр жи бона мэхьништъбун, пешийа мѣда хатън х'ѣта Мѣйдана Эпийу у Се Меванхана. Павлос кӧ ѣв дитън, шькьри да Хвѣде у дьле ви шьдийа.

**Павлос Р'омеда
Мьзгинийе дьдѣ**

¹⁶Гава эм гьништънэ Р'оме*, изьн данѣ Павлос кӧ т'ѣне т'ѣви ви ѣскѣре кӧ нобѣдарийе ви дькѣ бьминѣ. ¹⁷Се р'ѣжа шунда Павлос гази гьрѣгьред шьхуйа кьр, гава ѣв хатън, ванр'а гот: «Гѣли бьра! Мьн тыштѣки мь-
цабьли шьмѣ'те йан кал у бава нѣкьрийѣ, ле Оршѣлимеда ѣз гьртъм дамѣ дѣсте р'ѣмайийа. ¹⁸Гава ѣз анимѣ бѣр диване, хвѣстън мьн бѣр'дън, чьмки сѣр мьн бона кӧштъне т'ѣ хьра-
би нѣдитън. ¹⁹Ле гава шьхуйа мьцабьли ве йѣке хѣбѣр дан, мьн иди беч'арийа хвѣ дѣ'ва
Р'ѣйсѣр кьр, ле нѣ бона ве йѣ-

ке, кӧ шькийате мьлѣте хвѣ бькьра*. ²⁰Лѣма жи мьн ниви кьр, кӧ вѣ бьбиньм у т'ѣви вѣ хѣбѣр дьм. Бѣле ѣз бона гѣмана Исраеле ван р'ѣйд-зънширада мѣ». ²¹Вана жи вьр'а гот: «Мѣ бона тѣ жь Шьхустане нѣ нѣ'мѣ станийѣ, нѣ жи жь бьрайед мѣ кѣс хатийѣ бона хьраби-
йа тѣ гьли кьрийѣ йан хѣбѣр дайѣ. ²²Ле эм дьхвазьн жь тѣ бьбьнен, к'а бир у бавѣрийа тѣ чь йѣ, чьмки бона ве к'ѣмѣле мѣва иди ѣ'йан ѣ кӧ х'ѣму ши-
йа мьцабьли ве хѣбѣр дьдън».

²³Ава р'ѣжѣк к'ѣфшкьрын у ве р'ѣжеда гѣлѣк хатънѣ ви шийе кӧ Павлос теда дьма. Эви сьбе х'ѣта ѣваре ванар'а бона П'адшатийа Хвѣде шьровѣдькьр у бь мѣ'рифѣти даннасин дькьр, дѣрхѣда Исада жи бь Р'ануна Муса у ньвисаред п'ѣхѣмбѣра ѣв дьданѣ бавѣркьрне. ²⁴Хьнѣка хвѣ ль готънед ви гьртън, хьнѣка жи бавѣр нѣкьр. ²⁵Ава бѣри чуйина ван нава ванда бу дѣтирѣти гава Павлос ѣв йѣк гот: «Чавана р'ѣст Р'ѣх'ѣ Пироз

* 28:16 Нав хьнѣк дѣстньвисарада ѣв жи хѣйѣ: «Сѣрсѣд гьрти спартънѣ сѣрѣскѣр».

* 28:19 К'аред Шандийа 25:11.

бь Ишайа п'ехэмбэр т'эви
кал-бавед мѧ хѧбѧр да ²⁶у гот:

«Һѧр'ѧ щѧм ве щьмѧ'те у
бежѧ:

Һуне бьбьһен у гѧһ бьдье,
ле фѧ'м нѧкьн,

Һуне бьньһер'ьн у дина хвѧ
бьдье, ле нѧбиньн.

²⁷ Чьмки ѧва щьмѧ'та сѧр-
һ'ьшк ѧ,

бь гѧһа гьран дьбьһен
у ч'ѧ'вед хвѧ гьртьнѧ,

вѧки бь ч'ѧ'ва нѧбиньн,
бь гѧһа нѧбьһен

у бь һ'ьш фѧ'м нѧкьн, вѧ-
нѧгѧр'ьн,

кѧ Ѧз ван қѧнщ кьм»*.

²⁸Авѧ бьра вѧва ѧ'йан бѧ, вѧки
хьлазкьрьна Хвѧде нѧщьһуйар'ѧ
һатѧ шандьне у ѧве гѧһдарийа
Ви бькьн»*.

³⁰Павлос т'ам дѧ сала мала
хвѧйѧ к'ьрекьрида ма, к'и жи
дьһатѧ щѧм ви, һ'ѧму қѧбул
дькьрьн. ³¹Ѧви П'адшатийа
Хвѧде бь мерк'ими бе пешигь-
ртьн даннасин дькьр у дѧрһѧқа
Хѧдан Иса Мѧсиһда һин дькьр.

* ^{28:27} Ишайа 6:9-10.

* ^{28:28} Нав һьнѧк дѧстньвисарада р'ѧза 29-а жи һѧйѧ: «У гава ѧв йѧк гот, щьһу дѧрк'ѧтьнѧ дѧрва у қьр'ька һѧв дьгьртьн».